

## Aposel iniņ ku Abô môņ

Luk hato kapyā lokwanju. Hato kapyā luvi ek Anyô Bêņ Tiapilus. Yani ma Lom iniņ anyô bêņ te ba lahaviņ nênem kapyā êņ luvi êndêņ avômalô ek nesam. Kapyā môņ atu ba Luk hato ma elam nena Luk ma hato hathak malêla takatu ba Yisu hadum aleba hathak leņ ba hi. Ma kapyā yaņ havenj yam ma elam nena Aposel. Ma hato hathak ku takatu ba aposel lôk avômalô êvhaviņ idum hadêņ waklavôņ Yisu hatak pik êntêk ba hi leņ.

Luk da miņ hayê Yisu ami, ma doņtom hawa abô hêk nê vi atu ba elanô lo êyê hathak malenj. Luk ma miņ anyô Israeļ te ami, yani ma anyô lon buyaņ.

Hato kapyā êntêk ek enaņ abô avanôņ esak ku takatu ba aposel idum lôk Yisu anêņ Abô Mavi atu ba hi luvuluvu. Avômalô vi enaņ abôyaņ hathak nê takatu ba êvhaviņ ba intu Luk hato kapyā êntêk ek injik thô nena nê êvhaviņ ma nê mavi ba esopa gavman iniņ abô. Malaiņ lomaloma hathak hapôm nê êvhaviņ ba intu hato kapyā êņ ek injik lonôndê mavi thô êndêņ nê takatu ba esopa Yisu. Ma kapyā êntêk hik thô nena Yisu lôk anêņ avômalô êvhaviņ tem nêmo nê kambom lu.

Hato kapyā êntêk hadêņ 63 AD la.

*Yisu havak abô nena tem nêmo Lovak Matheņ  
êlêm*

<sup>1</sup>\*Tiapilus, bôk yahato kapyra te hadêḡ o hathak nôḡ takatu ba bôk Yisu hadum lo hadôḡ, <sup>2</sup>\*môḡ anôḡ aleba hayô waklavôḡ hathak leḡ ba hi. Hamô pik denaḡ ma hathak Lovak Matherḡ anêḡ lôklokwaḡ ma hêv abô ku hadêḡ anêḡ aposel\* takatu ba bôk dalam i yôv. <sup>3</sup>\*Yani hawa vovaḡ ba hama vêḡ ma haviyô hathak loḡbô ma hik i thô hadêḡ anêḡ ḡê takêḡ. Lôk hadum nôḡkama bêḡ anôḡ ek hik thô nena yani hamô lôkmala hathak loḡbô. Wak hatôm 40 ma hik i thô lôbôlôḡ hadêḡ thêlô ba hanaḡ abô hathak Wapômbêḡ anêḡ loḡ lôkliḡyak.

<sup>4</sup>\*Wak te ma hayaḡ nôḡ haviḡ thêlô ma hanaḡ, “Noyabiḡ nôḡ atu ba Wakamik bôk havak abô yôv ek nêḡ êndêḡ môlô hatôm atu ba bôk yahanaḡ ba olaḡô yôv. Ma miḡ notak Jelusalem ami. <sup>5</sup>\*Jon bôk hathik avômalô halôk ḡaḡ ma kasana ma tem nisik môlô esak Lovak Matherḡ.”

*Yisu hathak leḡ ba hi*

*(Mak 16:19-20; Luk 24:50-53)*

<sup>6</sup>\*Ma aposel êḡ haviḡ Yisu ma enaḡ hik yani liḡ nena, “Anyô Bêḡ, lêk êntêk ma tem undum ek alalô avômalô Israeḡ naja alalôaniḡ kiḡ esak loḡbô e?”

<sup>7</sup>\*Ma Yisu hanaḡ, “Êḡ ma miḡ môlô unim nôḡmla ek noyala waklavôḡ atu ba Kamik hatak ami. Hathak anêḡ lôklokwaḡ yanida hayaḡbiḡ wak êḡ.

---

\* **1:1:** Luk 1:3    \* **1:2:** Mak 16:19; Luk 24:49-51    \* **1:2:** Aposel anêḡ ôdôḡ nena ḡê takatu ba Yisu hêv ek nenaḡ anêḡ Abô Mavi bêḡ.

\* **1:3:** Luk 24:36-49; Ap 10:41    \* **1:4:** Luk 24:49; Jon 14:16-17;

Ap 2:33    \* **1:5:** Mat 3:11    \* **1:6:** Luk 24:21    \* **1:7:** Mak 13:32

8 \*Ma Lovak Matherᅇ hayô hamô môlô, ma tem noja lôklokwaᅇ. Ma tem nonaᅇ yenaᅇ abô imiᅇ Jelusalem lôk Judia sapêᅇ ma Samalia lôk ni endeba êndôk pik anêᅇ daᅇ.”

9 Hanaᅇ abô êᅇ yôv, ma ewa yani hathak leᅇ ba hi. Thêlô êyê imiᅇ ma buliv hava yani siᅇ ba êthôᅇ. 10 Thêlô ititiᅇ leᅇ denaᅇ ma ketheᅇ oyaᅇ ma anyô ju lôk nômkama thapuk ba imiᅇ thêlô malêvôᅇ. 11 \*Ma enaᅇ, “Nê Galili, umiᅇ ba utitiᅇ leᅇ eka? Yisu doᅇtom êntêk lêk Lambô hawa vê hêk môlô ba hi leᅇ ma tem endelêm aêᅇ iyom.”

*Thêlô etak anyô te ek enja Judas anêᅇ loᅇ*

12 \*Vêm ma thêlô etak Dum Oliv ma ele i Jelusalem. Dum Oliv êᅇ hêk habobo Jelusalem hatôm kilomita te iyom. 13 \*Êyô Jelusalem ma i unyak kapô vuliᅇ atu ba ethak êmô. Thêlô iniᅇ athêᅇ ma Pita lo Jon ma Jems lo Andulu ma Pilip lo Tomas ma Batolomiu lo Matyu ma Jems, Alpius nakaduᅇ, lôk Saimon anyô Selot te, ma Judas, Jems nakaduᅇ. 14 Wak sapêᅇ ma thêlô ethak doᅇtom ba eteᅇ mek hi ba hi. Ma avi doho lôk Malia, Yisu talêbô, lôk anêᅇ iviyaᅇ êmô haviᅇ.

15 Ma wak te ma Pita haviyô hamiᅇ ᅇê êvhaviᅇ hatôm 120 malêvôᅇ ma hanaᅇ, 16 \*“Aiyaᅇ thêlô, abô te hêk Wapômbêᅇ anêᅇ kapyā ba lêk hik anôᅇ. Abô êᅇ ma Lovak Matherᅇ bôk hanaᅇ hale Devit abôlêk hathak Judas, ôpatu ba hik Yisu thô hadêᅇ ᅇê takatu ba evaloᅇ yani. 17 Yani ma alalô te atu ba bôk hadum ku êntêk haviᅇ alalô.”

\* **1:8:** Mat 28:19; Luk 24:48      \* **1:11:** Mat 26:64; Luk 21:27

\* **1:12:** Luk 24:50-53      \* **1:13:** Mat 10:2-4      \* **1:16:** Sng 41:9

18\* (Judas hêv pik bute vuli hathak valuselen atu ba hadum kambom ba hawa. Êñ ma hêv yak halôk pik buêñ ba lasoam hapup ba la hangasô hale yainj.

19 Avômalô Jelusalem sapêñ elañô abô êñ ba intu elam pik buêñ hathak iniñ abô nena “Akeldama”. Anêñ ôdôñ nena, “Pik atu ba thalalenj hathañ.”)

20 Êñ ma Pita hanañ, “Hatôm bôk eto hêk Kapya Yen nena,

“ ‘Anêñ unyak tem ñgathiniñ;

ma miñ notak anyôla ek êmô ami.’ *Kapya Yen*  
69:25

Ma buyañ hanañ nena,

“ ‘Anyô yañ enja anêñ loñ lôk anêñ ku.’ *Kapya Yen*  
109:8

21 Aêñ ba alalô natak anyô te atu ba Anyô Bêñ Yisu hamô haviñ alalô denañ ma yani hamô haviñ alalô wak nômbêñ intu sapêñ, 22 \*môñ ma waklavônj atu ba Jon hathik Yisu halôk ñañ aleba hayô wakma Lambô hawa yani vê hêk alalô ba hi malak leñ. Anyô êñ tem imbiñ alalô ek enañ Yisu anêñ haviyô hathak loñbô bêñ êndêñ avômalô.”

23 Yôv ma etak anyô lokwanju. Yanj ma Josep, elam nena Balsabas, ma athêñ yanj ma Jastas. Ma anyô yanj ma Matias. 24 Ma eteñ mek nena, “Anyô Bêñ, hoyala avômalô sapêñ iniñ kapôlônj. Nuñgwik thô nena hotak anyô ju êntêk yanj sê 25 ek enja ku aposel atu ba bôk Judas hatak ba hi anêñ loñ.” 26 Yôv ma ibi valu ek nêgê nena athêñ yanj sê habitak. Êñ ma etak Matias ek imbitak aposel imbiñ thêlô laumiñ ba lahavute takatu.

---

\* 1:18: Mat 27:3-8      \* 1:22: Mak 1:9; 16:19; Jon 15:27

## 2

### *Lovak Matheņ halôk ba halêm*

<sup>1</sup> \*Waklavônġ Pentikos hayô, êņ ma avômalô êvhaviņ ethak doņtom ba êmô unyak te. <sup>2</sup> Ma ketheņ oyaņ ma nômlate diņdiņ halêm anêņ leņ ba anêņ pôk ma hatôm lovak bêņ te ba hayô hamô unyak atu ba thêlô êmô siņ. <sup>3</sup> \*Ma êyê nômlate hatôm atum dahalaņ hatakalek ba hayô hamô thêlô tomtom. <sup>4</sup> \*Ma Lovak Matheņ hayô hava thêlô sapêņ kapôlônġiņ siņ ba enaņ abô masôm lomalama hatôm Lovak Matheņ hêv hadêņ thêlô.

<sup>5</sup> Avômalô Islael takatu ba êmô Wapômbêņ vibinġ bôk etak pik lôbôlôbô takatu ba êmô ma êlêm Jelusalem ek Pentikos. <sup>6</sup> Ma elanġo diņdiņ ba êlêm ethak doņtom. Ma eboloba kambom hathak elanġo ñê êņ enaņ abô hathak thêlô tomtom da iniņ abô. <sup>7</sup> Ma esonġ kambom ba enaņ hik thêlôda liņ, “Thêlô ma ñê Galili iyom. Malê te aêņ am? <sup>8</sup> Aisê ba alalô alanġo thêlô enaņ abô hathak alalôaniņ abô tomtom? <sup>9</sup> Alalô ma anêņ Patia lo Midia ma Ilam lo Mesopotemia ma Judia lo Kapadosia ma Pontus lo Esia <sup>10</sup> ma Plijia lo Pampilia ma Ijip lôk Libia bute atu habobo Sailini ma ñê doho anêņ Lom. <sup>11</sup> (Ma vi ma avômalô Islael, ma vi ma avômalô loņ buyaņ takatu ba ibitak êyô Islael iniņ êvhaviņ kapô.) Ma doho anêņ Klit lo Alebia. Ma doņtom alalô alanġo thêlô enaņ abô hathak nômbêņ atu ba Wapômbêņ hadum hathak alalôaniņ abô tomtom.” <sup>12</sup> Ma avômalô sapêņ esonġ kambom ba itutuniņ

---

\* **2:1:** Wkp 23:15-21; Lo 16:9-11    \* **2:3:** Mat 3:11    \* **2:4:** Mak 16:17; Ap 4:31; 10:44-46; 19:6

leñj kadôk ma enañ hik thêlôda liñ nena, “Nôm êñ anêñ ôdôn ma aisê?”

<sup>13</sup> Ma donjom vi ibi thêlô liliñ ba enañ, “Inum waiñ bêñ anôn ba elo molo.”

### *Pita hanañ abô*

<sup>14</sup> Êñ ma Pita haviyô hamiñ aposel laumiñ ba lahavute malêvôn ma halam lôklokwan nena,

“Môlô avômalô Israel lôk avômalô takêntêk ba lêk ômô Jelusalem, nodanô yenañ abô katô. Tem yanañ nôm êñ anêñ ôdôn bêñ. <sup>15</sup> Lêk ma lôkbôk denañ hatôm 9 kilok. Ba intu miñ noson nena nê êntêk inum waiñ ba elo molo ami. <sup>16</sup> Mi, nôm êñ ma hatôm plopet Joel bôk hanañ,

<sup>17</sup> “Wapômbên hanañ nena habobo pik lo leñ anêñ dan

ma tem yanğasô yenañ Lovak Mathen êyômô avômalô sapên.

Ma nalumi anyô lo avi tem yanêm yenañ abô êndên i ba nenañ abô êtôm plopet.

Ma môlônim apenena tem netulak ba nêgê wên.

Ma môlônim anyô boñnena tem nêgê niaviñ.

<sup>18</sup> Ma tem yanğasô yenañ Lovak Mathen êyômô yenañ anyô lo avi ku êndên waklavôn êñ ma tem yanêm yenañ abô êndên i ba nenañ abô êtôm plopet.

<sup>19</sup> Ma tem yandum nômbithi ênjêk leñ, ma yandum lavônin ênjêk pik.

Thalalen lôk atum ma atum yova bêñ tem imbitak.

<sup>20</sup> Ma wak tem ende i liliñ ba imbitak momañiniñ,



ma tem yamô imbiņ o ba undum yalenmavi  
anêņ dôêņ.’ *Kapya Yeņ 16:8-11*

29 \* “Aiyaņ thêlô, yahanaņ avanôņ biņ nena  
bumalô Devit bôk hama ba elav yôv. Ma anêņ  
siô êntêk hêk denaņ aleba lêk. 30 \*Ma donjom  
Devit ma plopet te ba hayala nena Wapômbêņ bôk  
havak abô nena embeņ yam ma tem etak lim  
lukmuk te ek imbitak kiņ êtôm yanida. 31 \*Devit  
bôk hayala nôm atu ba tem imbitak embeņ yam ba  
hanaņ hathak Mesia atu ba Wapômbêņ tem nêm  
lôkmala êndêņ yani ba imbiyô esak loņbô. Ba intu  
hanaņ nena tem miņ nêndô yani êmô nê nãama iniņ  
loņ ba kupik epalê ami. 32 Ôpêņ ma Yisu atu ba  
Wapômbêņ bôk hik yani liņ. Ma yêlô sapêņ ayê nôm  
êņ haviņ ba êntêk anaņ bêņ hadêņ môlô. 33 \*Ma  
Wapômbêņ hawa Yisu ba hatak yani hamô baņ  
vianôņ yôv. Ma hêv Lovak Matheņ atu ba bôk  
havak abô ek nêm êndêņ yani ma êntêk lêk haņgasô  
hayô hamô yêlô ba intu lêk ôyê lo olaņô. 34 Devit  
da miņ hi malak leņ hatôm Yisu ami, ma donjom  
hanaņ,

“ Anyô Bêņ Wapômbêņ hanaņ hadêņ yenaņ Anyô  
Bêņ Mesia nena,

“Ômô yabaheņ vianôņ

35 endeba yatak nê takatu ba ik vovak hadêņ o  
nêmô vemkapô vibiņ am.” ’ *Kapya Yeņ 110:1*

36 \* “Aêņ ba môlô avômalô Israeļ sapêņ, noyala  
abô êntêk katô. Yisu atu ba môlô uik hathak

\* **2:29:** 1Kiņ 2:10 \* **2:30:** 2Sml 7:12; Sņg 89:3-4; 132:11

\* **2:31:** Sņg 16:10 \* **2:33:** Ap 5:32; 7:55-56 \* **2:36:** Ap  
5:30-31



a, Wapômbêḡ hadum ba habitak Anyô Bêḡ lôk Mesia.”

*Avômalô bêḡ anôḡ ele i liliḡ ba ithik ḡaḡ*

<sup>37</sup> Thêlô elañô Pita anêḡ abô takêḡ ma habi thêlô kapôlôḡḡḡ vose. Ma enañ hadêḡ yani lôk aposel vi nena, “Aiyaḡ thêlô, yêlô nandum malê?”

<sup>38</sup> Ma Pita hanaḡ, “Môlô tomtom node kapôlômim liliḡ ba nusik ḡaḡ esak Yisu Kilisi anêḡ athêḡ ek Wapômbêḡ nêḡ môlônim kambom vê ma nêḡ Lovak Mathenḡ êndêḡ môlô êtôm anêḡ wapôm. <sup>39</sup> \*Havak abô êḡ ek avômalô takatu ba alalâniḡ Wapômbêḡ tem endam i, môlô lôk unim avômena ma avômalô takatu ba êmô daimbô.”

<sup>40</sup> Ma Pita hanaḡ abô bêḡ anôḡ haviḡ hadêḡ thêlô ba hanaḡ nena, “Noyabiḡ am. Nônêḡ amda sa ba nôsôv êḡḡêk avômalô kambom takêḡ ek miḡ nôpôm vovaḡ atu ba tem êpôm i ami.” <sup>41</sup> \*Aêḡ ba ḡê takatu ba ewa Pita anêḡ abô intu ithik ḡaḡ. Ma wak êḡ ma avômalô hatôm 3,000 êlêm haviḡ avômalô takatu ba bôk êvhaviḡ yôv.

*Nê êvhaviḡ ethak donḡtom haviḡ i*

<sup>42</sup> \*Ma thêlô lôklokwaḡ ek nedaḡô aposel iniḡ abô lôk ethak donḡtom haviḡ i ma eyañ polom lo inum waiḡ mathenḡ atu ba Yisu bôk hêv lôk etenḡ mek haviḡ i. <sup>43</sup> Ma aposel idum lavôḡḡḡ lôk nômbithi bêḡ anôḡ ba avômalô sapêḡ êyê ba esonḡ kambom. <sup>44</sup> \*Ma avômalô êvhaviḡ sapêḡ ethak donḡtom haviḡ i ma miḡ leḡvi iniḡ nômkama ami. Iniḡ nômkama lôkthô ma êdô hamô ek hêv thêlô sapêḡ sa. <sup>45</sup> Thêlô

\* **2:39:** Ais 57:19      \* **2:41:** Ap 2:47; 4:4      \* **2:42:** Ap 20:7

\* **2:44:** Ap 4:32-35

ethak êv iniņ pik lôk nômkama ek nêênem vuli ma ewa vuli takêņ ba êv avômalô takatu ba nômkama vi mi sa. <sup>46</sup> Ma wak nômbêņ intu ma thêlô ethak doņtom êmô unyak mathen anêņ piklêvôņ. Ma ethak eyaņ nôm havin i lôk leninmavi ma kapôlônin labalina. <sup>47</sup> \*Lôk êbô Wapômbêņ anêņ athên. Êņ ma avômalô sapêņ leninmavi anôn hathak i. Ma wak nômbêņ intu sapêņ ma Anyô Bêņ hêv avômalô doho bulubiņ ba hêv i ibitak êyô ñê êvhavin kapô havin.

### 3

#### *Anyô va kambom te habitak mavi*

<sup>1</sup> Wak te ma Pita lo Jon i unyak mathen hadên wakma eten mek. Wakma êņ ma hatôm 3 kilok yaņsin. <sup>2</sup> Êyô ma êyê ewa anyô va kambom te ba êlêm. Bôk evathu yani aên. Ma wak nômbêņ intu ma ewa yani ba i êdô hamô unyak mathen anêņ badên abôlêk atu ba elam nena Loņ Kêkêlô. Êdô yani hamô loņ êņ ek epetenak ek avômalô takatu ba i unyak mathen anêņ piklêvôņ ek nêênem valu êndên yani. <sup>3</sup> Ôpên hayê Pita lo Jon êlêm ek ini unyak mathen kapô, êņ ma halam ek thai nêênem valu êndên yani. <sup>4</sup> \*Pita lo Jon ititin yani lôklokwaņ. Ma Pita hanaņ, “Nôņgô yai!” <sup>5</sup> Êņ ma ôpên hik i lilin hadên thai ma hasoņ nena tem nêênem nômla êndên yani la.

<sup>6</sup> \*Ma Pita hanaņ, “Ya valu mi. Ma doņtom nôm atu ba yahawa ma tem yanêm êndên o. Hathak Yisu Kilisi anêņ Nasalet anêņ athên, umbiyô

---

\* 2:47: Ap 6:7; 11:21    \* 3:4: Ap 14:9    \* 3:6: Ap 4:10; 16:18

omben.” <sup>7</sup> Ma Pita havalonj ôpênj banj vianônj ba havôv yani haviyô. Ma kethenj oyanj ôpênj vagiginj lôk vakapô habitak lôklokwanj. <sup>8</sup> Ênj ma yani hasôv kisi ma havenj. Ma hi unyak mathenj anênj piklêvônj havinj thai. Ma havenj ba hasôv kisi hathak lolenj lolenj ba habô Wapômbênj. <sup>9</sup> Ma avômalô sapênj êyé yani havenj ba habô Wapômbênj. <sup>10</sup> Ma eyala nena ôpênj ma anyô petenak atu ba hathak hamô unyak mathenj abôlêk atu ba elam nena Lonj Kêkêlô, ênj ma eboloba ba dahôlônjinj hi.

*Pita hanañ abô hamiñ unyak mathenj kapô*

<sup>11</sup> Ma anyô petenak atu havalonj Pita lo Jon, ênj ma avômalô sapênj esonj kambom ba elanjvinj êlêm hadênj thêlô halôk kapo danj atu ba elam nena Solomon anênj Kapo Danj. <sup>12</sup> Pita hayê ma hanañ hadênj thêlô nena, “Avômalô Israel, osonj kambom ba utitinj yai lôklokwanj eka? Osonj nena yai adum ôpêntêk mavi hathak yaidaninj lôklokwanj lôk kobom mathenj e? Mi anônj! <sup>13</sup> \*Ablaham lo Aisak ma Jekop lôk alalôaninj bumalô thêlô ininj Wapômbênj iyom intu hadum nôm ênj ek nêmm athênj lôkmanjinj êndênj anênj anyô ku Yisu. Môlô bôk otak ôpênj ek nijik vônô. Ma Pailat lahavinj etak yani, ma donjom môlô ôvôlinj dômim hadênj yani. <sup>14</sup> Avanônj, môlô ôvôlinj dômim hadênj Anyô Mathenj lôk Anyô Thêthônj atu ma onanj hik Pailat linj ek etak ôpatu ba bôk hik anyô vônô êlêm êndênj môlô. <sup>15</sup> Ôpatu ba lôkmala anênj ôdônj ma uik vônô. Ma donjom Wapômbênj hik yani linj hathak lonjbô hêk njama. Ma yai bôk ayê nôm takênj ba êntêk lêk ananj abô

\* **3:13:** Kis 3:6,15; Luk 23:13-25; Ap 2:23

hathak. <sup>16</sup> Êvhaviņ hathak Yisu anêņ athêņ iyom hadum ba ôpatu ba ôyê lo oyala lêk hawa lôklokwaņ. Yani habitak mavi anôņ hatôm ôyê hathak Yisu anêņ athêņ lôk êvhaviņ atu ba halêm anêņ yani.

<sup>17</sup> \* “Aiyaņ thêlô, yahayala nena môlô lôk unim avaka miņ oyala ôpêņ katô ami ba intu udum kambom hadêņ yani. <sup>18</sup> Ma donjom sêbôk ma Wapômbêņ hanaņ hadêņ plopet sapêņ ba eto nena anêņ Mesia tem enja vovaņ. Aêņ ba unim kambom atu udum ma Wapômbêņ anêņ abô êņ lêk hik anôņ.

<sup>19</sup> \* “Aêņ ba node kapôlômim liliņ ba nosopa Wapômbêņ ek nêm môlônim kambom vê lôk nêm lovak êndêņ môlô. <sup>20</sup> Ma nêm anêņ Mesia atu ba bôk hatak ek nêm êndêņ môlô. Mesia êņ ma Yisu atu. <sup>21</sup> Ma lêk yani hamô malak leņ ba hayabiņ waklavôņ atu ba Wapômbêņ bôk hatak ek nômkama sapêņ imbitak lukmuk esak loņbô êtôm sêbôk atu ba yani havak abô ba hanaņ ba anêņ plopet mathen enaņ bêņ. <sup>22</sup> \*Hatôm Mose bôk hanaņ, ‘Wapômbêņ unim Anyô Bêņ tem etak plopet te êtôm ya ba imbitak anêņ môlô malêvôņ. Ba intu nodanô anêņ abô takatu ba hanaņ bêņ hadêņ môlô katô. <sup>23</sup> Ma ôpatu ba miņ halaņô plopet êņ anêņ abô ami, ma tem nênem yani vê êņjêk anêņ avômalô ba nimbuliņ yani vi dedauiņ.’

<sup>24</sup> “Samuel lôk plopet takatu ba ibitak even yam bôk enaņ hathak waklavôņ atu ba lêk habitak. <sup>25</sup> \*Môlô ma plopet takêņ iniņ nali. Ma abô atu ba Wapômbêņ bôk havak haviņ libumi yôv, abô êņ êntêk havalonj môlô loņ denaņ. Hatôm bôk hanaņ

---

\* **3:17:** Luk 23:34; 1Ti 1:13      \* **3:19:** Ap 2:38      \* **3:22:** Lo 18:15,18-19      \* **3:25:** Stt 22:18

hadêḡ Ablaham, ‘Hathak anêḡ libumi, ma tem avômalô pik sapêḡ neja mek mavi.’ <sup>26</sup> \*Ba intu Wapômbêḡ hik anêḡ anyô ku liḡ ma hêḡ halêm hadêḡ môlô hamôḡ ek nêḡ mek mavi êndêḡ môlô lôk ende môlô tomtom liliḡ êḡjêk unim kambom takatu ba udum.”

## 4

### *Evalonḡ Pita lo Jon*

<sup>1</sup> Pita lo Jon enaḡ abô hadêḡ avômalô imiḡ de-naḡ, ma ḡê êbôk da lôk unyak mathenḡ anêḡ sôḡ bidonḡ iniḡ anyô vovak laik ma Sadyusi doho êyô ek thai. <sup>2</sup> Thêlô leḡḡmaniḡ hathak thai êdôḡ avômalô nena Yisu bôk haviyô hêk ḡama ba intu avômalô ḡama sapêḡ tem nimbiyô esak lonḡbô aêḡ iyom. <sup>3</sup> Lêk yaḡsiḡ habôk ba intu evalonḡ thai ba êdô hamô koladôḡ aleba hayaḡ wak bêḡ. <sup>4</sup> \*Ma donḡtom avômalô bêḡ anôḡ elanôḡ thai iniḡ abô ba êḡhaviḡ. Ba ḡê takatu ba êḡhaviḡ lêk halumbak hi habobo 5,000.

<sup>5</sup> Haviyô hayaḡ ma ḡê bêḡbêḡ eyabiḡ avômalô lôk ḡê bêḡbêḡ ma ḡê lôkawk hathak abô balabuḡ ethak donḡtom êmô Jelusalem. <sup>6</sup> Anas, anyô bêḡ habôk da, lôk Kaiapas ma Jon lo Aleksanda lôk anyô bêḡ habôk da anêḡ thalalenḡ vi êmô haviḡ. <sup>7</sup> Ma ewa thai êlêm ma enaḡ hik thai liḡ nena, “Lôklokwaḡ lôk athêḡ alê intu udum ôpêḡ mavi hathak?”

<sup>8</sup> Ma Lovak Mathenḡ hava Pita kapô siḡ ba hananḡ hadêḡ thêlô nena, “ḡê bêḡbêḡ lôk ḡê eyabiḡ avômalô, nodanô yenanḡ abô! <sup>9</sup> Yai êḡ anyô va

---

\* **3:26:** Ap 13:46    \* **4:4:** Ap 2:41

kambom êntêk sa ba intu udum ek nonaᅇ yai bêᅇ lôk leminhaviᅇ noyala nena yai adum yani mavi aisê e? <sup>10</sup> \*Aêᅇ ba môlô lôk avômalô Israeᅇ sapêᅇ noyala katô nena anyô va kambom êntêk lêk habitak mavi ba hamiᅇ môlô malemim hathak Yisu Kilisi anêᅇ Nasalet anêᅇ athêᅇ. Bôk uik yani vônô hathak a, ma donᅇtom Wapômbêᅇ hik yani liᅇ hêk ᅇama. <sup>11</sup> Yani ma

“valu atu ba môlô ᅇê olav unyak ôpôlik hathak, ma lêk habitak valu landiᅇ anôᅇ.” *Kapya Yeᅇ 118:22*

<sup>12</sup> \*Yisu da iyom anêᅇ athêᅇ hatôm nêᅇ alalô bulubiᅇ. Ma athêᅇ yaᅇ miᅇ hêk pik lo leᅇ sapêᅇ ek nêᅇ alalô bulubiᅇ ami. Mi.”

<sup>13</sup> Ma thêlô êyê Pita lo Jon imiᅇ lôklokwaᅇ ma kô mi, ma eyala nena thai ma ᅇê oyaᅇ ba miᅇ bôk ethak unyak ami. Êᅇ ma thêlô eson kambom ba leᅇᅇᅇhabi nena bôk êᅇmô haviᅇ Yisu. <sup>14</sup> Ma êyê anyô va kambom atu lêk mavi ba hamiᅇ haviᅇ thai ba intu thêlô abô mi ek nenaᅇ. <sup>15</sup> Êᅇ ma enaᅇ ek neja Pita lo Jon vê êᅇᅇk Sanhedlin\* anêᅇ unyak ma nede yaᅇᅇ ba ini. Ma ele yaᅇᅇ ba i ma thêlô êbôlêᅇ auk. <sup>16</sup> Ba enaᅇ, “Alalô nandum malê esak anyô ju êntêk? Avômalô Jelusalem sapêᅇ lêk eyala yôv nena thai idum lavôᅇᅇᅇ bêᅇ te ba miᅇ hatôm alalô nasi ami. <sup>17</sup> Ma donᅇtom alalô napôm loᅇᅇndê te ek abô êᅇ miᅇ ni mayaliv êᅇᅇk avômalô malêvôᅇ ami. Aêᅇ ba nanaᅇ lôklokwaᅇ êᅇndêᅇ thai nena miᅇ nenaᅇ abô esak athêᅇ êᅇ êᅇndêᅇ avômalô la esak loᅇbô ami.”

---

\* **4:10:** Ap 3:6,13-16    \* **4:12:** Mat 1:21    \* **4:15:** Israeᅇ elam iniᅇ kaunsil nena ‘Sanhedlin’.

18 \*Yôv ma elam thai êlêm hathak loṅbô ma enaṅ lôklokwaṅ nena miṅ nenaṅ abô êṅ lôk nêndôn avômalô esak Yisu anêṅ athêṅ ami. 19 \*Ma donṭom Pita lo Jon enaṅ viyaṅ, “Malê intu ba mavi hêk Wapômbêṅ ma ek yai nandum? Nasopa môleṅnim abô mena Wapômbêṅ anêṅ abô? 20 Yai miṅ hatôm bônônṅ esak nôm takatu ba ayê lo alaṅô ami.”

21 Ma Sanhedlin enaṅ lôklokwaṅ ek thai nêṁô bônônṅ, êṅ ma etak thai ba i. Avômalô sapêṅ êbô Wapômbêṅ anêṅ athêṅ hathak nôm atu ba lêk idum ba intu miṅ hatôm nêpôm loṅôndê la ek nêṅem vovaṅ êndêṅ thai ami. 22 Ek malê nena ôpatu ba habitak mavi ma anêṅ sondabêṅ hatôm 40. Ba intu eyala nena Wapômbêṅ iyom hatôm indum nôm êṅ.

### *Nê êvhaviṅ iniṅ mek*

23 Etak Pita lo Jon ba i hadêṅ avômalô êvhaviṅ. Ma enaṅ abô takatu ba nê bêṅbêṅ êbôk da lôk nê bêṅbêṅ enaṅ hadêṅ thai. 24 \*Thêlô elañô aêṅ ma lôkthô êv veṅṅbôlêk liṅ ba eteṅ mek hadêṅ Wapômbêṅ nena, “Anyô Bêṅ, nôm kama sapêṅ anêṅ alaṅ, bôk hopesaṅ pik lo leṅ ma ṅgwêk lôk nôm kama sapêṅ atu ba êṁô kapô. 25 Sêbôk ma honaṅ abô hathak Lovak Matheṅ hale anêṁ anyô ku ma yêlôaniṅ bumalô Devit abôlêk. Ba hanaṅ aêntêk, “Avômalô pik sapêṅ leṅṅṅaṅa eka?

Lôk ibutiṅ abôyaṅ ek nijik vovak êndêṅ Wapômbêṅ eka?

26 Pik iniṅ kiṅ lôkthô êpôpêk i ek nijik vovak. Lôk nê bêṅbêṅ pik sapêṅ ethak donṭom

---

\* 4:18: Ap 5:28    \* 4:19: Ap 5:29    \* 4:24: Kis 20:11; Neh 9:6; Sng 146:6

ek nêmo Anyô Bêḡ lôk anêḡ Mesia lu.' *Kapya Yen 2:1-2*

27 \*Avanôḡ biḡ, Helot Antipas lo Pontius Pailat ma ḡê loḡ buyaḡ lôk avômalô Israeḡ bôk ethak doḡtom êmô malak lôḡ êntêk ba idum ek nêmo anêḡ anyô ku matheḡ Yisu lu, ôpatu ba bôk holam yôv ek imbitak anêḡ Mesia. 28 \*Thêlô idum nômkama sapêḡ hatôm anêḡ auk lôk lôklokwaḡ atu ba bôk lemhabi nena tem imbitak aêḡ. 29 \*Anyô Bêḡ, lemimbi abô takatu ba evak ba enaḡ ek indum yêlô nakô ba intu nêḡ yêlô anêḡ ḡê ku sa ek nanaḡ anêḡ abô lôklokwaḡ ma miḡ nakô ami. 30 Ma otak bahem êyôḡḡêk avômalô lôk lijiḡ ba undum i mavi lôk undum lavôḡḡiḡ lôk nômbithi lomaloma esak anêḡ anyô ku matheḡ Yisu anêḡ athêḡ.”

31 Thêlô eteḡ mek yôv ma loḡ atu ba êmô halowaliḡ. Ma Lovak Matheḡ hayô hava thêlô lôkthô kapôlôḡḡiḡ siḡ. Ba enaḡ Wapômbêḡ anêḡ abô bêḡ ma miḡ êkô ami.

*Nê êvhaviḡ sapêḡ kapôlôḡḡiḡ doḡtom*

32 \*Ma ḡê êvhaviḡ sapêḡ iniḡ auk lôk kapôlôḡḡiḡ doḡtom iyom. Ma iniḡ nômkama sapêḡ ma hatôm thêlô lôkthô iniḡ ma miḡ evasiḡ ami. 33 Ma aposel ethak enaḡ Yisu anêḡ haviyô hathak loḡbô bêḡ ba iniḡ abô êḡ anêḡ lôklokwaḡ ma bomaḡ. Ma Wapômbêḡ habi anêḡ wapôm hayô hamô thêlô lôkthô. 34 \*Ma thêlô vi iniḡ pik lo unyak hamô ba ethak êv ba avômalô vi êv vuli. Ma ewa valu takêḡ 35 ba êv hadêḡ aposel ek neyabiḡ. Ma aposel ibi

\* 4:27: Mat 27:1-2; Luk 23:7-11; Ap 3:13 \* 4:28: Ap 2:23

\* 4:29: Ep 6:19 \* 4:32: Ap 2:44 \* 4:34: Ap 2:45



valuselenj takêj sam hadêj avômalô takatu ba êv yak hathak nômkama. Ba intu thêlô te miñ hêv yak hathak nôm lôk nômkama ami.

<sup>36</sup> Ma thêlô êj te ma Josep ba anêj loj ma ngavithôm Saiplus ma habitak anêj ôdôj Livai. Ma aposel ethak elam yani nena Banabas, athêj êj anêj ôdôj nena, “Anyô hathak havatho avômalô kapôlôñij loj.” <sup>37</sup> Yani hêv anêj pik bute ek nênem vuli. Ma hawa valu hathak pik êj ba hi hêv hadêj aposel.

## 5

### *Ananias lo Sapaila*

<sup>1</sup> Ma anyô yan hamô ba anêj athêj nena Ananias ma yanavi ma Sapaila. Thai êv iniñ pik bute ba êv vuli. <sup>2</sup> \*Ma hawa valu pik êj vi ek thaida ma hêv vi hadêj aposel ma hasau i nena, “Valu lôkthô êntêk yahawa ba yahalêm.” Ma yanavi hayala nôm atu ba yamalô hadum.

<sup>3</sup> \*Ma Pita hanañ nena, “Ananias, hotak Sadan ba hava kapôlôm siñ ma hosau Lovak Matheñ, ba huvun anêm valu pik êj vi eka? <sup>4</sup> Miñ bôk êv vuli pik êj ami denañ, êj ma anêm pik. Ma bôk êv vuli yôv, valu êj ma anêm aêj iyom. Ma donjom howa auk kambom êj anêj êsê ba honañ abôyan? Hosau nê pik lôk Wapômbêj haviñ.”

<sup>5</sup> Ananias halañô abô êj ma hêv yak halôk biñ ba hama. Ma avômalô takatu ba elañô abô êj êkô ba biñdaluk havalu kambom. <sup>6</sup> Êj ma apenena muk êlêm ma ivuliv anêj kupik ma ewa ba i elav.

---

\* 5:2: Ap 4:34-35      \* 5:3: Jon 13:2

<sup>7</sup> Wakma lô hale ba hi ma yanavi halêm hayô ma hathônġ nôm atu ba habitak paliġ. <sup>8</sup> Ma Pita hanaġ hik avi êġ liġ, “Valu êntêk ma hatôm vuli pik atu ba êv vuli e?”

Ma avi êġ hanaġ, “Intu êġ, vuli êġ intu hatôm.”

<sup>9</sup> Êġ ma Pita hanaġ hadêġ avi êġ, “Aisê ka mamu ubutiġ abô ek nosaê Anyô Bêġ anêġ Lovak Mathen? Nôġgô! Nê takatu ba lêk elav vônim yôv, êntêk lêk imiġ unyak abôlêk ba tem neja o ba ini nedav imbiġ.”

<sup>10</sup> Ma kethenġ oyaġ ma avi êġ hêv yak halôk hêk Pita valuvi ba hama. Ma apenena muk takatu ba ibitak êyô unyak kapô. Ma êyê avi êġ lêk hama. Êġ ma ewa ba i elav yani hêk yamalô vi. <sup>11</sup> Yôv ma avômalô êvhaviġ sapêġ lôk avômalô takatu ba elanġ abô êġ, lôkthô êkô kambom.

*Aposel idum avômalô bêġ anôġ ibitak mavi*

<sup>12</sup> \*Ma aposel idum lavônġ liġ lôk nômbithi loma-loma hêk avômalô malenġ. Ma nê êvhaviġ sapêġ ethak doġtom lôbôlônġ halôk unyak mathenġ anêġ kapo daġ atu ba elam nena Solomon anêġ Kapo Daġ. <sup>13</sup> Ma avômalô vi atu ba miġ êvhaviġ ami êkô ek nesak doġtom imbiġ thêlô, ma doġtom avômalô sapêġ êyê thêlô nena nê mavi. <sup>14</sup> Ma anyô lo avi bêġ anôġ ethak êvhaviġ Anyô Bêġ ba ibitak êyô avômalô êvhaviġ kapô. <sup>15</sup> Êġ ma avômalô ethak ewa iniġ nê lôk lijiġ hayô hêk balê lo yêm ba i ililiġ hêk loġôndê anêġ daġ ek Pita havenġ loġôndê, êġ ma dahô imbi êyôġgêk i ek nimbitak mavi esak loġbô. <sup>16</sup> Ma avômalô bêġ anôġ êlêm anêġ lomalak takatu

---

\* **5:12:** Ap 2:43; 14:3

ba habobo Jelusalem ba êlêm ethak donjom. Ma ewa iniņ nê lôk lijiņ lôk nê takatu ba ngôk lelaik habuliņ i ma lôkthô ibitak mavi hathak lonbô.

*Êv vovan hadêņ aposel*

<sup>17</sup> Ma anyô bêņ habôk da lôk nê idum ku havinġ yani, thêlô sapêņ ma Sadyusi ba êyê nôm takatu ba aposel idum ba lenġdanġ hathak i. <sup>18</sup> Ba evalonġ aposel ma etak i halôk malak lôņ anêņ koladônġ. <sup>19</sup> \*Ma bôlôvônġ êņ ma Anyô Bêņ anêņ anġela hik koladônġ abôlêk vê ma hawa i ele yainġ. Ma hananġ, <sup>20</sup> “Unu numiņ unyak mathenġ anêņ piklêvônġ ma nonanġ abô sapêņ esak lôkmala lukmuk êntêk êņ bêņ.”

<sup>21</sup> Aposel elanô abô êņ ba lôkbôk momanġiniņ ma i unyak mathenġ anêņ piklêvônġ. Ma êdônġ avômalô.

Ma anyô bêņ habôk da lôk anêņ nê mólô êlêm ma elam nê Sanhedlin lôk Israel iniņ nê bêņbêņ sapêņ. Ma êv abô hadêņ koladônġ ek neġa aposel ba nêlêm. <sup>22</sup> Êņ ma nê koladônġ iniņ sôp bidonġ i ek neġa aposel ma donjom miņ êmô ami. Ma êvôi ma enanġ nena, <sup>23</sup> “Yêlô ayê koladônġ anêņ abôlêk putup ma nê takatu ba eyabiņ imiņ habobo. Ma donjom yêlô ik koladônġ abôlêk vê ma miņ apôm anyô late hamô kapô ami.” <sup>24</sup> Unyak mathenġ anêņ sôp bidonġ iniņ anyô vovak laik lôk nê bêņbêņ êbôk da elanô abô êņ ba lenġnġhabi bêņ anônġ hathak ba enanġ, “Malê te tem imbitak?”

<sup>25</sup> Ma anyô te hayô ma hananġ hadêņ i, “Nodanô! Nê takatu ba otak i hamô koladônġ, lêk imiņ unyak mathenġ anêņ piklêvônġ ba êdônġ avômalô.” <sup>26</sup> Êņ ma

---

\* **5:19:** Ap 12:7-10

anyô vovak laik lôk anêᶇ sôp bidonᶇ i ewa thêlô. Êkô ek avômalô nijik i esak valu ba intu miᶇ êpôviᶇ thêlô ami.

<sup>27</sup> Ewa aposel êyô ma etak i hamiᶇ Sanhedlin maleᶇiᶇ ek anyô bêᶇ habôk da enaᶇ injik thêlô liᶇ.

<sup>28</sup>\* “Yêlô bôk anaᶇ lôklokwaᶇ hadêᶇ môlô nena miᶇ nôndônᶇ avômalô esak ôpêᶇ anêᶇ athêᶇ ami. Ma donᶇtom lêk unim abô êᶇ halaᶇviᶇ havenᶇ Jelusalem mayaliv. Lôk lêk udum ek nonaᶇ nena yêlô intu aᶇgasô ôpêᶇ anêᶇ thalalenᶇ.”

<sup>29</sup>\* Ma donᶇtom Pita lôk aposel vi enaᶇ hadêᶇ i nena, “Yêlô nasopa Wapômbêᶇ anêᶇ abô iyom ma miᶇ anyô iniᶇ abô ami. <sup>30</sup> Môlô bôk uik Yisu vônô hathak a. Ma donᶇtom bumalô thêlô iniᶇ Wapômbêᶇ hik yani liᶇ. <sup>31</sup>\* Wapômbêᶇ bôk hawa yani hathak ba hi daku leᶇ ba hadô hamô baᶇ vianônᶇ hatôm Anyô Môᶇ lôk Anyô hêv alalô bulubiᶇ ek nêᶇ alalô Israeᶇ sa ek nande kapôlônᶇiᶇ liliᶇ lôk nêᶇ alalôaniᶇ kambom vê. <sup>32</sup> Yêlô ma nê takatu ba bôk ayê nôᶇ takêᶇ ba lêk anaᶇ abô êᶇ bêᶇ. Ma Lovak Matheᶇ atu ba Wapômbêᶇ hêv hadêᶇ avômalô takatu ba esopa anêᶇ abô hik nôᶇ takêᶇ loᶇ haviᶇ.”

### *Gameliel hanaᶇ ek Sanhedlin netak aposel*

<sup>33</sup> Sanhedlin elañô abô êᶇ ma leᶇiᶇmaniᶇ kambom ba leᶇiᶇhaviᶇ nijik aposel vônô. <sup>34</sup> Ma donᶇtom Gameliel haviyô hamiᶇ Sanhedlin malêvônᶇ. Yani ma anyô Palisi lôk anyô lôk kauk hathak abô balabuᶇ ma hadum ku Sanhedlin haviᶇ. Avômalô sapêᶇ ethak êv athêᶇ bêᶇ hadêᶇ yani. Yani hamiᶇ ba

---

\* **5:28:** Mat 27:25      \* **5:29:** Ap 4:19      \* **5:31:** Ap 2:33-34; Ep 1:20; Hib 2:10; 12:2

hanan̄ ek netak aposel takê̄n̄ ba ini yain̄ dokte vê̄mam. <sup>35</sup> Ê̄n̄ ma hanan̄ hadê̄n̄ thê̄lô, “Mô̄lô nê̄ Israēl, lemimimbi katô nena tem nundum malê̄ ê̄ndê̄n̄ nê̄ takê̄ntê̄k vê̄mam. <sup>36</sup> \*Sê̄bôk ma Teudas habitak anyô lôk athê̄n̄ ba hanan̄, ‘Ya anyô bê̄n̄’. Ma anyô hatôm 400 esopa yani. Ma dōntom Lom ik yani vônô ma anê̄n̄ nê̄ ku ê̄sôv mayaliv. Ma anê̄n̄ abô ê̄n̄ hê̄v yak. <sup>37</sup> Vê̄m ma waklavô̄n̄ ewa avômalô̄ inīn̄ athê̄n̄, ê̄n̄ ma Judas anê̄n̄ Galili habitak anyô lôk athê̄n̄ ba havôv avômalô̄ bê̄n̄ anô̄n̄ ek nijik vovak ê̄ndê̄n̄ gavman. Ma dōntom ik yani vônô, ma anê̄n̄ nê̄ ku ê̄sôv mayaliv aê̄n̄ iyom. <sup>38</sup> Ba intu yahanan̄ hadê̄n̄ mô̄lô Sanhedlin: Notak nê̄ takê̄ntê̄k. Mīn̄ nundum nô̄mla esak i ami. Ku takatu ba idum halêm anê̄n̄ nê̄ pik inīn̄ hatôm Teudas lo Judas, ê̄n̄ ma inīn̄ ku takê̄n̄ tem nê̄m yak. <sup>39</sup> Ma dōntom ku takatu ba halêm anê̄n̄ Wapômbê̄n̄, ma mô̄lô mīn̄ hatôm numīn̄ i lōn̄ sīn̄ ami. Yahakô tem ūngwik vovak ni ba ni, ê̄n̄ ma tem ô̄ngô nena uik vovak ê̄n̄ hadê̄n̄ Wapômbê̄n̄.”

<sup>40</sup> \*Yôv ma thê̄lô ê̄lôk hathak Gameliel anê̄n̄ abô. Ba elam aposel ê̄lêm ma evali i. Ma enan̄ lôklokwan̄ hadê̄n̄ thê̄lô nena mīn̄ nenan̄ abô esak Yisu anê̄n̄ athê̄n̄ ami. Ê̄n̄ ma etak i ba i.

<sup>41</sup> \*Aposel etak Sanhedlin ba ele yain̄ ma thê̄lô len̄īn̄mavi hathak Wapômbê̄n̄ hayê̄ thê̄lô nena nê̄ mavi ek ewa mama hathak Yisu anê̄n̄ athê̄n̄. <sup>42</sup> Ma wak nô̄mbê̄n̄ intu ma thê̄lô i unyak mathen̄ anê̄n̄ piklê̄vô̄n̄ lôk lounyak lounyak ma ê̄dô̄n̄ avômalô̄ ba enan̄ Abô Mavi bê̄n̄ nena Yisu ma Mesia atu.

\* **5:36:** Ap 21:38      \* **5:40:** Ap 4:18      \* **5:41:** Mat 5:10-12; 1Pi 4:13

## 6

*Etak anyô bahenji ba lahavuju ek nênem aposel sa*

<sup>1</sup> \*Avômalô êvhaviņ ilumbak ba êv liņ siņ, êņ ma avômalô Israeļ vi atu ba êvhaviņ ba enaņ abô Glik, etatale avômalô Israeļ vi atu ba êvhaviņ ba enaņ abô Hiblu. Ba enaņ, “Wak nômbêņ intu ba ibi nôm sam ma miņ evani yêlôaniņ avi tôp iniņ sam ami.”

<sup>2</sup> Êņ ma aposel laumiņ ba lahavuju takatu elam nê êvhaviņ sapêņ ethak doņtom ma enaņ, “Miņ mavi ek yêlô natak ku nanaņ Wapômbêņ anêņ abô ma nandum ku nambi nôm sam ami. <sup>3</sup> Aêņ ba, aiyaņ thêlô, nômbôlêm môlônim anyô lôkauk bahenji ba lahavuju takatu ba Lovak Matherņ hava kapôlôņiņ siņ ek nanêm ku êņ êndêņ i. <sup>4</sup> Êņ ma tem yêlô hatôm namô tiņiņ ek nateņ mek lôk nanaņ Wapômbêņ anêņ abô lôk nandôņ avômalô.”

<sup>5</sup> Avômalô sapêņ elañô abô êņ ma leņiņmavi. Ma etak Stiven, yani anyô hêvhaviņ lôklokwaņ lôk Lovak Matherņ hava yani kapô siņ, ma Pilip lôk Plokolus ma Nikano lo Timon ma Pamenas lo Nikolas, yani ma anyô Antiok atu bôk habitak hayô avômalô Israeļ iniņ êvhaviņ kapô vêm ma hêvhaviņ Yisu. <sup>6</sup> Ewa nê êņ ba i hadêņ aposel. Ma aposel etak bahenji hayô hêk i ma eteņ mek hathak i.

<sup>7</sup> \*Aêņ ba Wapômbêņ anêņ abô hi ba hi. Ma avômalô anêņ Jelusalem takatu ba êvhaviņ ilumbak hi ba hi. Ma nê êbôk da bêņ anôņ êvhaviņ ba esopa Yisu haviņ.

### *Evaloņ Stiven*

---

\* **6:1:** Ap 4:35      \* **6:7:** Ap 2:41; 16:5

<sup>8</sup> Ma Wapômbêḡ habi anêḡ wapôm sam ba hêv lôklokwaḡ bêḡ anôḡ hadêḡ Stiven. Ba intu Stiven hathak hadum nômbithi lôk lavôḡḡ lomaloma hêk avômalô malêvôḡ. <sup>9</sup> Ma doḡtom ḡê doho êpôlik hathak yani. ḡê êḡ iniḡ unyak yeḡ ma elam nena, “ḡê takatu ba bôk iniḡ alaḡ hêv athêḡ ku vê hêk i ma êmô oyaḡ haviḡ i”. Thêlô sapêḡ ma avômalô Isiael, doho anêḡ Sailini ma doho anêḡ Aleksandlia ma doho anêḡ plovins Silisia lo Esia. Ma ḡê takêḡ êkôki hathak Stiven anêḡ abô. <sup>10</sup> \*Ma doḡtom Lovak Matheḡ hêv auk mavi hadêḡ Stiven ba miḡ hatôm nêḡmô anêḡ abô lu ami.

<sup>11</sup> Êḡ ma thêlô eyenak ba i ibi anyô doho leḡḡḡ liḡ ek nenaḡ nena, “Yêlô bôk alaḡô ôpêḡ hanaḡ abôma hathak Mose lo Wapômbêḡ.”

<sup>12</sup> Aêḡ ba thêlô ibi avômalô lôk ḡê bêḡbêḡ ma ḡê lôkauk hathak abô balabuḡ leḡḡḡ liḡ. Ma i evalonḡ Stiven ba ewa ba i êdô hamiḡ Sanhedlin maleḡḡḡ.

<sup>13</sup> Ma êv anyô doho ek nenaḡ abôyaḡ esak yani. Ba enaḡ, “Wak nômbêḡ intu ma ôpêntêk hathak hanaḡ abô kambom hathak unyak matheḡ lôk Mose anêḡ balabuḡ. <sup>14</sup> Yêlô alaḡô yani hanaḡ, ‘Yisu anêḡ Nasalet tem indiniḡ unyak matheḡ êntêk ma injik Mose anêḡ kobom sêbôk ba hêv hadêḡ alalô liliḡ.’ ”

<sup>15</sup> Ma ḡê nômbêḡ atu ba êmô Sanhedlin ititiḡ Stiven lôklokwaḡ ma êyê thohavloma lêk hatôm aḡela te.

## 7

### *Stiven hanaḡ abô hadêḡ Sanhedlin*

---

\* **6:10:** Luk 21:15

1 Ma anyô bêṅ habôk da hanaṅ, “Abô takêṅ ma avanôṅ e?”

2 \*Ma Stiven hanaṅ, “Aiyaṅ thêlô lo wakamik thêlô, nodanô yenaṅ abô! Sêbôk atu ba alalôaniṅ bumalô Ablaham hamô Mesopotemia denaṅ ma miṅ hi Halan ami, ma Wapômbêṅ lôkmanṅiṅ hayô ek yani. 3 \*Ma hanaṅ, ‘Otak anêm pik lôk avômalô ma nu pik atu ba tem yaṅgik thô êndêṅ o.’

4 \*‘Êṅ ma hatak Kaldia iniṅ pik ba hi hamô Halan. Vêm ba lambô hama ma Wapômbêṅ hêv yani ba halêm pik êntêk atu lêk alalô amô. 5 \*Ma wak êṅ ma Wapômbêṅ miṅ hêv pik bute ek yani ami, milôk. Ma donṅtom havak abô nena embeṅ yam ma tem yani lôk anêṅ limi neja pik bêṅ êṅ lôkthô. Waklavôṅ atu ba Wapômbêṅ hanaṅ abô takêṅ ma Ablaham nakaduṅ mi denaṅ. 6 \*Ma donṅtom Wapômbêṅ hanaṅ nena, ‘Anêm libumi tem nêôm êtôm ṅê masôm êmô malak yaṅ iniṅ pik. Ma ṅê pik êṅ tem nimbitak thêlôninṅ alaṅ ba nênem malainṅ êndêṅ i êtôm sondabêṅ 400. 7 \*Vêm ma tem yanêm vovaṅ êndêṅ alaṅ takêṅ. Ma embeṅ yam ma tem netak pik yaṅ êṅ ma nêbônêlêm pik êntêk ma nênem yeṅ êndêṅ ya.’ 8 \*Vêm ma Wapômbêṅ havak abô haviṅ Ablaham ba hêv tabô neṅgothe kupik vê hadêṅ yani. Ma havenṅ yam ma Ablaham habitak Aisak anêṅ lambô ma hatôm wak bahenṅvi ba lahavulô ma hanṅgothe Aisak anêṅ kupik vê. Vêm ma Aisak habitak Jekop anêṅ lambô, ma

\* 7:2: Stt 11:31; 15:7 \* 7:3: Stt 12:1 \* 7:4: Stt 11:31-12:5

\* 7:5: Stt 12:7; 15:18; 17:8 \* 7:6: Stt 15:13-14; Kis 12:40 \* 7:7:

Kis 3:12 \* 7:8: Stt 17:9-14; 21:4



Jekop habitak hatôm bumalô laumiņ ba lahavuju takatu iniņ lambô. Ma thêlô sapêņ esopa tabô atu ba hêv.

<sup>9</sup>\* “Bumalô thêlô leņiņdaņ hathak Josep ba intu êv hadêņ nê loņ buyaņ ba êv vuli ba intu anyô Ijip te habitak Josep anêņ alaņ. Ma donțom Wapômbêņ hamô haviņ yani ba <sup>10</sup>\*hêv yani bulubiņ hathak malaiņ lomalama. Ba hêv auk mavi hadêņ Josep ek indum Ijip iniņ kiņ Pelo lamavi esak yani. Ba intu hatak yani ek imbitak anyô bêņ ek eyabiņ Ijip lôk anêņ unyak lôkmaņgiņ sapêņ.

<sup>11</sup>\* “Haveņ yam ma bôm bêņ lôk malaiņ lomalama habitak Ijip lo Kenan iniņ loņ sapêņ ba bumalô thêlô miņ hatôm nêpôm nômi. <sup>12</sup>Ma Jekop halaņô nena nômi hamô Ijip. Êņ ma hêv bumalô thêlô ba i môm anôm. <sup>13</sup>\*Ma i bôlôm yaņ, ma Josep hanaņ yanida bêņ hadêņ iviyaņ. Ma Pelo halaņô nena Josep anêņ lambô lôk iviyaņ êmô. <sup>14</sup>\*Êņ ma Josep hêv abô ek lambô Jekop lôk anêņ avômalo sapêņ nêlêm. Thêlô hatôm 75. <sup>15</sup>\*Ma Jekop halôk ba hi Ijip ba hamô aleba hama ma bumalô thêlô ema haviņ. <sup>16</sup>\*Ma ewa iniņ kupik ba i elav hêk malak Sekem. Siô êņ ma Ablaham bôk hêv vuli hêk Hamol anêņ nali.

<sup>17</sup>\* “Waklavôm atu ba Wapômbêņ bôk havak abô haviņ Ablaham lêk habobo injik anôm, êņ ma alalôaniņ avômalo lêk ilumbak ba êv liņsiņ êmô Ijip.

---

\* **7:9:** Stt 37:11,28; 39:2,21-23      \* **7:10:** Stt 41:37-44      \* **7:11:** Stt 41:54; 42:1-2      \* **7:13:** Stt 45:1-4,16      \* **7:14:** Stt 45:9-11; 46:27      \* **7:15:** Stt 46:1-7; 49:33      \* **7:16:** Stt 23:2-20; 33:19; Jos 24:32      \* **7:17:** Kis 1:7

18 \*Vêm ma kin̄ yaŋ habitak anêŋ Ijip ba hathôn̄ Josep paliŋ. 19 \*Ôpêŋ hasau alalôaniŋ avômalô ba hêv malaiŋ hadêŋ bumalô thêlô lôk hanaŋ lôklokwaŋ nena neja avômena kasek ende yaiŋ ma nimbi i ni ek nema.

20 \*“Êŋ ma Mose talêbô havathu yani, ma yani amena mavi hêk Wapômbêŋ ma. Ma hatôm ayôn̄ lô ma eyabiŋ yani hamô lambô anêŋ unyak. 21 \*Vêm ma êdô yani hamô yaiŋ ma Pelo nalavi hawa ba hi hayabiŋ yani hatôm anêŋ namalô. 22 Ma Mose hathak unyak ba êdôn̄ yani hathak avômalô Ijip iniŋ auk mavi sapêŋ. Anêŋ abô lôk ku ma lôklokwaŋ anôn̄.

23 “Mose anêŋ sondabêŋ hatôm 40 ma lahaviŋ ni ek ênjê anêŋ avômalô IsraeL. 24 \*Ma hayê Ijip te habuliŋ IsraeL yaŋ. Êŋ ma hêv IsraeL êŋ sa ba hik anyô Ijip atu anêŋ kambom liliŋ ba hik ôpêŋ vônô. 25 Ma lahabi nena tem anêŋ avômalô neyala nena Wapômbêŋ hêv yani ek nêm thêlô bulubiŋ. Ma doŋtom mi. 26 Haviyô hayaŋ ma Mose hi ma hayê anyô IsraeL ju ik i. Ma hadum ek nêm thai thêvô ek leŋiŋimbiŋ i ba hanaŋ, ‘Ai, mamu ŋê loyaŋ. Ma uik am eka?’

27 “Ma doŋtom ôpatu ba habuliŋ yaŋ hathô Mose pôn̄êŋ ba hanaŋ, ‘Opalê hatak o hatôm yêlôaniŋ anyô bêŋ lôk anyô nindum abô esak? 28 \*Tem nuŋgwik ya vônô êtôm wakbôk ba huik Ijip alaŋ vônô e?’ 29 \*Mose halaŋ abô êŋ ma hasôv ba hi

---

\* 7:18: Kis 1:8    \* 7:19: Kis 1:11-22    \* 7:20: Kis 2:2    \* 7:21: Kis 2:3-10  
 \* 7:24: Kis 2:11-15    \* 7:28: Kis 2:14    \* 7:29: Kis 2:21-22; 18:3-4

hamô Midian iniņ pik hatôm anyô masôm. Ma hawa nakaduņ ju.

30 \* “Sondabêņ 40 hale ba hi ma aņela te hayô ek Mose hêk loņ thiliv habobo dum Sainai. Aņela êņ hamô atum atu ba hathaņ hamô alokwaņ yaônate kapô. 31 Mose hayê ma hasoņ kambom. Ma hi habobo ek êņjê katô, êņ ma Anyô Bêņ hanaņ nena, 32 ‘Ya libumi iniņ Wapômbêņ, Ablaham lo Aisak ma Jekop iniņ Wapômbêņ.’ Êņ ma Mose hakô kambom ba halowaliņ ba miņ hatôm êņjê ami.

33 “Ma Anyô Bêņ hanaņ hadêņ yani, ‘Ômbi anêm vem bokņgôp thô. Loņ êntêk ba humiņ ma loņ mathêņ. 34 Yahayê kambom takatu ba Ijip idum hathak yenaņ avômalô. Ma lêk yahalaņô iniņ asêņ ba êntêk yahalêm ek yanêm thêlô vê. Aêņ ba ôlêm ek yanêm o ba ondenu Ijip esak loņbô.’

35 \* “Mose intu bôk thêlô êpôlik hathak ba enaņ nena, ‘Opalê hatak o hatôm yêlôaniņ anyô bêņ lôk anyô nindum abô esak?’ Ma doņtom hathak aņela atu ba Mose hayê hatôm atum ba hathaņ hamô alokwaņ thaņaņ, Wapômbêņ da hatak yani ek imbitak iniņ anyô bêņ lôk nêm thêlô bulubiņ. 36 \*Mose hawa thêlô vê hêk Ijip ba hi ma hadum nômbithi lôk lavôņiņ hêk Ijip lôk Ngwêk Thalaleņ ma loņ thiliv hatôm sondabêņ 40.

37 \* “Êntêk ma Mose atu ba hanaņ hadêņ avômalô Israeļ nena, ‘Wapômbêņ tem etak môlôda te ba imbitak plopet. Ma tem enaņ Wapômbêņ anêņ abô êtôm êntêk ba lêk yahaņaņ hadêņ môlô.’ 38 \*Yani êņ

---

\* 7:30: Kis 3:1-10    \* 7:35: Kis 2:14    \* 7:36: Kis 7:3; 14:21;  
 Nam 14:33    \* 7:37: Lo 18:15    \* 7:38: Kis 19:3

intu hamô havin bumalô takatu ba ethak donjom êmô loŋ thiliv. Ma hathak ba hi dum Sainai ma anjela hanaŋ abô hadêŋ yani. Ma hawa Wapômbêŋ anêŋ abô takatu ba hêv lôkmala ek nêŋ êndêŋ alalô.

<sup>39</sup> “Ma donjom bumalô thêlô êpôlik hathak anêŋ abô. Lôk êdô yani ma ik kapôlônjin liliŋ hale hi Ijip hathak loŋbô. <sup>40</sup> \*Ma enaŋ hadêŋ Alon nena, ‘Ope-saŋ ngôk doho ek endom yêlô. Mose atu ba hawa yêlô vê hêk Ijip ba alêm lêk hi doho ba yêlô athôn paliŋ.’ <sup>41</sup> \*Aêŋ ba intu epesaŋ bokmaŋkao map te anêŋ dahô ba êv da hadêŋ yani. Ma eŋgabôm nôŋ lôk eloyeŋ bêŋ ek êv athêŋ bêŋ hadêŋ nôŋ atu ba epesaŋ hathak bahenjin. <sup>42</sup> Ba intu Wapômbêŋ havôlinj dôŋ hadêŋ thêlô ba hatak thêlô ek nêŋem yeŋ êndêŋ wak lo ayôn ma vulin. Hatôm bôk eto hêk plopet iniŋ kapya nena,

“ ‘Sêbôk atu ba môlô Israël  
ômô sondabêŋ <sup>40</sup> hamô loŋ thiliv,  
osoŋ nena uik bokmaŋkao lôk boksipsip ba  
ôêv hatôm da hadêŋ ya e? Milôk.

<sup>43</sup> Môlô bôk owa unim ngôk Molek anêŋ malak yeŋ  
lôk ngôk Lepaŋ anêŋ vulin dahô,  
ma ngôk dahô takatu ba opesaŋ ek nôŋem yeŋ  
êndêŋ.

Aêŋ ba intu tem yanêŋ môlô vê ba unu Babilon  
vidôm doho.’ *Amos 5:25-27*

<sup>44</sup> “Sêbôk atu ba bumalô thêlô êmô loŋ thiliv ma  
malak yeŋ hamô havin thêlô hatôm tabô. Thêlô  
elav malak yeŋ êŋ hatôm Wapômbêŋ hanaŋ hadêŋ  
Mose nena endav aêŋ, lôk hatôm dahô atu ba  
Mose hayê. <sup>45</sup> \*Vêŋ ma Josua halom thêlô ba ewa

\* **7:40:** Kis 32:1    \* **7:41:** Kis 32:2-6    \* **7:45:** Jos 3:14-17

avômalô takatu ba Wapômbêḅ haliti i ba i iniḅ pik. Ma iniḅ bumalô bôk êv malak yeḅ êḅ hadêḅ i ba ewa ba i pik lukmuk êḅ haviḅ i. Ma êmô pik êḅ aleba Devit habitak. <sup>46</sup>\*Wapômbêḅ lamavi hathak Devit. Ma Devit hateḅ mek ek endav malak yeḅ ek Jekop anêḅ Wapômbêḅ êmô. <sup>47</sup>\*Ma doḅtom nakaduḅ Solomon halav unyak êḅ.

<sup>48</sup> “Ma Wapômbêḅ Lôkmaḅḅḅ miḅ hathak hamô unyak atu ba anyô elav ami. Hatôm plopet te bôk hanaḅ:

<sup>49</sup> “Wapômbêḅ hanaḅ nena,

‘Leḅ ma yenaḅ balê atu ba yahayô hamô hatôm kiḅ,

ma pik ma yenaḅ balê yaôna ek yahatak yaveḅkapô hayô hamiḅ.

Ma môlô udum ek nodav unyak alê te ek ya?

Ma tem yamô êsê ek yanja lovak?

<sup>50</sup> Ek malê nena yada yahapesaḅ nômka ma takêḅ sapêḅ. Avanôḅ e?’ *Aisaia 66:1-2*

<sup>51</sup> \* “Môlô ḅê lemimôndôḅ kôtôḅ. Môlô kapôlômim ma thektheḅ hatôm ḅê daluk. Wak nômbêḅ intu ma môlô ôpôlik hathak Lovak Mathêḅ anêḅ abô hatôm libumi taksêbôk. <sup>52</sup>\*Môlônim libumi bôk idum kambom hadêḅ plopet sapêḅ! Ma plopet takatu ba bôk enaḅ nena Anyô Thêthôḅ atu tem êlêm ma ik i pôpônô haviḅ. Ma lêk môlô onaḅ ôpêḅda bêḅ haviḅ ba uik vônô. <sup>53</sup>Môlô ma ḅê takatu ba bôk owa Wapômbêḅ anêḅ abô balabuḅ takatu ba aḅela êv, ma doḅtom miḅ osopa ami.”

\* **7:46:** 2Sml 7:1-16      \* **7:47:** 1Kin 6:1-38      \* **7:51:** Ais 63:10

\* **7:52:** Mat 23:31

*Ik Stiven hathak valu ba hama*

<sup>54</sup> Thêlô elañô abô êñ ma leñiñmaniñ kambom hadêñ Stiven ma ethañ veñiñbôlêk lokwañ loñ. <sup>55</sup>\*Ma donjom Lovak Mathen hadum ku lôklokwañ hamô Stiven kapô ba yani hayê leñ lôklokwañ ma hayê Wapômbêñ anêñ deda lôkmañgiñ lôk Yisu hamiñ Wapômbêñ bañ vianôñ. <sup>56</sup>\*Êñ ma hanañ nena, “Ôñgô! Yahayê leñ abyañ ba Anyô Anêñ Nakaduñ atu hamiñ Wapômbêñ bañ vianôñ.”

<sup>57</sup> Êñ ma thêlô ibi leñiñôndôñ siñ ma elam kaêk lôklala bomañ ma elañviñ ba i evaloñ Stiven. <sup>58</sup>Ma êvôv yani hale malak lôñ viyaiñ ma ik yani hathak valu. Nê takatu ba bôk enañ yani bêñ, ibi iniñ kwêv daim thô ba êdô hamô anyô muk te anêñ valuvi ek eyabiñ. Ôpêñ anêñ athêñ nena Sol.

<sup>59</sup> Ik Stiven hathak valu ma yani hateñ mek nena, “Anyô Bêñ Yisu, onja yadahôlôñ.” <sup>60</sup>\*Ma yani hêv yak ba habi vadôñ halôk pik ma halam nena, “Anyô Bêñ, miñ ombaloñ iniñ kambom êntêk viyañ loñ ami.” Halam aêñ ma hama.

## 8

<sup>1-2</sup> Ma Sol hayê nena ik Stiven vônô ma hêv lamavi. Ma ñê vi atu ba esopa Wapômbêñ anêñ lahaviñ elav yani lôk kapôlôñiñ malaiñ kambom.

*Sol habuliñ avômalô êvhaviñ*

Hadêñ wak êñ ba hi ma êv malaiñ lomalama hadêñ avômalô êvhaviñ anêñ Jelusalem. Êñ ma êsôv mayaliv ba i hadêñ loñ bêñ Judia lo Samalia.

---

\* **7:55:** Sng 110:1    \* **7:56:** Kol 3:1    \* **7:60:** Luk 23:34

Ma aposel iyom êmô Jelusalem denaŋ. <sup>3</sup> \*Êŋ ma Sol hadum ek imbuliŋ avômalô êvhaviŋ. Yani hi lounyak lounyak ba havalonŋ anyô lo avi ba havôv i ba hatak i hamô koladôŋ.

### *Pilip hi Samalia*

<sup>4</sup> Ma avômalô takatu ba êsôv mayaliv ba i ma enaŋ Wapômbêŋ anêŋ Abô Mavi havenŋ lonŋ nômbêŋ atu ba êyô. <sup>5</sup> Ma Pilip hi hayô malak bêŋ te anêŋ Samalia ba hanaŋ abô hathak Yisu nena yani ma Mesia atu. <sup>6</sup> Avômalô bêŋ anôŋ elanô Pilip anêŋ abô ba êyê lavôŋiŋ lôk nômbithi takatu ba hadum, ba intu elanô anêŋ abô takatu ba hanaŋ katô. <sup>7</sup> Ma Pilip hêv ŋgôk kambom bêŋ anôŋ vê hêk avômalô, ma ŋgôk takêŋ elanŋ ba enŋgaliak lôklokwanŋ ba ele yaiŋ ba i. Ma hadum ŋê ivuviŋ lôk ŋê veniŋ kambom bêŋ anôŋ mavi hathak lonŋbô. <sup>8</sup> Aêŋ ba avômalô malak bêŋ êŋ leniŋmavi bêŋ anôŋ.

### *Saimon anyô lôk ŋgôk sonŋonŋ*

<sup>9</sup> Anyô te hamô malak bêŋ êŋ ba anêŋ athêŋ nena Saimon. Yani ma anyô lôk ŋgôk sonŋonŋ ba hadum anêŋ aloyak hamô lonŋ êŋ sondabêŋ bêŋ anôŋ ba avômalô Samalia êyê ba esonŋ kambom. Ma yani hathak habam yanida nena, “Ya anyô lôk athêŋ.” <sup>10</sup> Ma avômalô lôk athêŋ bêŋ lôk athêŋ yaô ethak ititiŋ yani ba enaŋ nena, “Yani intu ma Wapômbêŋ anêŋ lôklokwanŋ atu ba elam nena Lôklokwanŋ Bêŋ.” <sup>11</sup> Wak bêŋ anôŋ ma yani hadum nôm takêŋ ba intu avômalô esopa yani ek êyê anêŋ aloyak takatu ba hadum ba nômbithi hathak habitak lôbôlôŋ. <sup>12</sup> Ma donŋtom Pilip hayô ba hanaŋ Abô Mavi hathak

---

\* **8:3:** Ap 9:1,13; 22:4; 26:9-11

Wapômbêñ anêñ loñ lôklinyak lôk Yisu Kilisi anêñ athêñ. Êñ ma anyô lo avi bêñ anôñ êvhaviñ ba ithik ñañ. <sup>13</sup> Ma Saimon hêvhaviñ haviñ ba ithik yani halôk ñañ. Ma hasopa Pilip haveñ loñ nômbêñ atu ba yani hi ek hayê lavôñiñ lôk nômbithi lomaloma takatu ba Pilip hadum. Êñ ma hasoñ kambom.

<sup>14</sup> Aposel anêñ Jerusalem elañô nena avômalô Samalia lêk êvhaviñ Wapômbêñ anêñ abô. Êñ ma êv Pita lo Jon ba i hadêñ thêlô. <sup>15-16</sup> Thai êyô ma elañô nena avômalô Samalia takatu ba bôk êvhaviñ lo ithik ñañ hathak Anyô Bêñ Yisu anêñ athêñ, ma doñtom miñ ewa Lovak Mathen ami. Êñ ma thai eteñ mek ek thêlô neja Lovak Mathen. <sup>17</sup> \*Etak baheñ hayô hêk thêlô, ma Lovak Mathen hayô hamô i.

<sup>18</sup> Saimon hayê aposel ju atu etak baheñiñ hayô hêk avômalô ma Lovak Mathen hayô hamô i. Êñ ma hadum ek nêñ valuseleñ êndêñ thai ba hanañ, <sup>19</sup> “Nônêñ lôklokwañ intu êndêñ ya imbiñ ek yahatak yabaheñ hayô hêk anyô te, ma ôpêñ tem enja Lovak Mathen.”

<sup>20</sup> Ma Pita hanañ nena, “Aisê? Hoson nena hatôm nêñ Wapômbêñ anêñ wapôm vuli e? O nêñ yak ba nu loñ atum imbiñ anêñ valu! <sup>21</sup> O miñ hatôm undum Wapômbêñ anêñ ku êntêk imbiñ yêlô ami. Mi anôñ! Kapôlôm miñ thêthôn hêk Wapômbêñ ma ami. <sup>22</sup> Aêñ ba onde kapôlôm liliñ ma otak anêñ kambom êñ. Ma oteñ mek êndêñ Anyô Bêñ ek etak anêñ kapô esak anêñ kambom takatu ba havuñi hêk kapôlôm. <sup>23</sup> Yahayê nena kapôlôm putup hathak kambom lomaloma

---

\* 8:17: Ap 19:6



ma kambom anêḡ lôklokwanḡ havalonḡ o lonḡ majanḡ bomanḡ.”

<sup>24</sup> Ma Saimon hananḡ nena, “Notenḡ mek êndêḡ Anyô Bêḡ esak ya ek malainḡ takatu ba honanḡ miḡ êpôm ya ami.”

<sup>25</sup> Ma Pita lo Jon enanḡ Anyô Bêḡ anêḡ abô bêḡ lôk enanḡ hathak nôḡm takatu ba bôk êyê. Vêḡm ma êvôiḡ Jelusalem hathak lonḡbô ba enanḡ Abô Mavi bêḡ haveḡḡ Samalia iniḡ malak nenanena.

### *Pilip lo anyô Itiopia te*

<sup>26</sup> Ma Anyô Bêḡ anêḡ anḡela hananḡ hadêḡ Pilip, “Umbiyô ma ôndôk ba nu tamu lonḡondê atu ba hatak Jelusalem ma hi Gasa, lonḡ êḡ ma lonḡ thiliv.”

<sup>27</sup> Êḡ ma Pilip haviyô ma hasopa lonḡondê êḡ ma hayê anyô Itiopia te, yani ma anyô bêḡ atu ba hayabinḡ Itiopia iniḡ kwin Kandas anêḡ valuselenḡ. Ôpêḡ bôk êvê thalôk vê ek indum anêḡ ku. Ma hi Jelusalem ek hêv yenḡ hadêḡ Wapômbêḡ. <sup>28</sup> Vêḡm ma hale hi anêḡ lonḡ hathak lonḡbô. Ma hathak anêḡ kalis ba hi ma hasam kapya atu ba plopêt Aisaia bôk hato. <sup>29</sup> Ma Lovak Mathenḡ hananḡ hadêḡ Pilip, “Nu bidonḡ ek kalis intu ma ombenḡ imbinḡ.”

<sup>30</sup> Êḡ ma Pilip halanḡvinḡ ba hi habobo kalis ma halanḡ ôpatu hasam plopêt Aisaia anêḡ kapya. Ma Pilip hananḡ hik linḡ, “Hoyala abô intu ba hosam anêḡ ôdônḡ e?”

<sup>31</sup> Ma ôpêḡ hananḡ, “Tem yayala aisê? Anyôla miḡ hamô ek enanḡ anêḡ ôdônḡ bêḡ êndêḡ ya ami.”

Êḡ ma hananḡ nena Pilip esak anêḡ kalis ba ni êmô imbinḡ yani.

32 Ma Wapômbêḡ anêḡ abô atu ba ôpêḡ hasam  
ma aêntêk,

“Elom yani hatôm boksipsip atu ba elom  
hi ek nijik vônô.

Lôk hatôm boksipsip nakaduḡ atu ba ekapiḡ vuluk  
vê

ba bônôḡ iyom,

lôk miḡ hanaḡ ba hanaḡ abô te ami.

33 Thêlô êv mama bêḡ hadêḡ yani,  
ma miḡ idum abô thêthôḡ hathak yani ami.

Thêlô ik yani vônô,

ba intu limi mi.”

*Aisaia 53:7-8*

34 Ma anyô êḡ hanaḡ hik Pilip liḡ, “Plopet êḡ  
hanaḡ hathak yanida, mena anyô yaḡ?” 35 Êḡ ma  
Pilip hanaḡ Abô Mavi bêḡ anôḡ hathak Yisu hadêḡ  
ôpêḡ, môḡ ma Aisaia anêḡ abô atu ba lêk hasam  
vêm ma hanaḡ Wapômbêḡ anêḡ abô vi haviḡ.

36-37 \*Thai evenḡ loḡondê aleba êyô ḡaḡ te, ma  
ôpêḡ hanaḡ hadêḡ Pilip, “Nôḡô, ḡaḡ êntêk hêk.  
Hatôm usik ya mena mi e?”\* 38 Êḡ ma ôpêḡ hanaḡ  
ek nebalonḡ kalis loḡ. Ma thai lôk Pilip ibup ḡaḡ ma  
Pilip hathik yani. 39 Etak ḡaḡ ma kethenḡ oyaḡ ma  
Anyô Bêḡ anêḡ Lovak Mathenḡ hawa Pilip vê. Ma  
ôpêḡ miḡ hayê Pilip hathak loḡbô ami. Ma hi lôk  
lamavi. 40 \*Ma Pilip hasonḡ kambom ek lêk habitak  
hayô Asotas. Êḡ ma hi lomalak lomalak ba hanaḡ  
Abô Mavi bêḡ havenḡ aleba hayô Sisalia.

\* **8:36-37:** Ap 10:47 \* **8:36-37:** Nê lôkuk vi enaḡ nena abô  
doho atu ba Luk hato ma hêk denaḡ. Abô êḡ ma aêntêk: Êḡ ma Pilip  
hanaḡ, ‘Hôêvhaviḡ avanôḡ hêk kapôlôm, êḡ ma o hatôm.’ Ma yani  
hanaḡ viyaḡ, ‘Yahêvhaviḡ Yisu Kilisi Wapômbêḡ anêḡ Nakaduḡ.’

\* **8:40:** Ap 21:8

## 9

*Sol hale kapô liliŋ*

<sup>1</sup>\*Ma Sol hanaŋ abô lôklokwaŋ denaŋ nena tem imbuliŋ lôk injik avômalô takatu ba esopa Anyô Bêŋ Yisu vônô. Ma hi hadêŋ anyô bêŋ habôk da <sup>2</sup>ek eto kapyâ êndêŋ nê bêŋbêŋ takatu ba eyabiŋ Israeŋ iniŋ unyak yeŋ takatu hamô Damaskas. Kapyâ êŋ hanaŋ nena Sol hapôm avômalô la esopa Yisu anêŋ loŋôndê, anyô mena avi, êŋ ma embaloŋ i ba enja ba êlêm Jelusalem êtôm nê koladôŋ. <sup>3</sup>Êŋ ma hatak Jelusalem ma hi Damaskas. Ma habobo Damaskas ma ketheŋ oyaŋ ma deda bêŋ te anêŋ leŋ hatôm damak hêv ba habi hayô hêk yani. <sup>4</sup>Ma hêv yak halôk pik ma halaŋô abô te dalam hadêŋ yani aêntêk, “Sol, Sol, hubuliŋ ya eka?”

<sup>5</sup>Ma Sol hanaŋ, “Anyô Bêŋ, o opalê?”

Ma ôpêŋ hanaŋ, “Ya Yisu ôpatu ba hubuliŋ.

<sup>6</sup>Umbiyô ba nu malak lôŋ kapô. Ma tem nenan êndêŋ o esak nôm atu ba undum.”

<sup>7</sup>Ma nê takatu ba evenŋ haviŋ Sol imiŋ bônôŋ iyom. Thêlô elanô abô, ma doŋtom miŋ êyé anyôla ami. <sup>8</sup>Êŋ ma Sol haviyô ma doŋtom miŋ hatôm ênjê tak ami. Ba intu evaloŋ yani baŋ ma edadi ba i Damaskas. <sup>9</sup>Hatôm wak lô ma yani mapusip ba miŋ hayaŋ nôm lo hanum ŋaŋ ami.

<sup>10</sup>Yisu anêŋ anyô ku te hamô Damaskas ba anêŋ athêŋ nena Ananias. Ma hayê wêŋ te atu ba Anyô Bêŋ hanaŋ hadêŋ yani nena, “Ananias!”

Ma yani hanaŋ, “Anyô Bêŋ, ya êntêk yahamô.”

<sup>11</sup>Ma Anyô Bêŋ hanaŋ hadêŋ yani, “Umbiyô ba nu Judas anêŋ unyak hêk loŋôndê atu anêŋ athêŋ

---

\* 9:1: Ap 8:3

nena Thêthôn. Ma onañ injik liñ nena, ‘Sol anêñ Tasmus hamô mena mi e?’ Yani lêk hateñ mek. <sup>12</sup>Ma hatulak ma hayê wêñ te nena anyô te anêñ athêñ nena Ananaias halêm hatak bañ hayô hêk yani ek êñjê tak esak lonbô.”

<sup>13</sup>Ma Ananaias hanañ viyañ nena, “Anyô Bêñ, yahalañô abô bêñ anôn hathak ôpêñ. Yani hadum nô m kambom lomaloma hadêñ anêm avômalô mathen anêñ Jelusalem. <sup>14</sup>Ma ñê bêñbêñ êbôk da êv lôklokwan hadêñ yani ba halêm lon êntêk ek embalon avômalô takatu ba êvhaviñ anêm athêñ.”

<sup>15</sup>\*Ma donjom Anyô Bêñ hanañ hadêñ Ananaias nena, “Nu. Bôk yahatak ôpêñ yôv ek imbitak yenañ anyô ku ba enja yenañ athêñ ba ni ek avômalô lon buyañ lôk iniñ kin ma avômalô Israe imbiñ. <sup>16</sup>\*Ma tem yanğik malaiñ lomaloma takatu ba tem êpôm yani esak yenañ athêñ thô êndêñ yani.”

<sup>17</sup>Êñ ma Ananaias hi unyak atu kapô ma hatak bañ hayô hêk Sol ma hanañ, “Aiyañ Sol, Anyô Bêñ Yisu atu ba hapôm o halôk lonôndê hêv ya ba yahalêm ek nôñgô tak esak lonbô lôk Lovak Mathen êmbôlô kapôlôm siñ.” <sup>18</sup>Ma kethen oyañ ma nômla hatôm alim anêñ kalak hagililiñ hêk Sol madaluk. Ma hayê tak hathak lonbô. Haviyô ma Ananaias hathik yani. <sup>19</sup>Vêm ma hayañ nô m doho ma hawa lôklokwan hathak lonbô.

### *Sol hanañ Abô Mavi hamô Damaskas*

Sol hamô haviñ Yisu anêñ ñê ku takatu ba êmô Damaskas hatôm wak doho. <sup>20</sup>Vêm ma hi Israe iniñ unyak yeñ takatu ba hamô lon êñ,

---

\* **9:15:** Ap 26:2; 27:24; Lom 1:5      \* **9:16:** 2Ko 11:23-28

ma hanaŋ bêŋ nena Yisu ma Wapômbêŋ anêŋ Nakaduŋ. <sup>21</sup> \*Avômalô takatu ba elanô anêŋ abô eson kambom ba enaŋ, “Ôpêntêk ma ôpatu ba bôk habuliŋ avômalô takatu ba êvhaviŋ Yisu anêŋ athêŋ anêŋ Jelusalem e? Ma lêk halêm lon êntêk ek embalon thêlô êtôm nê koladôn ba enja ba ni ek nê bêŋbêŋ êbôk da, aêŋ e?” <sup>22</sup> \*Ma donjom Sol anêŋ lôklokwan halumbak hi ba hi. Ma anêŋ abô hik thô hadêŋ avômalô Islael takatu ba êmô Damaskas nena Yisu ma Mesia atu. Ma thêlô eson kambom ba miŋ hatôm nenaŋ abôla ami.

<sup>23</sup> Wak bêŋ anôn hale ba hi ma avômalô Islael anêŋ lon êŋ ethak donjom ba ibutiŋ abô ek nijik Sol vônô. <sup>24</sup> Ma donjom Sol halaŋô abô hathak iniŋ auk êŋ. Wak lo bôlôvôn ma nê takêŋ eyabiŋ malak lôŋ êŋ anêŋ badêŋ abôlêk ek nijik yani vônô. <sup>25</sup> \*Ma donjom bôlôvôn te ma Sol anêŋ nê ku ewa yani ba etak halôk vak sam bêŋ te kapô. Ma êlêlô halôk badêŋ anêŋ lon lovak te ba hi tamu badêŋ viyaŋ.

### *Sol hi Jelusalem*

<sup>26</sup> \*Vêm ma Sol hi Jelusalem. Hayô ma lahaviŋ êmô imbiŋ avômalô êvhaviŋ, ma donjom thêlô sapêŋ êkô ek yani lôk miŋ êvhaviŋ nena yani ma Yisu anêŋ anyô ku te ami. <sup>27</sup> \*Ma donjom Banabas hawa Sol ba hi hayô ek aposel. Ma hanaŋ abô hathak Sol nena bôk hayê Anyô Bêŋ halôk lonôndê ma Anyô Bêŋ hanaŋ abô hadêŋ yani. Ma hanaŋ nena Sol hamô Damaskas ma hanaŋ abô lôklokwan hathak Yisu anêŋ athêŋ ma miŋ hakô ami. Ma

\* **9:21:** Ap 8:3      \* **9:22:** Ap 18:28      \* **9:25:** 2Ko 11:32-33

\* **9:26:** Gal 1:17-19      \* **9:27:** 1Ko 9:1

apospel êvhaviņ anêņ abô. <sup>28</sup> Aêņ ba Sol hamô haviņ i. Ma hi ba halêm hamô Jelusalem kapô ma hanaņ abô bêņ hathak Anyô Bêņ anêņ athêņ ma kô mi. <sup>29</sup> Ma yani hi hanaņ abô haviņ avômalô Israeļ takatu ba ethak enaņ abô Glik. Ma hawa iniņ auk vose ek nênemimbiņ Yisu. Ma donțom thêlô leņiņmaniņ ba idum ek nijik yani vônô. <sup>30</sup> Ma abô êņ hi hapôm nê êvhaviņ. Ba intu ewa yani ba i Sisalia ma etak halôk yeņ te ek ni Tasus.

<sup>31</sup> Êņ ma avômalô êvhaviņ anêņ Judia lo Galili ma Samalia êmô labali ba miņ anyôla hêv malaiņ hadêņ i ami. Ma thêlô ibitak lôklokwaņ ma Lovak Matheņ havatho thêlô kapôlôņiņ loņ. Thêlô êmô Anyô Bêņ vibiiņ ma êbô anêņ athêņ. Ma avômalô êvhaviņ ilumbak hi ba hi.

### *Pita hadum anyô havuviņ te mavi*

<sup>32</sup> Pita hi haveņ lomalak lomalak. Ma wak te ma hi ek êņjê avômalô matheņ anêņ Lida. <sup>33</sup> Loņ êņ ma hapôm anyô te ba anêņ athêņ nena Ainas. Yani kupik bôk havuviņ ma hêk biņ iyom hatôm sondabêņ bahenvi ba lahavulô. <sup>34</sup> Ma Pita hanaņ, “Ainas, Yisu Kilisi lêk hadum o mavi. Umbiyô ma umbuvi anêm yêm.” Ma ketheņ oyaņ ma haviyô. <sup>35</sup> Êņ ma avômalô Lida lôk Salon sapêņ êyê yani, ma ele i liliņ ba esopa Anyô Bêņ.

### *Pita hik avi ņama te liņ*

<sup>36</sup> Anêņ Jopa ma avi êvhaviņ te ba anêņ athêņ nena Tabita, ma hathak abô Glik nena Dokas. Wak nômbêņ intu ma yani hadum kobom mavi lomalama lôk hêv avômalô siv sa. <sup>37</sup> Pita hamô Lida denaņ ma Dokas hapôm lijiņ ba hama. Ma

ithik anêḡ kupik ba êdô hêk unyak kapô te atu ba hêk daku vuliḡ. <sup>38</sup> Jopa hamô habobo Lida ba intu avômalô êvhaviḡ elañô nena Pita lêk hamô Lida, êḡ ma êv anyô ju ba i hadêḡ yani ma enañ lôklokwan nena, “Ôlêm kethêḡ!”

<sup>39</sup> Êḡ ma Pita hi haviḡ thai ba êyô Jopa. Ma ewa yani ba i unyak kapô ali atu ba hêk daku vuliḡ. Avi tôp bêḡ anôḡ êmô unyak kapô êḡ ba elañ. Thêlô ekalabu Pita siḡ ma ewa iniḡ kwêv thilibuḡ lôk sôp takatu ba Dokas bôk hamô ma hadu ba hêv hadêḡ i ma ik thô hadêḡ yani.

<sup>40</sup> Ma Pita hanaḡ ba avômalô sapêḡ ele yaiḡ ba i. Ma halek vadôḡ lêlô ma hateḡ mek. Vêm ma hik i liliḡ hadêḡ avi ḡama êḡ ma hanaḡ, “Tabita, umbiyô.” Ma madaluk hakyav ba hayê Pita ma haviyô hamô. <sup>41</sup> Ma Pita havalonḡ baḡ ma hêv yani liḡ haviyô hamiḡ. Ma halam avômalô mathêḡ lôk avi tôp takatu ba êlêm. Ma hik thô nena yani lêk haviyô lôkmala hathak lonbô.

<sup>42</sup> Abô hathak nôḡm atu ba Pita hadum halanḡviḡ havenḡ Jopa iniḡ lonḡ sapêḡ ba avômalô bêḡ anôḡ êvhaviḡ Anyô Bêḡ Yisu. <sup>43</sup> Ma Pita hamô Jopa sonda doho haviḡ Saimon, ôpatu ba hapesanḡ nôḡmkama hathak alim kupik.

## 10

### *Konilias dalam Pita*

<sup>1</sup> Anyô Lom te hamô Sisalia ba anêḡ athêḡ nena Konilias. Yani ma anyô vovak laik te ba hayabiḡ ḡê vovak ôdôḡ te hatôm 100 takatu ba êmô Lom iniḡ ḡê vovak kapô ba elam i nena Nê Vovak Itali. <sup>2</sup> Yani ma anyô hêv lêlê ek esopa Wapômbêḡ

anêḡ lahaviḡ. Ba yani lôk vêḡi lôk nali ethak êmô Wapômbêḡ vibinḡ. Yani hathak hêv valuselenḡ bêḡ anôḡ hadêḡ Israeḡ iniḡ avômalô siv, ma wak nômbêḡ intu ma hathak hateḡ mek. <sup>3</sup> Wak te hatôm 3 kilok yaḡsiḡ ma hayê wêḡ te nena Wapômbêḡ anêḡ aḡela te halêm ma hanaḡ, “Konilias!”

<sup>4</sup> Ma Konilias hatitiḡ aḡela êḡ lôklokwanḡ ba hakô kambom ma hanaḡ, “Anyô Bêḡ, aisê?”

Ma aḡela hanaḡ, “Anêm mek nômbêḡ atu ba hotenḡ lôk wapôm takatu ba hôêv hadêḡ avômalô siv, lêk habitak hatôm da mavi hêk Wapômbêḡ ma. <sup>5</sup> Aêḡ ba nêm anyô doho ba ini Jopa ek neja anyô te anêḡ athêḡ nena Saimon, ma athêḡ yaḡ nena Pita ba nêlêm. <sup>6</sup> Ôpêḡ hamô haviḡ anêḡ wase Saimon, ôpatu ba hapesaḡ nômkama hathak alim kupik. Anêḡ unyak hamô habobo ḡḡwêk daḡ.”

<sup>7</sup> Aḡela hanaḡ abô takêḡ yôv ma hi. Êḡ ma Konilias dalam anêḡ anyô ku ju lôk anyô vovak te atu ba hêk lêlê ek esopa Wapômbêḡ. Ôpêḡ ma Konilias anêḡ anyô hamô haviḡ yani. <sup>8</sup> Ma Konilias hanaḡ abô takêḡ sapêḡ hadêḡ thêlô yôv, ma hêv i ba i Jopa.

### *Pita hayê wêḡ te*

<sup>9</sup> Haviyô hayaḡ anêḡ wاكلêvôḡ biḡ ma thêlô lêk ebobo nêyô malak bêḡ Jopa. Ma wakma êḡ iyom ma Pita hathak unyak vôv atu ba kalôḡ ek etenḡ mek. <sup>10</sup> Ma hama kisi ba lahaviḡ enjaḡ nôm. Ma doḡtom êpôpêk nôm denaḡ ba ma hatulak ma hayê wêḡ te aêntêk. <sup>11</sup> Leḡ abyanaḡ ma nômla hatôm sôp bêḡ te ba ibutiḡ anêḡ daḡ ayova loḡ ma êlêlô halôk ba halêm. <sup>12</sup> Sôp êḡ kapô ma alim lomalama hamô. Alim doho evenḡ hathak veniḡ lo baheniḡ ma vi



êyêyê hathak bôbônin ma vi ma menak lenjêvôn.  
<sup>13</sup> Ma abô te halêm hadên yani nena, “Pita, umbiyô. Nungwik ba nonqwan.”

<sup>14</sup> \*Ma Pita hanañ, “Anyô Bêñ, ya milôk. Nôm takên ma balabuñ hanañ nena lelaik ba miñ bôk yahañ ami.”

<sup>15</sup> \*Ma abô êñ hanañ hathak loñbô nena, “Nôm takatu ba Wapômbên hadum ba habitak mabuñ ma miñ onañ nena lelaik ami.”

<sup>16</sup> Nôm êñ habitak hatôm bôlôn lô ma kethen oyañ ma sôp lôk alim takên hathak lenj hathak loñbô ba hi.

<sup>17</sup> Ma Pita lahabi wên êñ anên ôdôn denañ ma nê takatu ba Konilias hêv i ba êlêm êyô. Thêlô êbôlêm Saimon anên unyak aleba êyô imin unyak abôlêk.  
<sup>18</sup> Ma elam nena Saimon atu ba elam nena Pita hamô mena mi e?

<sup>19</sup> Ma Pita lahabi wên atu denañ ma Lovak Mathen hanañ, “Ondañô, anyô lokwanlô êbôlêm o even. <sup>20</sup> Ba intu nu tamu pik. Ma miñ ôkô ek nu imbin thêlô ami. Mi, yahêv thêlô ba êlêm ba intu nu imbin i.”

<sup>21</sup> Ma Pita habup ma hanañ, “Ya ôpatu ba môlô ôbôlêm êñ êntêk. Môlô ôlêm eka?”

<sup>22</sup> Ma thêlô enañ, “Konilias hêv yêlô ba alêm. Yani ma Lom inin anyô vovak laik te. Yani ma anyô thêthôn ba hathak hamô Wapômbên vibin. Ma avômalô Israel takatu ba eyala yani êyê nena yani ma anyô mavi te. Ma anela mathen te hanañ hadên yani ek endam o ba nu anên unyak ek endañô abô takatu ba tem onañ.” <sup>23</sup> Pita halañô

---

\* **10:14:** Wkp 11:1-47; Ese 4:14      \* **10:15:** Mak 7:15,19

iniᅇ abô ma hanaᅇ ek ini nêmoᅇ unyak kapô imbiᅇ yaᅇi.

*Pita hayô Konilias anêᅇ unyak*

Lôkbôk ma Pita hi haviᅇ thêlô ma ᅇê êvhaviᅇ doho anêᅇ Jopa i haviᅇ. <sup>24</sup> Thêlô evenᅇ aleba êk loᅇondê, ma haviyô hayaᅇ ma i ba êyô Sisalia. Ma Konilias hêv ma ek thêlô. Ma halam anêᅇ avômalô lôk anêᅇ ᅇê môlô ba thêlô ethak doᅇtom êmoᅇ anêᅇ unyak kapô ba eyabiᅇ Pita. <sup>25</sup> Pita hayô unyak kapô ma Konilias halek vadôᅇ lêlô hamô valuvi ma habô yaᅇi. <sup>26</sup> \*Ma doᅇtom Pita hanaᅇ nena, “Umbyô, ya ma anyô pik hatôm o.”

<sup>27</sup> Ma Pita hanaᅇ abô haviᅇ yaᅇi ma hi unyak kapô ma hayê nena avômalô bêᅇ anôᅇ lêk ethak doᅇtom ba êmoᅇ. <sup>28</sup> Ma hanaᅇ hadêᅇ thêlô, “Môlô oyala nena Israeᅇ iniᅇ balabuᅇ hanaᅇ lôklokwaᅇ nena yêlô Israeᅇ miᅇ hatôm namô imbiᅇ avômalô loᅇ buyaᅇ ba nambitak nayô iniᅇ unyak kapô ami. Ma doᅇtom Wapômbêᅇ hik thô hadêᅇ ya nena miᅇ hatôm yandam anyô te nena lelaik mena kambom ami. <sup>29</sup> Ba intu ôêv anyô ba êlêm ek neja ya, ma miᅇ yahaᅇaᅇ abôla ami. Mi, yahalêm iyom. Aêᅇ ba hatôm onaᅇ anêm auk atu ba holam ya ba yahalêm hathak bêᅇ êndêᅇ ya mena mi e?”

<sup>30</sup> Ma Konilias hanaᅇ, “Wak ayova hale ba hi ma yahamô yenaᅇ unyak kapô ba yahateᅇ mek hadêᅇ wakma êntêk hatôm 3 kilok yaᅇsiᅇ. Êᅇ ma anyô te hamiᅇ yamaleᅇ ba anêᅇ kwêv lôk sôp ma thapuk anôᅇ oyaᅇ. <sup>31</sup> Ma hanaᅇ, ‘Konilias, Wapômbêᅇ lêk halaᅇô anêm mek lôk wapôm takatu ba hôêv

---

\* **10:26:** Ap 14:13-15; ALK 19:10

hadêḡ ḡê siv. <sup>32</sup> Aêḡ ba nêḡ abô ni Jopa ek Saimon atu ba elam nena Pita. Yani hamô haviḡ anêḡ wase Saimon ôpatu ba hapesaḡ nôḡkama hathak alim kupik. Anêḡ unyak hamô habobo ḡgwêk daḡ. <sup>33</sup> Aêḡ ba yahêv abô kethêḡ ek o, ma hudum nôḡ mavi ba lêk hôlêḡ yôv. Lêk yêlô sapêḡ athak doḡtom ba amô Wapôḡbêḡ ma ek nadaḡô abô takatu ba Anyô Bêḡ hanaḡ hadêḡ o ek onaḡ êndêḡ yêlô.”

### *Nê loḡ buyaḡ elañô Abô Mavi*

<sup>34</sup> \*Êḡ ma Pita hanaḡ abô hadêḡ thêlô nena, “Avanôḡ biḡ, lêk yahayala nena Wapôḡbêḡ hadum kobom doḡtom hadêḡ avôḡmalô lodôḡlodôḡ. Ma miḡ lamavi hathak ôdôḡ te iyom ami. <sup>35</sup> Mi, yani lamavi hathak avôḡmalô lodôḡlodôḡ sapêḡ atu ba elovak yani vibiḡ ba idum nôḡ takatu ba thêthôḡ. <sup>36</sup> Môlô oyala abô atu ba Wapôḡbêḡ hêv hadêḡ yêlô avôḡmalô Israêl. Abô êḡ hanaḡ hathak Abô Mavi atu ba hadum ek avôḡmalô nêḡmô yôḡhok imbiḡ yani hathak Yisu Kilisi anêḡ ku. Yani ma avôḡmalô sapêḡ iniḡ Anyô Bêḡ. <sup>37</sup> \*Ma môlô bôk oyala nôḡbêḡ atu ba habitak Israêl iniḡ loḡ yôv. Môḡ ma habitak anêḡ Galili ba Jon anyô hathik ḡaḡ hanaḡ ek avôḡmalô nisik ḡaḡ. <sup>38</sup> \*Lôk oyala nena Wapôḡbêḡ bôk hêv Lovak Matheḡ lôk lôkliḡyak bêḡ hadêḡ Yisu anêḡ Nasalet hatôm mek ek indum ku. Ma hi lomalak lomalak ma hadum mavi. Wapôḡbêḡ hamô haviḡ yani ba intu hadum avôḡmalô takatu ba êḡmô Sadaḡ anêḡ lôklokwaḡ vibiḡ ibitak mavi hathak loḡbô.

\* **10:34:** Lo 10:17; Lom 2:11

\* **10:37:** Mat 4:12-17

\* **10:38:**

Mat 3:16; Luk 4:17-21

39 “Ma yêlô aposel anañ hathak nô m takatu ba yêlô ayê yani hadum haven Jelusalem lôk Islael iniñ loñ sapêñ bêñ hadêñ avômalô. Thêlô ik yani hathak a ba hama, 40 ma donjom wak te lô ma Wapômbêñ hik yani liñ hathak loñbô ek injik i thô êndêñ avômalô. 41 \*Avômalô sapêñ miñ êyê yani ami. Mi, yêlô nê takatu ba bôk halam yôv ek nanañ nô m takêntêk bêñ intu añ lo anum havinñ yani hadêñ waklavôñ haviyô hathak loñbô. 42 \*Ma yani hanañ hadêñ yêlô ek yêlô nanañ anêñ Abô Mavi bêñ êndêñ avômalô lôk nanañ bêñ aêntêk, ‘Wapômbêñ bôk hatak yani yôv ek endañô avômalô lôkmala lôk nanañ iniñ abô.’ 43 \*Plopet bô sapêñ bôk enañ nena avômalô takatu ba êvhavinñ yani ma tem Wapômbêñ nê m iniñ kambom vê esak anêñ athêñ.”

44 \*Pita hanañ abô êñ denañ ma Lovak Mathen hayô hamô avômalô takatu ba elañô anêñ abô. 45-46 \*Ma Islael iniñ nê êvhavinñ takatu ba ivinñ Pita ba i, elañô thêlô enañ abô masôm lôk êbô Wapômbêñ anêñ athêñ. Ba intu eson kambom ba enañ nena, “Wapômbêñ hêv Lovak Mathen hadêñ avômalô loñ buyañ hatôm alalô.”

Êñ ma Pita hanañ, 47 “Thêlô ewa Lovak Mathen hatôm alalô nê Islael. Ma opalê hatôm iminñ thêlô loñ sin ek nisik nãñ?” 48 \*Êñ ma hanañ nena, “Môlô nusik nãñ esak Yisu Kilisi anêñ athêñ.” Nê takêñ ithik nãñ yôv ma enañ ek Pita êmô wak doho imbinñ thêlô.

---

\* 10:41: Luk 24:42-43; Ap 1:8 \* 10:42: Ap 17:31; 1Pi 4:5

\* 10:43: Ais 53:5-6; Jer 31:34; Ap 2:38 \* 10:44: Ap 11:15; 15:8

\* 10:45-46: Ap 2:4; 19:6 \* 10:48: Ap 19:5

# 11

## *Pita hanañ hathak ku takatu ba hadum haviñ avômalô loñ buyañ*

<sup>1</sup> Aposel lôk avômalô êvhaviñ takatu ba êmô Judia elañô nena avômalô loñ buyañ lêk ewa Wapômbêñ anêñ abô haviñ. <sup>2</sup> Vêma ma Pita havôhi Jerusalem hathak loñbô ma nê êvhaviñ takatu ba lôklokwan ek nengothe kupik, ethañ yani <sup>3</sup> \*ba enañ, “Hu nê loñ buyañ takatu ba miñ engothe kupik ami iniñ unyak ma hoan nôm haviñ i eka?”

<sup>4</sup> Êñ ma Pita hanañ hathak nômkama takatu ba habitak ba hanañ nena, <sup>5</sup> \* “Yahamô malak bêñ Jopa ba yahaten mek hamô, êñ ma yahatulak ma yahayê wêñ te aêntêk. Nômlate hatôm sôp bêñ te ba ibutiñ anêñ dañ ayova loñ ma êlêlô anêñ leñ halôk ba halêm habup ek ya. <sup>6</sup> Ma sôp êñ kapô ma yahayê alim pik lomaloma takatu ba evenñ hathak venñ lo bahenñ ma alim kamuñ kambom lôk alim vi atu ba êyêyê hathak bôbôññ ma menak lenlêvôn haviñ. <sup>7</sup> Êñ ma yahalañô abô te halam hadêñ ya nena, ‘Pita, umbiyô, nuñgwik ba nonñwan.’

<sup>8</sup> “Ma donñtom yahanañ, ‘Anyô Bêñ, ya milôk. Nôm takêñ ma balabuñ hanañ nena lelaik ba miñ bôk yahan dokte ami.’

<sup>9</sup> “Êñ ma abô anêñ leñ hanañ hathak loñbô nena, ‘Nôm takatu ba Wapômbêñ hadum ba habitak mabuñ, ma miñ onañ nena lelaik ami.’ <sup>10</sup> Abô êñ habitak hatôm bôlôn lô. Ma nôm takêñ hathak leñ hathak loñbô ba hi.

---

\* **11:3:** Ap 10:28; Gal 2:12      \* **11:5:** Ap 10:9-48

11 “Êñ ma kethen oyañ ma anyô lokwanlô êyô imiñ unyak atu ba yahamô. Thêlô ma anyô bêñ te anêñ Sisalia hêv i ba êlêm ek ya. 12 Ma Lovak Mathen hanañ hadêñ ya, ‘Nu umbiñ thêlô ma miñ ôkô ba lemluvi ami.’ Ma aiyañ bahenvi ba lahavute anêñ Jopa atu ba bôk i haviñ ya êntêk lêk êlêm. Ma yêlô lôkthô abitak ayô ôpêñ anêñ unyak kapô. 13 Ma ôpêñ hanañ nena yani hayê añela hayô anêñ unyak kapô ba hanañ, ‘Nêm anyô doho ba ini Jopa ek neja Saimon, anêñ athên yañ nena Pita ba êlêm. 14 \*Yani tem enañ abô êndên mômô. Ma hathak abô êñ ma Wapômbên tem nêm o lôk anêm avômalo bulubiñ.’

15 \*‘‘Aên ba yahadum ek yanañ abô êndên thêlô ma kethen oyañ ma Lovak Mathen halôk ba halêm hayô hamô thêlô hatôm sêbôk ba môñ anôñ ma hayô hamô alalô. 16 \*Êñ ma yalenhabi Anyô Bêñ anêñ abô atu ba bôk hanañ nena, ‘Jon hathik avômalo hathak ñañ, ma donjom Wapômbên tem isik esak Lovak Mathen.’ 17 Thêlô êvhaviñ Anyô Bêñ Yisu Kilisi hatôm alalô bôk aêvhaviñ yani. Êñ ma Wapômbên hêv anêñ Lovak Mathen hatôm wapôm hadên thêlô hatôm bôk ba hêv hadên alalô. Ba intu ya opalê ba hatôm yanğêk Wapômbên anêñ lahaviñ loñ siñ?’

18 \*Thêlô elañô abô êñ ma bônôn ba êbô Wapômbên anêñ athên ba enañ, ‘Intu êñ, avômalo takatu ba ele kapôlônin liliñ ma Wapômbên tem enja thêlô ba nêm lôkmala êndên i ma alalô Israêl lôk ñê loñ buyañ imbiñ.’

\* 11:14: Ap 16:31 \* 11:15: Ap 2:4 \* 11:16: Ap 1:5 \* 11:18: Ap 13:48; 14:27

### *Avômalô êvhaviņ anêņ Antiok*

19 \*Ma ik Stiven vônô ma êv malaiņ hadêņ avômalô êvhaviņ vi haviņ. Ba intu nê êvhaviņ bêņ anôņ anêņ Jelusalem êsôv ba i luvuluvu. Vi i Ponisia ma vi i ŋgavithôm Saiplus ma vi i Antiok. Ma enaņ Yisu anêņ Abô Mavi hadêņ avômalô Islael takatu ba êmô loņ takêņ iyom, ma nê loņ buyaņ ma mi. 20 Ma donġtom nê êvhaviņ doho anêņ Saiplus lo Sailini, i Antiok ma enaņ Anyô Bêņ Yisu anêņ Abô Mavi hadêņ avômalô Glik haviņ. 21 Ma Anyô Bêņ anêņ lôkliņyak hamô haviņ thêlô. Ba intu avômalô bêņ anôņ êvhaviņ ba ik kapôlôņiņ liliņ hadêņ Anyô Bêņ.

22 \*Êņ ma avômalô êvhaviņ anêņ Jelusalem elañô abô hathak nôġm takatu ba habitak Antiok ma êv Banabas ba hi loņ êņ. 23 Ma hi hayô ma hayê Wapômbêņ hêv anêņ wapôm hadêņ thêlô, ma yani lamavi. Ma hik thêlô sapêņ iniņ auk liņ ek nesopa Anyô Bêņ êņġek kapôlôņiņ êtôm wak nôġmbêņ intu sapêņ. 24 Banabas ma anyô mavi ba hêvhaviņ lôkliņyak. Ma Lovak Mathenġ hadum ku lôklokwaņ hamô yani kapô. Ma avômalô bêņ anôņ anêņ loņ êņ êvhaviņ Anyô Bêņ.

25 \*Vêġm ma Banabas hi Tasus ek êġbôlêġm Sol. 26 Hapôm yani ma hawa ba hi Antiok hathak loņbô ba thai êġmô hatôm sondabêņ te haviņ avômalô êvhaviņ anêņ Antiok ma êdôņ avômalô bêņ anôņ hathak Wapômbêņ anêņ abô. Antiok ma loņ môņ anôņ atu ba elam avômalô êvhaviņ nena Kilisi anêņ avômalô.

---

\* 11:19: Ap 8:1-4    \* 11:22: Ap 4:36    \* 11:25: Ap 9:30

27 Banabas lo Sol êmô Antiok denaŋ ma plopet doho etak Jelusalem ba i tamu Antiok. 28 \*Ma thêlô te, anêŋ athêŋ nena Agabas, hamiŋ ba hanaŋ hathak Lovak Matherŋ anêŋ lôklokwaŋ nena bôm bêŋ tem imbitak pik sapêŋ. (Hadêŋ waklavôŋ Klodias hamô hatôm Lom iniŋ kiŋ ma abô êŋ hik anôŋ.) 29 Aêŋ ba avômalô êvhaviŋ evak abô ek nênmêm valuseleni ni ek iviyaŋ takatu ba êmô Judia ek nênmêm thêlô sa. Nê êvhaviŋ tomtom êv valuseleni hatôm atu ba thêlô êpôm. 30 \*Thêlô isup yôv ma êv hadêŋ Banabas lo Sol ek nênmêm êndêŋ avaka takatu ba eyabiŋ avômalô êvhaviŋ anêŋ Jelusalem.

## 12

### *Helot hik Jems vônô ma hadô Pita hamô koladôŋ*

1 Waklavôŋ atu ba nônmêm takêŋ habitak ma Kiŋ Helot Aglipa havalonŋ avômalô êvhaviŋ doho ek nênmêm vovaŋ êndêŋ i imbiŋ. 2 Ma hanaŋ ba edabêŋ Jon anêŋ yaŋ Jems laselo kisi hathak biŋ vovak ba hama. 3 Ma hayê nena avômalô Israeŋ leniŋmavi hathak nônmêm êŋ, êŋ ma evalonŋ Pita haviŋ. Yani hadum nônmêm êŋ hadêŋ waklavôŋ Eyaŋ Polom Yis Mi. 4 Havalonŋ Pita, êŋ ma hadô hamô koladôŋ ma hatak yani halôk nê vovak ôdôŋ ayova baheniŋ. Nê vovak ôdôŋ ayova êŋ iniŋ nê vovak hatôm ayova ayova eyabiŋ yani. Helot lahabi nena waklavôŋ Hale ba Hi anêŋ danŋ, ma tem enja Pita ende yaŋi ba imiŋ avômalô maleniŋ ek enaŋ yani bêŋ.

5 Pita hamô koladôŋ ma avômalô êvhaviŋ etenŋ mek lôklokwaŋ ek Wapômbêŋ nênmêm yani sa.

---

\* 11:28: Ap 21:10      \* 11:30: Ap 12:25



<sup>6</sup> Ma bôlvôn te ma Pita hêk sôm hêk nê vovak lokwanju malêvôn. Ma ekak ban luvi hathak sen ju ba êthô hathak anyô vovak ju atu baheñ. Ma sôp bidon vi eyabin koladôn abôlêk. Helot bôk hanañ yôv nena biyamôn lôkbôk ma tem neja yani ende yain ek indum abô. <sup>7</sup> Ma kethen oyan ma deda bêñ habi halôk koladôn kapô ma Anyô Bêñ anên añela te hayô. Ma hapetav Pita baya vi ma hik lin ba hanañ, “Umbiyô kethen!” Ma sen ju atu hêv yak hêk Pita ban.

<sup>8</sup> Êñ ma añela hanañ hadên yani, “Umbuliv o sin esak anêm sôp ma nuñgwik anêm bokngôp.” Ma Pita hadum aên ma añela hanañ, “Nuñgwik anêm kwêv daim ba osopa ya.” <sup>9</sup> Êñ ma Pita hasopa añela ba thai i, ma donjom hason nena yani hayê wên ma miñ nôm avanôn ami. <sup>10</sup> \*Thai ele ba i ma êv nê eyabin koladôn abôlêk lokwanju atu liliñ ba ele ba i. Êñ ma thai i êyô badên abôlêk atu ba epesan hathak aen, ma badên abôlêk êñ da hakyav ma thai ele yain ba i malak bêñ. Ma esopa lonôndê te ba i. Ma kethen oyan ma añela hatak Pita ba hi.

<sup>11</sup> Yôv ma Pita anên auk hathak ba hanañ, “Lêk yahayala avanôn nena Anyô Bêñ hêv anên añela ba halêm hawa ya vê hêk Helot ban lôk nômkama sapên atu ba avômalô Israeñ eson nena tem nindum aên esak ya.”

<sup>12</sup> Yani lahabi abô êñ yôv ma hi Jon talêbô Malia anên unyak. Jon anên athên yan nena Mak. Avômalô bêñ anôn lêk ethak donjom ba eten mek êmô. <sup>13</sup> Ma Pita hapididiñ unyak abôlêk hamiñ viyain ma avi ku te ba anên athên nena Loda, hi

---

\* **12:10:** Ap 5:19

ek injik unyak abôlêk vê. <sup>14</sup> Ma donptom halanô Pita laselo katô, êñ ma lamavi anôn ba halanvin hi unyak kapô hathak lonbô ma min hik unyak abôlêk vê ami. Ma hanañ hadênñ thêlô, “Pita hamin unyak abôlêk!”

<sup>15</sup> Ma thêlô min êvhavin yani ami ba enañ, “O avi molo.” Ma donptom yani lôklokwan ba hanañ, “Mi anôn, yanida intu hamin.” Êñ ma enañ nena, “Betha Pita anên anela la.”

<sup>16</sup> Ma donptom Pita hapididin unyak abôlêk hamin denañ. Êñ ma thêlô ik unyak abôlêk vê ma êyê Pita ba eson kambom. <sup>17</sup> Ma Pita hik thô hathak ban nena thêlô bônôn ma hanañ hathak nôm takatu ba Anyô Bêñ hadum ba hawa yani vê hêk koladôn. Ma hanañ, “Nonañ abô êntêk êndênñ Jems lôk nê êvhavin vi imbin.” Ma hatak i ba hi buyañ.

<sup>18</sup>\* Haviyô hayañ ma nê vovak takatu ba eyabin koladôn êyê nena Pita min hamô ami. Êñ ma eboloba ba enañ mayaliv, “Pita hamô sê?” <sup>19</sup> Ma Helot hêv nê vovak ba i ek nêmbôlêm Pita, ma donptom min êpôm ami. Êñ ma hanañ hik nê takatu ba eyabin Pita hamô koladôn lin lôklokwan nena idum aisê? Ma donptom thêlô enañ nena injo. Êñ ma Helot hanañ ek nijik sapênñ vônô.

Vêm ma Helot hatak Judia ma halôk ba hi hamô Sisalia.

### *Kin Helot Aglipa hama*

<sup>20</sup> Ma Helot bôk lamanin hathak avômalô Taia lo Saidon. Ba hi hamô Sisalia, êñ ma thêlô evak

---

\* **12:18:** Ap 5:22-24

abô ek ini nepesaj abô imbiņ yani ek malê nena thêlô ethak ewa nô m halêm anêņ kiņ anêņ loņ. Ba intu thêlô enaj abô haviņ Blastas ôpatu ba hayabiņ Helot anêņ unyak kapô ma yani halôk ek nê m thêlô sa. Êņ ma hatak wakma te ek thêlô nepesaj abô imbiņ kiņ.

<sup>21</sup> Ma wakma êņ hayô ma Helot hik kiņ iniņ nô mkama kêkêlô ma hi hamô anêņ loņ kiņ. Êņ ma hanaņ abô hadêņ avômalô takêņ. <sup>22</sup> Ma elam aêntêk, “Abô êntêk ma miņ anyô leņselo ami. Mi, wapômbêņ te laselo.” <sup>23</sup> \*Ma Helot halaņô iniņ abô ba lamavi hathak i ma miņ habam Wapômbêņ anêņ athêņ ami. Ba intu kethêņ oyaņ ma Anyô Bêņ anêņ aņela hik yani ba matiņyak yaônena eyaņ yani ba hama.

<sup>24</sup> \*Malaiņ lomaloma hapôm avômalô êvhaviņ, ma doņtom Wapômbêņ anêņ abô halumbak ba halaņviņ ba hi luvuluvu.

<sup>25</sup> \*Ma Banabas lo Sol ik iniņ ku atu ba êv hadêņ thai daņ siņ halôk Jelusalem, ma ele i Antiok hathak loņbô. Ma ewa Jon atu ba elam nena Mak ba hi haviņ thai.

## 13

*Êv Banabas lo Sol ek ini nenaņ Wapômbêņ anêņ abô*

<sup>1</sup> Êntêk ma plopet lôk ñê êdôņ Wapômbêņ anêņ abô takatu ba êmô Antiok iniņ athêņ: Banabas lo Simeon elam nena Niga\* ma Lusius anêņ Sailini lo

---

\* **12:23:** Dan 5:20 \* **12:24:** Ais 55:11 \* **12:25:** Ap 11:29-30; 15:37 \* **13:1:** Niga anêņ ôdôņ nena ñê kupik loņgavu.

Sol ma Manain bôk ba thai lôk Kiñ Helot Antipas yaôna ma evenj haviñ i. <sup>2</sup> \*Wak te ma thêlô ethak donjom ba evak balabuñ nôm ek neteñ mek ma êv yeñ hadêñ Anyô Bêñ. Êñ ma Lovak Matheñ hanañ nena, “Notak Banabas lo Sol ek nindum ku takatu ba yahalam thai ek nindum.” <sup>3</sup> \*Êñ ma thêlô evak balabuñ ek netak nôm lôk neteñ mek esak loñbô. Vêm ma etak bahenñ hayô hêk thai ma êv thai ba i ek nindum ku takatu ba Lovak Matheñ hanañ.

*Banabas lo Sol i ngavithôm Saiplus*

<sup>4</sup> Ma Lovak Matheñ hêv thai ba i ibup tamu malak Selusia, ma ethak yeñ te ba i ngavithôm Saiplus. <sup>5</sup> \*Thai ethak malak Salamis ma enañ Wapômbêñ anêñ Abô Mavi hamô Israeł iniñ unyak yeñ takatu ba êmô loñ êñ. Ma Jon Mak havenj haviñ thai ek nêm thai sa.

<sup>6</sup> Thai evenj ngavithôm Saiplus anêñ lomalak nenana aleba êyô Papos. Loñ êñ ma thai êyê anyô Israeł te atu ba hathak hadum ngôk songoñ. Yani ma plopet abôyanj haviñ. Ba anêñ athêñ nena Ba-Yisu. <sup>7</sup> Yani hathak hamô haviñ Lom iniñ anyô bêñ atu ba hayabiñ loñ êñ, ba anêñ athêñ nena Segius Polus. Segius Polus ma anyô lôk auk mavi. Yani lahaviñ endanô Wapômbêñ anêñ abô ba intu halam Banabas lo Sol ba êlêm. <sup>8</sup> Ma donjom Ba-Yisu hadum ek esale thai iniñ abô thô ma lahaviñ injik Lom iniñ anyô bêñ anêñ auk liliñ ek miñ nêmbiñ thai iniñ abô ami. (Ba-Yisu anêñ athêñ hathak abô Glik nena Elimas ma anêñ ôdôn ma anyô lôk ngôk songoñ.) <sup>9</sup> Êñ ma Lovak Matheñ hava Sol

---

\* 13:2: Ap 9:15    \* 13:3: Ap 6:6    \* 13:5: Ap 12:12; 15:39

atu ba elam nena Pol kapô siņ, ma hatitiņ Elimas lôklokwaņ ma hanaņ nena, <sup>10</sup> “O ma Sadaņ anêņ nakaduņ ba intu hôpôlik hathak kobom takatu ba thêthôn! Kapôlôm hayô siņ hathak abôyaņ lôk kambom lomaloma sapêņ. Wak nômbêņ intu ma hothavuthiņ Anyô Bêņ anêņ abô thêthôn ba habitak hatôm abôyaņ. <sup>11</sup> \*Aêņ ba ondaņô! Anyô Bêņ anêņ baņ tem epetav o êndêņ êntêk. Ba malem tem pusip ba miņ hatôm nôņgô wak anêņ deda ami ma tem ômô aêņ dokte vêmam.”

Ma ketheņ oyaņ ma Elimas hayê nômlate hatôm buliv lôk momaņiniņ hava madaluk siņ. Ma yani havalonj nômkama yakyak ek êpôm anyô te ek em-balonj yani baņ ba endom yani ba ni. <sup>12</sup> Anyô bêņ Lom atu hayê nôm êņ ma hasonj kambom hathak Anyô Bêņ anêņ abô atu ba thai enaņ ma hêvhaviņ.

*Thai enaņ Abô Mavi hamô Antiok anêņ Pisidia*

<sup>13</sup>\*Ma Pol thêlô etak Papos ma ewa yeņ ba i Pega anêņ plovins Pampilia. Ma donjom Jon Mak hatak thêlô ba havôhi Jelusalem hathak loņbô. <sup>14</sup> Êņ ma etak Pega ma i Antiok anêņ Pisidia. Ma Sabat ma thêlô i êyô avômalô Islael iniņ unyak yeņ ma êlôk êmô. <sup>15</sup> Esam abô balabuņ lôk plopet iniņ abô yôv, êņ ma unyak yeņ iniņ nê bêņ êv abô hadêņ Pol thêlô ba enaņ, “Aiyaņ thêlô, unim abôla hamiņ ek nobatho avômalô iniņ kapôlôņiņ loņ, êņ ma nonaņ.”

<sup>16</sup> Ma Pol haviyô hamiņ ma hik thô hathak baņ ba hanaņ, “Môlô avômalô Islael lôk nê loņ buyaņ takatu ba ôêv yeņ hadêņ Wapômbêņ, nodanô

---

\* **13:11:** Ap 9:8      \* **13:13:** Ap 15:38

ya! <sup>17</sup> \*Sêbôk ma Islael iniņ Wapômbêņ halam alalôaniņ bumalô thêlô ba etak iniņ loņ ba i êmô Ijip ma habi anêņ wapôm sam hadêņ i ba ibitak lôkmaņgiņ. Ma havenņ yam ma halom thêlô vê hêk Ijip hathak anêņ lôklokwaņ bêņ. <sup>18</sup> \*Ma êmô loņ thiliv hatôm sondabêņ 40 ba idum kambom lomaloma, ma doņtom hayabiņ thêlô mavi. <sup>19</sup> \*Ma yani hêv avômalô Kenan ôdôņ bahenņvi ba lahavuju vê ma hêv iniņ pik hadêņ avômalô Islael ba evaloņ hatôm iniņ pik. <sup>20</sup> \*Nôm takêņ bôk habitak ba hale ba hi hatôm sondabêņ 450.

“Vêm ma Wapômbêņ hatak nê doho ek neyabiņ avômalô Islael. Ma hatak tomtom da iniņ waklavôņ neyabiņ endeba êyô plopet Samuel anêņ waklavôņ. <sup>21</sup> \*Vêm ma avômalô Islael enaņ hik Wapômbêņ liņ ek nêmi kiņ êndêņ thêlô ma Wapômbêņ hatak Sol ek imbitak kiņ. Yani ma Kis nakaduņ ba habitak anêņ Benjamin anêņ ôdôņ. Yani hayabiņ Islael hatôm sondabêņ 40. <sup>22</sup> \*Vêm ma Wapômbêņ hêv yani vê ma hatak Devit habitak thêlô iniņ kiņ. Ma hanaņ hathak Devit aêntêk, ‘Yahayê Jesi nakaduņ Devit kapô ma hatôm yada yakapôlôņ. Yani tem indum nômkama sapêņ êtôm yenaņ yalenņhaviņ.’

<sup>23</sup> \* “Ma Devit anêņ limi ma Wapômbêņ hêv Yisu ôpatu ba nêmi Islael bulubiņ hatôm bôk ba habutiņ abô haviņ i. <sup>24</sup> \*Yisu miņ bôk hadum anêņ ku

\* **13:17:** Kis 1:7; 6:6; 12:51      \* **13:18:** Nam 14:34; Lo 1:31-32

\* **13:19:** Lo 7:1; Jos 14:1      \* **13:20:** Het 2:16; 1Sml 3:20      \* **13:21:**

1Sml 8:5,19; 10:20-24      \* **13:22:** 1Sml 13:14; 16:12; Sng 89:20

\* **13:23:** 2Sml 7:12-16      \* **13:24:** Mat 3:1-2

ami denaᅇ ma Jon hananᅇ ek avômalô Israeᅇ nede kapôlônᅇᅇ liliᅇ ba nisik ᅇanᅇ. <sup>25</sup> \*Jon anêᅇ ku anêᅇ danᅇ lêk habobo ma hananᅇ, ‘Môlô lemimhabi aisê hathak ya? Ya ma miᅇ Mesia atu ba môlô oyabiᅇ ek nêᅇ môlô bulubiᅇ ami. Mi, yani tem embeᅇ ya yam. Yani ma anyô lôk athêᅇ ma ya ma yaônalôk ba intu miᅇ hatôm yakôm ba yapole anêᅇ vakapô bokᅇᅇᅇ anêᅇ yak vê ami.’

<sup>26</sup> “Aiyanᅇ thêlô, môlô takatu ba Ablaham anêᅇ limi lôk môlô takatu ba ᅇê loᅇ buyanᅇ ba ôᅇᅇ Wapômbêᅇ viᅇᅇ, odanᅇ. Abô takatu ba hathak bulubiᅇ, êᅇ ma Wapômbêᅇ hêv ek alalô sapêᅇ.

<sup>27</sup> Avômalô Jelusalem lôk iniᅇ ᅇê bêᅇbêᅇ miᅇ eyala Yisu êᅇ ami. Ba intu thêlô enanᅇ ek nijik yani vônô, êᅇ ma esopa ploᅇᅇ iniᅇ abô takatu ba esam hadêᅇ Sabat sapêᅇ ba abô takêᅇ intu hik anônᅇ. <sup>28</sup> \*Thêlô miᅇ êᅇᅇᅇ anêᅇ kambom la ek nijik yani vônô ami, ma donᅇᅇᅇ enanᅇ hik Pailat liᅇ ek injik yani vônô. <sup>29</sup> \*Thêlô idum nôᅇkama sapêᅇ hatôm bôk ba ploᅇᅇ eto hathak yani, êᅇ ma êv yani vê hêk alovalanᅇᅇᅇᅇ ma êdô yani hêk siô. <sup>30</sup> Ma donᅇᅇᅇ Wapômbêᅇ hik yani liᅇ haviyô hêk ᅇama hathak loᅇbô, <sup>31</sup> \*ma wak bêᅇ anônᅇ ma anêᅇ avômalô takatu ba bôk evenᅇ haviᅇ yani anêᅇ Galili ba i Jelusalem êyê yani. Ma ᅇê takatu ba bôk êyê nôᅇᅇ takêᅇ intu lêk enanᅇ bêᅇ hadêᅇ alalôaniᅇ avômalô.

<sup>32-33</sup> “Ma lêk yêlô ananᅇ Abô Mavi êntêk bêᅇ hadêᅇ môlô nena Wapômbêᅇ lêk hik Yisu liᅇ hêk ᅇama ba intu abô takatu ba Wapômbêᅇ bôk havak haviᅇ bumalô thêlô ma lêk hik anônᅇ hathak iniᅇ nali

\* **13:25:** Jon 1:20,27      \* **13:28:** Mat 27:22-23      \* **13:29:** Mat 27:59-60      \* **13:31:** Ap 1:3,8

alalô. Hatôm bôk eto hêk Kapya Yeŋ anêŋ abô ju nena,

“ ‘O ma yenaŋ Okna,

lêk yahabitak anêŋ Lemambô.’ *Kapya Yeŋ 2:7*

<sup>34</sup> “Wapômbêŋ hik yani liŋ hêk ŋama ba miŋ hatôm ema esak loŋbô ba kupik epalê ami. Hatôm bôk eto nena,

“ ‘Yahanaŋ avanôŋ biŋ nena tem yanêŋ mek mathen mavi êndêŋ môlô êtôm bôk ba yahabutiŋ ek yanêŋ êndêŋ Devit.’ *Aisaia 55:3*

<sup>35</sup> “Ma bôk ik auk êntêk thô hêk buyaŋ nena,

“ ‘Ma tem miŋ ôdô anêŋ Anyô Mathen anêŋ kupik ênjêk siô ba epalê ami.’ *Kapya Yeŋ 16:10*

<sup>36</sup> “Devit miŋ hato abô êŋ hathak yanida ami. Mi, Wapômbêŋ halam yani ek indum anêŋ ku êtôm anêŋ waklavôŋ atu ba hamô lôkmala vêm ma hama. Ma elav yani haviŋ limi ba anêŋ kupik hapalê. <sup>37</sup> Ma doŋtom ôpatu ba Wapômbêŋ hik liŋ, miŋ kupik hapalê ami.

<sup>38</sup> “Aêŋ ba aiaŋ thêlô, nodanô katô. Lêk yêlô anaŋ hadêŋ môlô nena hathak Yisu ma Wapômbêŋ tem nêŋ môlônim kambom vê. <sup>39</sup> \*Anyôla miŋ hatôm esopa Mose anêŋ abô balabuŋ lôkthô ek Wapômbêŋ endam yani nena anyô thêthôŋ ami. Mi anôŋ, ma doŋtom lêk avômalô takatu ba êvhaviŋ Yisu, Wapômbêŋ hayê thêlô nena ŋê thêthôŋ ba miŋ lahabi iniŋ kambom hathak loŋbô ami. <sup>40</sup> Noyabiŋ am ek abô takatu ba plopet bôk enaŋ miŋ injik anôŋ imiŋ môlô ami. Thêlô bôk enaŋ aêntêk,

<sup>41</sup> “ ‘Môlô ŋê obi Wapômbêŋ liliŋ, nodanô katô!

---

\* **13:39:** Lom 10:4



Tem yandum nômla bêñ te imbitak êñjêk môlô malêvôñ.

Ba anyôla hanañ nômlu atu ba tem imbitak bêñ hadêñ môlô,

ma tem miñ nôñêmimbiñ ami.

Ba intu tem indum môlô nosoñ kambom lôk yambuliñ môlô ba noma.’ ” *Habakuk 1:5*

<sup>42</sup> Pol hanañ abô yôv ma thai lôk Banabas idum ek nede yaiñ ma avômalô enañ nena, “Sabat yañ endake ma mamu nonañ abô esak nômlu takêntêk esak loñbô.” <sup>43</sup> Sa anêñ dañ ma avômalô Israêl lôk ñê loñ buyañ takatu ba ibitak êyô Israêl iniñ êvhaviñ kapô esopa Pol lo Banabas. Thai enañ abô doho haviñ hadêñ thêlô ek injik thêlôniñ auk liñ ek nesopa Wapômbêñ anêñ lahaviñ ba nimiñ lôklokwañ ek anêñ wapôm embatho thêlô loñ.

<sup>44</sup> Ma Sabat atu hayô ma habobo avômalô Antiok sapêñ êyô ek nedañô Wapômbêñ anêñ abô takatu ba thai tem nenañ. <sup>45</sup> Ma donjom ñê bêñbêñ Israêl vi êyê avômalô nômbêñ êñ ba leniñdañ ba enañ abôma hathak abô takatu ba Pol hanañ.

<sup>46</sup> \*Êñ ma Pol lo Banabas miñ êkô ami ma enañ hadêñ thêlô nena, “Wapômbêñ hêv yai ba alêm ek nanañ anêñ abô êndêñ môlô ñê Israêl êmôñ. Ma donjom môlô ôpôlik hathak abô êñ. Môlô ôdô lôkmala atu ba tem nêmlô êtôm wak nômbêñ intu sapêñ e? Aêñ ba yai lêk atak môlô ba a ek avômalô loñ buyañ. <sup>47</sup> Hatôm atu ba Anyô Bêñ hanañ hadêñ yai nena,

“ Yahatak o hatôm deda ek avômalô loñ buyañ

---

\* **13:46:** Ap 3:26; 18:6

ek onañ Abô Mavi esak bulubiñ atu ba tem yanêm êndêñ avômalô emben pik bêñ êntêk endeba êyô anêñ dan.' ” *Aisaia 49:6*

<sup>48</sup> Avômalô loñ buyañ elañô abô êñ ba leñiñmavi ba enañ nena Anyô Bêñ anêñ abô ma mavi anôñ. Ma avômalô takatu ba Wapômbêñ bôk hatak i yôv ek nêmo lôkmala êtom wak nômbêñ intu sapêñ, lôkthô êvhaviñ.

<sup>49</sup> Ma Anyô Bêñ anêñ abô halilup haven loñ êñ sapêñ. <sup>50</sup> Ma donjom nê Israe doho i hadêñ malak êñ anêñ nê bêñbêñ lôk avi bêñbêñ takatu ba ethak êmo Wapômbêñ vibin ma ik iniñ auk lin ek nimbulin Pol lo Banabas. Êñ ma thêlo evatho avômalô malak êñ loñ ek nênem vovan êndêñ thai. Idum aêñ vêm ma êv thai vê hêk iniñ loñ ba i. <sup>51</sup>\* Êñ ma thai ik vongovañ vê hêk veniñkapô ek injik thô nena thêlo idum kambom ma thai etak i ba i malak Aikoniam. <sup>52</sup> Ma donjom nê êvhaviñ anêñ Antiok leñiñmavi anôñ ba Lovak Mathen hava thêlo kapôlôñin sin.

## 14

### *Pol lo Banabas êmo Aikoniam*

<sup>1</sup> Pol lo Banabas êyô malak Aikoniam ma esopa iniñ kobom ba i Israe iniñ unyak yen. Ma thai enañ abô mavi anôñ ba intu avômalô Israe lôk nê loñ buyañ bêñ anôñ êvhaviñ. <sup>2</sup> Ma donjom nê Israe takatu ba miñ êvhaviñ ami ik avômalô loñ buyañ iniñ kapôlôñin lin ba idum thêlo leñiñmaniñ kambom hadêñ avômalô êvhaviñ. <sup>3</sup>\* Aêñ ba thai êmo loñ êñ sawa daim ma enañ Anyô Bêñ anêñ abô bêñ ma

\* **13:51:** Mat 10:14; Ap 18:6      \* **14:3:** Mak 16:20; Hib 2:4

kô mi. Ma Anyô Bêñ havatho thai loñ ek nindum lavôññj lôk nômbithi lomaloma. Hathak nôm êñ ma hik thô hadêñ avômalô nena anêñ wapôm takatu ba hêv ek nêñ avômalô bulubiñ ma avanôñ biñ. <sup>4</sup> Êñ ma avômalô malak êñ evak i vose hi ôdôñ ju. Ôdôñ yañ imiñ haviñ avômalô Israeñ takatu ba miñ êvhaviñ ami ma yañ imiñ haviñ aposel. <sup>5</sup> \*Vêñ ma avômalô loñ buyañ lôk avômalô Israeñ takatu ba êpôlik ek thai evak abô ek nimbuliñ thai ba nitu thai vônô esak valu. <sup>6</sup> Ma donñtom thai elañô abô êñ ma êsôv ba i malak Listla lo Debi hêk Likonia kapô lôk loñ vi atu ba hêk habobo loñ êñ. <sup>7</sup> Ma thai even loñ takêñ ba enañ Abô Mavi hadêñ avômalô.

*Pol lo Banabas êmô Listla*

<sup>8</sup> Malak Listla ma anyô vavuviñ te hamô. Sêbôk ba talêbô havathu yani ma miñ bôk havenñ dokte ami. <sup>9</sup> Wak te ma Pol hanañ Abô Mavi hadêñ avômalô ma yani halañô anêñ abô. Ma Pol hatitiñ yani ma hayê nena anêñ hêvhaviñ hatôm indum yani mavi. <sup>10</sup> Êñ ma Pol halam nena, “Umbiyô umiñ.” Ma kethenñ oyañ ma ôpêñ haviyô hamiñ ba havenñ.

<sup>11</sup> \*Ma avômalô takatu ba êmô loñ êñ êyê nôñ atu ba Pol hadum. Ma elam hathak iniñ abô Likonia nena, “Lêk wapômbêñ lokwanju êwê i hatôm anyô ju êntêk ba êlôk ba êlêm ek alalô!” <sup>12</sup> Thêlô iniñ wapômbêñ môñ ma Sus ba intu elam Banabas nena Sus. Ma elam Pol nena Helmes ek malê nena Helmes ma iniñ wapômbêñ atu ba hathak hanañ abô hamôñ. <sup>13</sup> Wapômbêñ Sus anêñ malakba hamô

---

\* **14:5:** Ap 14:19      \* **14:11:** Ap 28:6

malak bêṅ viyaiṅ. Ma anêṅ anyô habôk da lôk avômalô sapêṅ leṅiṅhaviṅ nêṅem da êndêṅ thai. Aêṅ ba Sus anêṅ anyô habôk da hawa bokmaṅkao malô doho lôk alokwaṅ vuak atu idu hathak yak ma ele malak bêṅ anêṅ badêṅ abôlêk ek nêṅem da êndêṅ thai.

<sup>14</sup> Ma doṅtom aposel Banabas lo Pol elaiṅ abô êṅ, ma ekakaviṅ iniṅ kwêv ma elaiṅviṅ ba i imiṅ avômalô nômbêṅ atu malêvôṅ ma elam, <sup>15</sup> \* “Avômalô Listla! Môlô udum aêṅ eka? Yai ma anyô pik hatôm môlô. Yai alêm ek nanaṅ Abô Mavi êndêṅ môlô ek notak nôṃ oyaṅ takêntêk atu ba ôêv yeṅ hadêṅ i ma unu êndêṅ Wapômbêṅ lôkmala. Yani hapesaṅ pik lo leṅ ma ṅgwêk lôk nôṃkama sapêṅ atu ba hamô kapô. <sup>16</sup> \*Sêbôk ma yani hatak avômalô sapêṅ ek nesopa thêlôda iniṅ auk. <sup>17</sup> \*Ma doṅtom hathak lavôṅiṅ ma yani hadum ek avômalô neyala yani. Yani hathak hadum mavi hadêṅ môlô ba hêv ôthôm lôk hadum ba unim nôṃ ku kapô hik anôṅ. Ma hêv nôṃ bêṅ anôṅ hadêṅ môlô lôk hadum ba môlô lemimmavi anôṅ.” <sup>18</sup> Thai enaṅ abô takêṅ, ma doṅtom avômalô nômbêṅ êṅ iniṅ auk ma mayaliv ba idum lôklokwaṅ ek nêṅem da êndêṅ thai.

<sup>19</sup> \*Vêṃ ma ṅê Israeḷ doho anêṅ Antiok lo Aikoniam êyô ma enaṅ abô bêṅ anôṅ hadêṅ avômalô Listla aleba ik iniṅ auk liliṅ ba êyê Pol lo Banabas nena ṅê kambom. Êṅ ma ik Pol hathak valu ma êvôv yani hale malak bêṅ viyaiṅ ba hi ba eson

---

\* **14:15:** Sng 146:6; Ap 10:26    \* **14:16:** Ap 17:30    \* **14:17:** Jer 5:24    \* **14:19:** Ap 17:13; 2Ko 11:25

nena l k hama y v. <sup>20</sup> Ma donjom n   vhavinj  y  ba ekalabu yani sinj,  nj ma yani haviy  ma hav hi malak b nj kap  hathak lonjb . Haviy  hayanj ma thai l k Banabas i malak Debi.

*Thai  v i Antiok an nj Silia*

<sup>21</sup> Thai enanj Ab  Mavi havenj malak b nj Debi. Ma idum ba av mal  b nj an nj ibitak n   vhavinj. V m ma  v i Listla l k Aikoniam ma Antiok hathak lonjb  <sup>22</sup> \*ek evatho n   vhavinj ini nj kap l nj nj lonj l k enanj nena nebalonj ini nj  vhavinj lonj l klokwanj. Ma enanj havinj nena, “Alal  tem naja malainj lomalama ek nasopa Wap mb nj an nj lonj l klinyak an nj lonj nd .” <sup>23</sup> Ma Pol lo Banabas etak avaka hat m lomalak lomalak ek neyabinj av mal   vhavinj.  v mek hathak th l  ma etak i hal k Any  B nj atu ba th l   vhavinj banj. V m ma th l  sap nj evak balabunj ek n m ma etanj mek ek Any  B nj embalonj th l  lonj.

<sup>24</sup> Ma thai i plovins Pampilia ma elom h k lonj nd  atu h k plovins Pisidia ba i  y  Pampilia. <sup>25</sup>  nj ma thai enanj Yisu an nj ab  had nj av mal  Pega an nj Pampilia. V m ma  l k ba i Atalia.

<sup>26</sup> \*Ma an nj Atalia ma ethak yenj ba i Antiok an nj Silia, lonj s b k atu ba ewa mek ek Wap mb nj n m an nj wap m  nd nj thai esak ku takatu ba idum aleba l k an nj danj. <sup>27</sup> \* y  Antiok ma isup av mal   vhavinj ethak donjom ma enanj hathak n m takatu ba Wap mb nj h v thai sa ba idum b nj. L k enanj nena, “Wap mb nj hakyav n  lonj buyanj ini nj unyak ab l k  vhavinj v  ba vi dedaun

\* **14:22:** Ap 15:32; 1Te 3:3      \* **14:26:** Ap 13:1-2      \* **14:27:** Ap 15:4,12

lêk êvhaviņ.”<sup>28</sup> Ma thai êmô loņ êņ sawa daim havin avômalô êvhaviņ.

## 15

### *Sam habitak Jerusalem*

<sup>1</sup> \*Ma nê Judia doho êlôk ba i Antiok ma êdôņ avômalô êvhaviņ ba enaņ nena, “Môlô miņ oņgothe kupik vê hatôm bôk ba Mose hanaņ ami, êņ ma Wapômbêņ tem miņ nê mômô bulubiņ ami.”<sup>2</sup> \*Pol lo Banabas elañô iniņ abô takatu ba enaņ ma miņ êlôk hathak iniņ auk êņ ami. Ba intu thêlô êkôki bêņ anôņ. Êņ ma nê êvhaviņ elam Pol lo Banabas lôk nê êvhaviņ doho ek ini Jerusalem ek nepesaņ abô êņ imbiņ aposel lôk avaka vi.<sup>3</sup> Ba intu êv i ba i. Ma even Pînisia lo Samalia malêvôn ba enaņ hadêņ avômalô êvhaviņ anêņ lomalak nenanena hathak nô m takatu ba Wapômbêņ bôk hadum ba avômalô loņ buyaņ ele kapôlôņiņ liliņ ba êvhaviņ Wapômbêņ. Ma avômalô êvhaviņ takêņ elañô abô êņ ma leņiņmavi anôņ.

<sup>4</sup> \*Êyô Jerusalem ma avômalô êvhaviņ lôk iniņ avaka doho lôk aposel ewa thêlô thô. Ma Pol lo Banabas enaņ hathak nô m takatu ba Wapômbêņ hêv thai sa ba idum bêņ.<sup>5</sup> Êņ ma Palisi vi atu ba êvhaviņ Yisu iviyô imiņ ma enaņ, “Avômalô loņ buyaņ takatu ba êvhaviņ, êņ ma nê mômô Mose anêņ abô balabuņ vibin lôk neņgothe anyô iniņ kupik vê. Ma êdô ma dô.”

<sup>6</sup> Aêņ ba aposel lôk avaka takatu ba êmô ethak doņtom ek nekaksa esak abô êņ.<sup>7</sup> \*Thêlô enaņ

---

\* **15:1:** Gal 5:2 \* **15:2:** Gal 2:1 \* **15:4:** Ap 14:27 \* **15:7:** Ap 10:1-43

abô pôk bêñ anôñ aleba Pita haviyô hamiñ ma hanañ, “Aiyañ thêlô, môlô oyala nena sêbôk ma Wapômbêñ halam ya hêk môlô malêvôn ek yanañ Abô Mavi êndêñ avômalô loñ buyañ ek nedañô ba nêñemimbiñ. <sup>8</sup> \*Wapômbêñ hayala avômalô kapôlônñiñ. Ma hêv anêñ Lovak Matheñ hadêñ avômalô loñ buyañ hatôm hêv hadêñ alalô ek hik thô nena yani lamavi ek enja thêlô imbiñ. <sup>9</sup> Wapômbêñ miñ hadum nômlate hadêñ alalô avômalô Israël ma hadum nômla yañ hadêñ thêlô ami. Mi, thêlô êvhaviñ yani ba intu yani havôkwiñ thêlô kapôlônñiñ. <sup>10</sup> \*Ma alalô lôk bumalô thêlô miñ hatôm naja malaiñ takatu ba Mose anêñ balabuñ hanañ ami. Ma aisê ka môlô udum ek nôñêm malaiñ êndêñ avômalô loñ buyañ takatu ba êvhaviñ? Môlô udum aêñ ek nômbi Wapômbêñ la liñ e? <sup>11</sup> \*Ma dorñtom alalô êvhaviñ nena Wapômbêñ hêv alalô bulubiñ hathak Anyô Bêñ Yisu anêñ wapôm. Ma thêlô aêñ iyom.”

<sup>12</sup> Pita hanañ yôv ma Pol lo Banabas iviyô enañ abô ma lôkthô elañô ba bônônñ iyom. Thai enañ abô hathak lavônñiñ lôk nômbithi lomaloma takatu ba Wapômbêñ hatak halôk thai baheññiñ ba idum haveñ avômalô loñ buyañ malêvônñ.

<sup>13</sup> \*Thai enañ yôv ma Jems hanañ, “Aiyañ thêlô, nodañô yenañ abô. <sup>14</sup> Saimon lêk hanañ hadêñ alalô yôv nena Wapômbêñ hik anêñ lahaviñ thô hathak hawa avômalô loñ buyañ vi ek nimbatak êtôm anêñ avômalô. <sup>15</sup> Ma plopet iniñ abô bôk enañ aêñ iyom. Ba te bôk hatô nena,

\* **15:8:** Ap 10:44; 11:15      \* **15:10:** Mat 11:30; Gal 3:10      \* **15:11:** Gal 2:16; Ep 2:5-8      \* **15:13:** Gal 2:9

16 “Embenj yam ma tem yandealetêm,  
ma yapesañ Devit anêñ loñ lôklinyak atu ba  
bôk hapu yôv ek imbitak lôklokwan esak  
loñbô.

Ma loñ lôklinyak êñ anêñ nômkama takatu ba bôk  
kambom,  
ma tem yapesañ lukmuk esak loñbô.

17 Ek avômalô takatu ba êmô denañ lôk avômalô  
loñ buyañ takatu ba bôk yahêv yenañ athêñ  
hadêñ i hatôm nêpôm Anyô Bêñ.

Ya Anyô Bêñ atu ba tem yandum nôm  
takêntêk, intu yahanañ aêñ.

18 Ma nôm takêñ intu bôk yahik thô hadêñ yenañ  
avômalô.’ *Amos 9:11-12*

19 “Aêñ ba yenañ auk ma aêntêk. Avômalô loñ  
buyañ takatu ba bôk ele kapôlôñiñ liliñ ba i hadêñ  
Wapômbêñ ma miñ nanêm malaiñ êndêñ i ami.

20 \*Mi, alalô nato kapy a êndêñ thêlô ma nanañ ek  
miñ nejan nôm takatu ba anyô êv hatôm da hadêñ  
ngôk dahô ami, nôm êñ intu lelaik hêk Wapômbêñ  
ma. Lôk netak sek waliliñ, ma miñ nejan alim  
takatu ba evak laselo siñ ba thalalen hamô kapô  
siñ lôk ninum thalalen ami. 21 Êñ ma hatôm. Ek  
malê nena sêbôk aleba lêk ma enañ Mose anêñ abô  
bêñ havenj lomalak lomalak lôk esam hamô Israe  
l iniñ unyak yeñ hadêñ Sabat sapêñ. Ba intu nê loñ  
buyañ hatôm neyala.”

*Eto kapy a hi ek nê êvhavin anêñ loñ buyañ*

22 Êñ ma aposel lôk avaka ma avômalô êvhavin  
sapêñ ibutiñ abô nena nendam iniñ anyô doho ek

---

\* 15:20: Kis 34:15-17; Wkp 17:10-16



ini Antiok imbiņ Pol lo Banabas. Ma elam iniņ anyô bêņ ju. Yaņ ma Judas, anêņ athêņ yaņ nena Balsabas, ma yaņ ma Silas. <sup>23</sup> Ma eto kapyā te ba êv hadêņ thêlô. Kapyā êņ hanaņ aêntêk.

Yêlô avaka lôk aposel, môlônim môlôviyaņ, yêlô ato kapyā êntêk hadêņ môlô avômalô loņ buyaņ takatu ba ôêvhaviņ ba ômô malak Antiok lôk plovins Silia lôk Silisia. Aiyaņ thêlô, waklêvôņ mavi.

<sup>24</sup> Yêlô alaņô yôv nena yêlôaniņ avômalô doho bôk êthôk ba ibuliņ môlônim auk ba êv malaiņ hadêņ môlô hathak abô takatu ba enaņ. Yêlô miņ êv i ba êthôk ami. Mi, thêlôda êthôk. <sup>25</sup> Ba intu yêlô alôk ek nanêm anyô doho ba nêsôk imbiņ Pol lo Banabas, thai atu ba yêlô leņiņhaviņ bêņ anôņ. <sup>26</sup> Thai bôk etak iniņ lôkmala ek nindum Yisu Kilisi anêņ ku.

<sup>27</sup> Aêņ ba yêlô êv Judas lo Silas ek nepesaņ abô ek embatho kapyā êntêk loņ. <sup>28</sup> \*Yêlô lôk Lovak Mathen adô nanêm malaiņ êndêņ môlô. Ba intu yêlô leņiņhaviņ môlô nosopa abô takêntêk iyom.

<sup>29</sup> Miņ oņgwaņ nôm takatu ba anyô êv hatôm da hadêņ ngôk dahô ami. Lôk miņ nunum thalaleņ ami ma miņ oņgwaņ alim takatu ba ekak leņselo siņ ba thalaleņ hamô kapô ami, lôk notak sek waliliņ. Môlô udum aêņ, ma mavi.

Waklêvôņ mavi môlô lôkthô.

<sup>30</sup> Eto kapyā êņ yôv ma êv hadêņ thêlô ba ewa ba i tamu Antiok. Êyô Antiok ma elam avômalô êvhaviņ ethak doņtom ma êv kapyā êņ hadêņ thêlô.

<sup>31</sup> Ma avômalô Antiok esam kapyā êņ, ma kapyā êņ

---

\* 15:28: Mat 23:4

havatho thêlô loŋ ba thêlô leniŋmavi anôŋ. <sup>32</sup> Judas lo Silas, thai ma plopet. Ba enaŋ abô bêŋ anôŋ ek evatho nê êvhaviŋ loŋ lôk idum thêlô nimbatak lôklokwaŋ. <sup>33-34</sup> Êmô loŋ êŋ wak doho vêm ma avômalô êvhaviŋ anêŋ loŋ êŋ êv mek labali hadêŋ thai ma êv thai ba êvôi hadêŋ nê taksêbôk ba êv thai ba êlêm.\* <sup>35</sup> Ma doŋtom Pol lo Banabas êmô Antiok ma idum ku haviŋ avômalô bêŋ anôŋ ek enaŋ lo êdôŋ avômalô hathak Anyô Bêŋ anêŋ abô.

### *Pol lo Banabas evak i vose*

<sup>36</sup> Wak doho hale ba hi ma Pol hanaŋ hadêŋ Banabas, “Alai ana ek nagê avômalô êvhaviŋ emben malak nenanena taksêbôk ba alai anaŋ Anyô Bêŋ anêŋ abô hadêŋ i. Ma nagê nena thêlô êmô mavi mena mi e?” <sup>37</sup>\* Ma Banabas lahaviŋ enja Jon atu ba elam nena Mak imbiŋ thai, <sup>38</sup>\* ma doŋtom Pol hanaŋ nena, “Ôpêŋ bôk hatak alai halôk plovins Pampilia ma miŋ haviŋ alai ba hadum ku ami. Ba intu dô.” <sup>39</sup> Thai êkôki mathalalen aleba thai evaki vose. Ba Banabas hawa Mak haviŋ yani ba thai ethak yeŋ ba i ŋgavithôm Saiplus. <sup>40</sup> Ma Pol hawa Silas haviŋ yani. Êŋ ma avômalô êvhaviŋ anêŋ Antiok êv mek ek Wapômbêŋ anêŋ wapôm êmô imbiŋ thai. Vêm ma etak i <sup>41</sup> ba i plovins Silia lôk Silisia iniŋ malak nenanena ba evatho avômalô êvhaviŋ loŋ.

---

\* **15:33-34:** Nê lôkauk vi enaŋ nena abô doho atu ba Luk hato ma hêk denaŋ. Abô êŋ ma aêntêk: Ma doŋtom Silas hik auk liliŋ ba hamô Antiok ba miŋ havôhi ami. \* **15:37:** Ap 12:12,25

\* **15:38:** Ap 13:13; Kol 4:10

# 16

## *Timoti hi haviņ Pol lo Silas*

<sup>1</sup> \*Pol hi hayô Debi lo Listla. Loņ êņ ma anyô hêvhaviņ te hamô ba anêņ athêņ nena Timoti. Talêbô ma avi Islael te atu ba hêvhaviņ. Ma lambô ma anyô Glik te. <sup>2</sup> \*Ma avômalô êvhaviņ anêņ Listla lo Aikoniam enaņ nena Timoti ma anyô mavi. <sup>3</sup> Aêņ ba Pol lahaviņ ôpêņ ni imbiņ yani. Ma donțom lahabi nena avômalô Islael takatu ba êmô loņ êņ eyala nena Timoti anêņ lambô ma anyô Glik te. Ba intu hawa Timoti ba hi ek neņgothe anêņ kupik vê. <sup>4</sup> \*Ma thêlô even ba i lomalak lomalak ma enaņ abô takatu ba aposel lôk avaka bôk evak anêņ Jelusalem ek avômalô nesopa. <sup>5</sup> Aêņ ba avômalô êvhaviņ ibitak lôklokwaņ hathak iniņ êvhaviņ ba wak nômbêņ intu ma êvôv avômalô lukmuk êyô ba ilumbak hi ba hi.

## *Pol hatulak ma hayê wêņ hathak anyô Masedonia te*

<sup>6</sup> \*Ma Lovak Matheņ miņ halôk ek Pol thêlô ini nenaņ Wapômbêņ anêņ abô embeņ plovins Esia ami. Ba intu i Plijia lo Galesia iniņ malak nena-nena. <sup>7</sup> Ma êyô pik Misia anêņ daņ ma idum ek ini plovins Bitinia, ma donțom Yisu anêņ Lovak Matheņ miņ halôk ek ini loņ êņ ami. <sup>8</sup> Ba intu thêlô êv Misia liliņ ma i tamu Tloas. <sup>9</sup> Ma bôlôvôņ ma Pol hatulak ma hayê wêņ te nena anyô plovins Masedonia te hamiņ ma hapetenak nena, “Ôlêm Masedonia ek nêm yêlô sa.” <sup>10</sup> Pol hayê wêņ êņ yôv

\* **16:1:** Ap 14:6; 2Ti 1:5      \* **16:2:** Plp 2:19-22      \* **16:4:** Ap 15:23-29      \* **16:6:** Ap 18:23

ma yêlô apesañ i kethen ek ana Masedonia. Yêlô ayala nena Wapômbênê halam yêlô ek ana nanan Abô Mavi ên bêñ êndênê thêlô.

*Lidia halanô Pol anên abô ba hêvhavinj Yisu*

<sup>11</sup> Vêm ma yêlô athak yenj te hêk Tloas ba a nôñnôñ hadên ngavithôm Samotles ma wak yanj ma a Niapolis. <sup>12</sup> Vêm ma yêlô a Pilipai. Malak êñ ma Masedonia iniñ malak bêñ ma avômalô Lom takatu ba eyabinj pik takên ethak êmô loñ êñ. Ma yêlô amô wak doho hamô loñ êñ.

<sup>13</sup> Ma Sabat hayô ma yêlô ale malak bêñ anên badên abôlêk ba a ñañ te hêk viyaiñ. Yêlô leñññhabi nena loñ etenj mek hêk habobo ñañ êñ la. Ma ñañ êñ ma yêlô ayê avi doho ethak donjom ba êmô. Êñ ma yêlô alôk amô havinj thêlô ma anañ abô hadên i. <sup>14</sup> Ma avi Taiataila te halanô abô êñ, ba anên athên nena Lidia. Avi êñ hadum ku valu hathak sôp thalalenj ek avômalô êv vuli ma hathak hêv yenj hadên Wapômbênê. Anyô Bêñ hik avi êñ anên kapô lilin ek halanô Pol anên abô ba hêvhavinj. <sup>15</sup> Vêm ma yani lôk avômalô takatu ba êmô anên unyak sapên ithik ñañ. Êñ ma yani hanan hadên yêlô, “Môlô lêk ôyé ya hatôm avi yahêvhavinj Anyô Bêñ, êñ ma nôlêm nômô yenanj unyak.” Ma yani hanjasi yêlô aleba yêlô a anên unyak.

*Etak Pol lo Silas halôk koladôn*

<sup>16</sup> Wak te ma yêlô a loñ netenj mek ma avi te atu ba anên alañsi êmô hapôm yêlô. Yani ma avi lôk ngôk ba anên ngôk hathak hêv yani sa ek hayala nôm takatu ba tem imbitak embenj yam ba hanan bêñ. Yani hathak havôv valu bêñ hathak anên

ku êᶇ ba hêv hadêᶇ anêᶇ alaᶇsi. <sup>17</sup> \*Yani hasopa yêlô lôk Pol ma halam kaêk lôbôlôn aêntêk, “Nê êntêk êᶇ ma Wapômbêᶇ Leᶇ Anôᶇ Biᶇ anêᶇ nê ku. Ba lêk enaᶇ hathak malêla takatu ma nundum ek Wapômbêᶇ nêᶇ mômô bulubiᶇ.” <sup>18</sup> Wak bêᶇ anôᶇ ma yani hathak halam aêᶇ aleba habuliᶇ Pol kapô kambom anôᶇ. Ba intu hik i liliᶇ ma hanaᶇ hadêᶇ ᶇgôk êᶇ nena, “Hathak Yisu Kilisi anêᶇ athêᶇ ma yanaᶇ êndêᶇ o nena otak avi intu ba nu!” Ma kethêᶇ oyaᶇ ma ᶇgôk êᶇ hatak avi êᶇ.

<sup>19</sup> Ma avi êᶇ anêᶇ alaᶇsi êyê nena iniᶇ loᶇôndê nêbôv valuseleᶇ lêk mi, êᶇ ma evaloᶇ Pol lo Silas ba êvôv thai ba i malak lôᶇ êᶇ anêᶇ loᶇ ethak doᶇtom halôk ek nimiᶇ nê idum abô hathak maleᶇiᶇ. <sup>20-21</sup> \*Ewa thai ba êyô ek nê takatu ba idum abô hathak ba enaᶇ, “Anyô ju êntêk ma nê Israel. Thai enaᶇ ek avômalô nesopa kobom takatu ba kambom ek alalô avômalô Lom. Ba intu ibi avômalô malak bêᶇ êntêk leᶇiᶇ liᶇ ba leᶇiᶇᶇaᶇa mayaliv.”

<sup>22</sup> \*Ma avômalô bêᶇ anôᶇ enaᶇ abô lôk leᶇiᶇmaniᶇ hathak thai haviᶇ. Êᶇ ma nê takatu ba idum abô hathak enaᶇ ek nimbi iniᶇ kwêv thô ma nebali thai esak yak wabeᶇ. <sup>23</sup> Evali thai kambom anôᶇ vêᶇ ma ibi thai halôk koladôᶇ kapô. Ma enaᶇ hadêᶇ ôpatu ba hayabiᶇ koladôᶇ nena eyabiᶇ thai dedaᶇ mavi. <sup>24</sup> Ôpêᶇ halaᶇô abô êᶇ, ma hawa thai ba halôk ba hi hadô hamô tamu koladôᶇ kapô ali atu ba hêk vibinᶇ anôᶇ ma eson veᶇiᶇ halôk alokwaᶇ abyanaᶇ ba hadahaliᶇ veᶇiᶇ loᶇ.

<sup>25</sup> Ma bôlôvôᶇ biᶇ ma Pol lo Silas eteᶇ mek

---

\* **16:17:** Mak 1:24 \* **16:20-21:** Mak 13:9 \* **16:22:** 2Ko 11:25; 1Te 2:2

ba êv yeŋ hadêŋ Wapômbêŋ, ma nê koladôŋ vi elanô. <sup>26</sup> Ma kethen oyaŋ ma duviaŋ bêŋ te hayô ba hayôkwiŋ koladôŋ anêŋ landiŋ. Ma koladôŋ abôlêk sapêŋ hakyav ma seŋ takatu ba ibutiŋ thêlô veŋiŋ lo baheniŋ sapêŋ hêv yak. <sup>27</sup> \*Ma ôpatu ba hayabiŋ koladôŋ haviyô ma hayê koladôŋ anêŋ abôlêk sapêŋ lêk abyaŋ. Ma lahabi nena nê koladôŋ sapêŋ lêk êsôv ba i, ba intu hadadi anêŋ biŋ vovak ek embatho yanida vônô esak. <sup>28</sup> Ma donjom Pol halam lôklokwaŋ, “Miŋ ômbi o vônô ami! Yêlô sapêŋ êntêk amô!”

<sup>29</sup> Êŋ ma ôpêŋ halam ek neja atum êlêm ma halanviŋ ba hi koladôŋ kapô, ma hakô ba halowaliŋ ba hêv yak halôk Pol lo Silas maleŋiŋ. <sup>30</sup> \*Vêm ma hawa thai ba hi yaŋi ma hanan, “Anyô bêŋ luvi, yandum malê ek yanja bulubiŋ?”

<sup>31</sup> Ma thai enaŋ viyaŋ, “Ônêmimbiŋ Anyô Bêŋ Yisu ma tem Wapômbêŋ nêŋ o lôk anêŋ avômalô bulubiŋ.” <sup>32</sup> Êŋ ma thai enaŋ Anyô Bêŋ anêŋ abô hadêŋ yani lôk avômalô takatu ba êmô anêŋ unyak kapô. <sup>33</sup> Bôlôvôŋ denaŋ ma yani hawa thai ba hi hathik iniŋ palê. Vêm ma Pol lo Silas ithik ôpêŋ lôk anêŋ avômalô sapêŋ. <sup>34</sup> Ma yani hawa thai ba hi anêŋ unyak ma hêv nôŋ hadêŋ thai. Yani lôk anêŋ avômalô sapêŋ leŋiŋmavi anôŋ ek lêk êvhaviŋ Wapômbêŋ.

<sup>35</sup> Haviyô hayaŋ lôkbôk ma nê takatu ba idum abô hathak êv iniŋ sôp bidon ba i hadêŋ ôpatu ba hayabiŋ koladôŋ ma enaŋ nena, “Otak anyô ju intu ba ini.” <sup>36</sup> Ma ôpatu ba hayabiŋ koladôŋ hi hanan

\* **16:27:** Ap 12:18-19      \* **16:30:** Ap 2:37

hadêḡ Pol nena, “Nê takatu ba idum abô hathak enaḡ nena mamu lôk Silas notak koladôḡ ba unu. Ba intu unu lôk kapôlômim labali.”

<sup>37</sup> Ma donḡtom Pol hanaḡ hadêḡ sôḡ bidonḡ takêḡ nena, “Yai ma ḡê Israeḡ ma Lom haviḡ.\* Ma donḡtom ik yai oyaḡ ma miḡ enaḡ yaianiḡ kambom bêḡ ami. Ma ibi yai halôk koladôḡ kapô. Ma Lom iniḡ balabuḡ hanaḡ nena miḡ hatôm nindum aêḡ êndêḡ ḡê Lom ami. Ma lêk ekopak ba idum ek netak yai menaḡna ba ana e? Mi anôḡ! Thêlôda nêlêm ma neja yai vê êḡjêk koladôḡ.”

<sup>38</sup> Ma sôḡ bidonḡ ewa abô êḡ ba i enaḡ hadêḡ ḡê takatu ba idum abô hathak. Ma elanô nena thai ma ḡê Lom haviḡ, êḡ ma thêlô êkô kambom.

<sup>39</sup> Ma thêlô i ma ibui hadêḡ Pol lo Silas ma ewa thai ele yaiḡ. Ma enaḡ nena, “Hatôm mamu notak loḡ êntêk ba unu e?” <sup>40</sup> Êḡ ma thai etak koladôḡ ma ele yaiḡ ma i Lidia anêḡ unyak. Ma êyê avômalô êvhaviḡ ma enaḡ abô doho ek embatho iniḡ kapôlônḡ loḡ. Vêm ma etak i ba i.

## 17

### *Pol lo Silas êmô Tesalonaika*

<sup>1</sup> Pol lo Silas êv malak Ampipolis lo Apolonia liliḡ ma i thêthô ba êyô Tesalonaika. Ma Israeḡ iniḡ unyak yeḡ te hamô loḡ êḡ. <sup>2</sup> Sabat te lô ma Pol hasopa anêḡ kobom ba habitak hayô unyak yeḡ

---

\* **16:37:** Abô êḡ anêḡ ôdônḡ hathak Abô Inglis nena ‘Citizenship’. Pol hawa thai lôk Silas sa ba hanaḡ nena thai ma Israeḡ citizen lôk Lom citizen haviḡ. Lom iniḡ abô majanḡ te nena miḡ hatôm nijik Lom iniḡ citizen te oyaḡ ami. Ba intu ḡê bêḡ idum abô hathak ibuliḡ Lom iniḡ abô majanḡ. Nôḡḡ abô êḡ vi hêk Aposel 22:25-29.

êḡ kapô. Ma hadôḡ avômalô hathak Wapômbêḡ anêḡ kapya. <sup>3</sup>Ma hik thô nena kapya êḡ ma hanan nena Mesia tem enja vovanḡ ba ema ma imbiyô esak loḡbô. Êḡ ma Pol hik thô nena, “Yisu atu ba yahananḡ hadêḡ môlô, ôpêḡ intu Mesia êḡ.” <sup>4</sup>Ma avômalô Israeḡ doho lôk avômalô Glik bêḡ anôḡ atu ba êmô Wapômbêḡ vibinḡ lôk avi lôk athêḡ bêḡ doho elanô ma êvhavinḡ ba i ivinḡ Pol lo Silas.

<sup>5</sup>Ma donḡtom avômalô Israeḡ leninḡdanḡ ba ewa ḡê kambom doho anêḡ loḡ ethak donḡtom halôk ba isup avômalô bêḡ anôḡ ethak donḡtom ek nijik avômalô malak êḡ ininḡ kapôlônḡinḡ linḡ. Ma thêlô elanvinḡ ba i Jeson anêḡ unyak ek nêmbôlêm Pol lo Silas ek nebalonḡ thai ba neja ende yainḡ ba ini nênem êndêḡ avômalô nômbêḡ atu. <sup>6</sup>Ma donḡtom minḡ êpôm thai ami, êḡ ma êvôv Jeson lôk ḡê êvhavinḡ doho ba ewa i hi hadêḡ ḡê bêḡbêḡ loḡ êḡ malenḡinḡ ma elam aêntêk, “ḡê êntêk êḡ idum nôḡm kambom havenḡ pik lôkthô aleba lêk êyô loḡ êntêk. <sup>7</sup>\*Ma Jeson hawa thêlô thô ba hadô i hamô anêḡ unyak. ḡê takêḡ êdô nêḡmô Lom ininḡ Kinḡ Sisa anêḡ abô majanḡ vibinḡ ba enanḡ nena, ‘Kinḡ yanḡ hamô ba anêḡ athêḡ nena Yisu.’ ” <sup>8</sup>ḡê bêḡbêḡ lôk avômalô nômbêḡ atu elanô abô êḡ ma esonḡ kambom ba kapôlônḡinḡ halinḡ i kambom. <sup>9</sup>Yôv ma malak êḡ anêḡ ḡê bêḡbêḡ enanḡ hadêḡ Jeson thêlô nena, “Nônêḡm valuselenḡ ek injik thô nena tem minḡ nundum kambom êḡ esak loḡbô ami. Ba ômô tininḡ, ma tem noja unim valu esak loḡbô.” Êḡ ma êv valu ma etak i ba i.

*Avômalô Belia bêḡ anôḡ êvhavinḡ Yisu*

---

\* **17:7:** Luk 23:2; Jon 19:12



10 Bôlôvônê êñ iyom ma nê êvhaviñ êv Pol lo Silas vê hêk Tesalonaika ba i Belia. Êyô Belia ma i Israel iniñ unyak yeñ. 11 Avômalô Belia iniñ kobom ma mavi anônê ek avômalô Tesalonaika iniñ. Thêlô elañô Pol lo Silas iniñ abô lôk kapôlônêñ mavi ba wak nômbêñ intu ma êyê Wapômbêñ anêñ kapya ek nêgê nena iniñ abô ma avanônê mena mi. 12 Êñ ma avômalô Israel bêñ anônê êvhaviñ ma avi Glik lôk athêñ bêñ doho lôk anyô Glik bêñ anônê êvhaviñ aêñ iyom.

13 Vêm ma avômalô Israel anêñ Tesalonaika elañô nena Pol hanañ Wapômbêñ anêñ abô hadêñ avômalô Belia. Êñ ma thêlô i loñ êñ ma elela iniñ auk ek thêlô lenjñmaniñ. 14 Kethêñ oyañ ma nê êvhaviñ anêñ Belia êv Pol ba hi ngwêk dan, ma Silas lo Timoti iyom êmô Belia. 15 Ma nê takatu ba elom Pol ba i ma iviñ yani ba i Atens. Ma etak Pol ek nêbôni, ma hêv abô hadêñ i ek nenañ êndêñ Silas lo Timoti nena ini kethêñ.

### *Pol hamô Atens*

16 Pol hayabiñ thai hamô Atens ma hayê nena nê lôñ êñ iniñ ngôk dahô bêñ anônê êmô ba kapô malaiñ kambom. 17 \*Aêñ ba yani hi avômalô Israel iniñ unyak yeñ kapô ma hanañ abô haviñ avômalô Israel lôk avômalô loñ buyañ takatu ba êmô Wapômbêñ vibij. Ma wak nômbêñ intu ma yani hathak hi loñ ethak donjom halôk ek enañ abô imbiñ avômalô takatu ba êmô loñ êñ. 18 Ma nê lôkaur ôdônê ju êmô, yañ iniñ athêñ nena Epikulian ma yañ ma Stoik. Thêlô elañô Pol hanañ Abô Mavi

---

\* 17:17: Ap 18:19

hathak Yisu lôk anêḡ haviyô hathak loṅbô. Ba intu thêlô lôk Pol êkôki. Ma vi enaḡ, “Anyô abô mayaliv êntêk hadum ek enaḡ malê?” Ma vi enaḡ, “Yani hanaḡ hathak wapômbêḡ masôm doho.” <sup>19</sup> Yôv ma thêlô ewa Pol ba i êdô hamô Aliopagas, loṅ atu ba avômalô ethak doṅtom ek enaḡ abô hathak auk lomaloma anêḡ ôdôḡ. Ma thêlô enaḡ, “Yêlô leṅḡhaviḡ nayala auk lukmuk takatu ba honaḡ hadêḡ avômalô. <sup>20</sup> Abô takatu ba honaḡ ma hatôm abô masôm ek yêlô. Aêḡ ba yêlô leṅḡhaviḡ nayala anêḡ ôdôḡ.” <sup>21</sup> Wak nômbêḡ intu ma avômalô Atens lôk avômalô loṅ buyaḡ takatu ba êmô Atens ethak doṅtom ek nedaḡô abô esak auk lukmuk takatu ba hayô ek nenaḡ abô pôk esak. Ma miḡ idum nômla yaḡ haviḡ ami. Ba intu leṅḡhaviḡ nedaḡô Pol anêḡ abô.

<sup>22-23</sup> Êḡ ma Pol haviyô hamiḡ Aliopagas malaḡḡ ma hanaḡ, “Môlô ḡê Atens, lêk yahaveḡ môlônim loṅ ba yahayê nôḡ takatu ba môlô ôêv yeḡ hadêḡ. Ma yahapôm loṅ êbôk da te ba abô te hanaḡ nena, ‘Loṅ êntêk ma wapômbêḡ te atu ba yêlô athôḡ paliḡ anêḡ loṅ êbôk da.’ Ba intu yahayala nena môlô udum nôḡ lomaloma ek ôêv athêḡ bêḡ hadêḡ unim wapômbêḡ lomaloma. Ma wapômbêḡ atu ba môlô ôthôḡ paliḡ ba ôêv yeḡ hathak, êntêk tem yanaḡ bêḡ êndêḡ môlô.

<sup>24</sup> \* “Wapômbêḡ atu ba hapesaḡ pik lôk anêḡ nôḡkama sapêḡ, ma yani ma pik lo leḡ iniḡ alaḡ. Ma miḡ hamô unyak matheḡ atu ba elav hathak baheḡḡ ami. <sup>25</sup> \*Yanida hêv lovak kapôlôḡḡḡ lôk lôkmala ma nôḡkama sapêḡ hadêḡ avômalô

\* **17:24:** 1Kin 8:27; Ap 7:48      \* **17:25:** Sng 50:12; Ais 42:5

lôkthô. Ma yani miñ hêv yak hathak nômlate ek anyôla nêmi yani sa ami, ma mi. <sup>26</sup> Hathak anyô doñtom iyom ma yani habi avômalô lodôñlodôñ sapêñ vê ek nêmi pik bêñ êntêk sapêñ. Yanida hatak iniñ waklavôñ lôk iniñ loñ takatu ba nêmi. <sup>27</sup>\*Wapômbêñ hadum nômi takêñ ek avômalô sapêñ nêgê ba nêmbôlêmi yani atu ba êthôñ. Ma doñtom miñ hamô daim ek alalô tomtom ami.

<sup>28</sup> “Mi, hatôm anyô lôkauk te bôk hatô nena, ‘Yani habibôm hayô hêk alalô vôv ba awa lôkmala lôk aven ma lôkmala anêñ ôdôñ ma halêmi anêñ yani iyom.’ Ma unim nê lôkauk te bôk hatô nena, ‘Alalô ma yani anêñ nali.’

<sup>29</sup>\* “Avanôñ biñ nena alalô ma Wapômbêñ anêñ nali ba intu miñ mavi ek leññimbi nena yani ma hatôm dahô takatu ba epesañ hathak gol lo seleva ma valu ami. Mi, dahô takêñ ma anyô epesañ hathak bahenññ lôk iniñ auk iyom. <sup>30</sup> Sêbôk ma avômalô êthôñ Wapômbêñ paliñ ba intu yani miñ hêv kambom êñ anêñ viyañ hadêñ i ami. Ma doñtom yani lêk hanañ lôklokwañ hadêñ avômalô pik sapêñ nena nede kapôlôñññ liliñ. <sup>31</sup>\*Yani bôk hatak waklavôñ te yôv ek nindum abô. Ma bôk hatak anyô te ek indum ku êñ thêthôñ. Ôpêñ bôk hama ma Wapômbêñ hik liñ hêk ñama ek injik thô nena yani tem endañô avômalô sapêñ iniñ abô.”

<sup>32</sup> Thêlô elañô Pol anêñ abô hathak anyô haviyô hêk ñama, êñ ma vi ibi anêñ abô êñ liliñ ma doñtom vi enañ, “Yêlô leññihaviñ nadañô anêmi abô esak nômi êntêk esak loñbô.” <sup>33</sup> Vêmi ma Pol hatak thêlô

\* **17:27:** Sng 145:18; Jer 23:23

\* **17:29:** Ais 40:18-20; 44:10-17;

Ap 19:26 \* **17:31:** Sng 96:13

ba hi. <sup>34</sup> Thêlô doho êvhaviņ ba esopa yani. Thêlô êņ te ma Dionisius, yani ma Aliopagas iniņ anyô te, lôk avi te ba anêņ athêņ nena Damalis, ma doho haviņ.

## 18

### *Pol hi Kolin*

<sup>1</sup> Vêm ma Pol hatak Atens ma hi Kolin. <sup>2</sup> \*Ma hapôm anyô Israeł te ba anêņ athêņ nena Akwila. Yani anêņ malak ôdôņ ma plovins Pontus. Bôk lovêņ Plisila êmô malak Lom anêņ Itali vêm ma Kiņ Klodias hanaņ ek avômalô Israeł sapêņ netak Lom ba ini. Aêņ ba thai i Kolin. Ba intu Pol hi ek êņjê thai. <sup>3</sup> \*Thai ethak idum ku epesaņ unyak hathak alim kupik ek nênmêm vuli. Ku êņ ma Pol anêņ ku hathak hadum ba intu hamô haviņ thai ba hadum ku êņ haviņ. <sup>4</sup> Sabat sapêņ ma Pol hi Israeł iniņ unyak yeņ ma hanaņ abô haviņ thêlô ek injik avômalô Israeł lôk Glik iniņ auk liliņ ek nênmêmibiņ.

<sup>5</sup> \*Ma Silas lo Timoti etak Masedonia ma êlôk ba i Kolin, êņ ma Pol hatak anêņ ku epesaņ sôp ma hanaņ Wapômbêņ anêņ abô iyom. Ba hanaņ bêņ hadêņ avômalô Israeł nena, “Yisu ma Mesia atu.”

<sup>6</sup> \*Vêm ma thêlô êpôlik hathak Pol ma enaņ abôma hathak yani. Êņ ma yani hik vonņgovaņ vê hêk anêņ kwêv ek injik Wapômbêņ anêņ lamaniņ thô ma hanaņ hadêņ thêlô, “Malaiņ atu ba tem êpôm môlô, êņ ma môlôda unim kambom ma miņ yenaņ

---

\* **18:2:** Lom 16:3      \* **18:3:** Ap 20:34      \* **18:5:** Ap 17:14-15

\* **18:6:** Ap 13:46,51; 20:26

kambom ami. Ma l k yahatak m l  av mal  Israel ma yaha ek av mal  loŋ buyaŋ.”

<sup>7</sup>  ŋ ma Pol hatak unyak yeŋ h k ma hi ham  Titius Jastas an ŋ unyak.  p ŋ ma any  loŋ buyaŋ atu ba hathak h v yeŋ had ŋ Wap mb ŋ ba an ŋ unyak ham  habobo unyak yeŋ atu. <sup>8</sup> Ma Klispus, any  b ŋ atu ba hayabiŋ Israel iniŋ unyak yeŋ, l k an ŋ av mal  takatu ba  m  an ŋ unyak  vhaviŋ Any  B ŋ. Ma av mal  Kolin b ŋ an ŋ elan  Pol an ŋ ab  ba  vhaviŋ ma ithik  aŋ.

<sup>9</sup> Ma b l v ŋ te ma Pol hay  w ŋ ma Any  B ŋ hanaŋ had ŋ yani nena, “Onaŋ ab  tak ŋ b ŋ ma miŋ  k  ba o b n ŋ ami. <sup>10</sup> \*Yaham  haviŋ o ba miŋ hat m any  late  y  ba imbuliŋ o ami. Mi, yenaŋ av mal  b ŋ an ŋ  m  malak  nt k.” <sup>11</sup> A ŋ ba Pol ham  Kolin ba had ŋ av mal  hathak Wap mb ŋ an ŋ ab  hat m sondab ŋ te l k ay ŋ baheŋvi ba lahavute haviŋ.

<sup>12</sup> Waklav ŋ Galio hayabiŋ plovins Akaiia,  ŋ ma av mal  Israel an ŋ Kolin ethak doŋtom ba idum leŋiŋ aŋa hathak Pol ba ewa yani ba i loŋ idum ab . <sup>13</sup>  ŋ ma th l  enaŋ, “ p nt k had ŋ av mal  ek n n m yeŋ  nd ŋ Wap mb ŋ hathak loŋond  yaŋda atu ba habuliŋ ab  balabuŋ.”

<sup>14</sup> Pol hadum ek enaŋ ab   ŋ viyaŋ,  ŋ ma Galio hanaŋ had ŋ av mal  Israel takatu nena, “M l  av mal  Israel, m l   y  nena  p nt k hadum n mlate ba habuliŋ Lom iniŋ ab  majaŋ mena hadum kambom b ŋ te,  ŋ ma mavi ek yandaŋ  m l nim ab . <sup>15</sup> Ma doŋtom ab  takatu ba m l  onaŋ hathak  p nt k ma hathak ab  l k ath ŋ

\* **18:10:** Jos 1:9; Ais 41:10

doho ma môlô Israeël da unim abô balabuŋ. Ba intu tem miŋ yandaŋô abô êŋ ami. Mi, môlôda nopesaŋ abô êŋ.” <sup>16</sup> Ba intu hêv thêlô vê hêk loŋ idum abô. <sup>17</sup> Êŋ ma thêlô evaloŋ Israeël iniŋ unyak yeŋ anêŋ anyô bêŋ te anêŋ athêŋ nena Sostenes hêk ba ik yani habobo loŋ atu ba idum abô viyaiŋ. Ma Galio hayê ma hadum hatôm hathôŋ paliŋ.

*Pol havôhi Antiok*

<sup>18</sup> \*Pol hamô Kolin sawa daim dokte. Vêma ma hatak ñê êvhaviŋ ma hi tamu Senkليا ek enja yeŋ ba ni Silia. Ma Plisila lo Akwila iviŋ yani ba i. Pol bôk havak abô havinŋ Wapômbêŋ hathak nômlate ba intu miŋ hakapiŋ wakadôk ŋauŋ ami aleba hayô Senkليا. Êŋ ma abô êŋ anêŋ daŋ ba intu hakapiŋ wakadôk ŋauŋ vê. <sup>19-21</sup> Vêma ma ethak yeŋ te ba i Epesus. Ma Pol hi Israeël iniŋ unyak yeŋ ma hanaŋ abô havinŋ avômalô Israeël. Ma thêlô enaŋ ek yani êmô imbiŋ thêlô wak doho vêmam, ma doŋtom yani miŋ halôk hathak iniŋ abô ami. Ba hathak yeŋ ma hanaŋ hadêŋ thêlô nena, “Wapômbêŋ anêŋ lahaviŋ ma tem yambôalêm êndêŋ môlô esak loŋbô.” Êŋ ma yani hatak Epesus ba hi. Ma hadô Plisila lo Akwila êmô Epesus. <sup>22</sup> Ma yeŋ hi Sisalia ma Pol hatak yeŋ êŋ ma hathak ba hi Jelusalem ek ênjê avômalô êvhaviŋ anêŋ loŋ êŋ. Vêma ma halôk ba hi Antiok hamô Silia kapô.

<sup>23</sup> Pol hamô wak doho hamô Antiok vêma ma hi ploviŋ Galesia lo Plijia iniŋ malak nenanena ek embatho avômalô êvhaviŋ kapôlôŋiŋ loŋ.

*Apolo hanaŋ abô hamô Epesus lo Kolin*

---

\* **18:18:** Nam 6:18; Ap 21:24

24 Ma anyô Islael te anêḡ athêḡ nena Apolo hi hayô Epesus. Yani anêḡ malak ôdôḡ ma Aleksandlia. Yani ma anyô lôkauk bêḡ ba hayala Wapômbêḡ anêḡ abô dedaunḡ mavi. 25 Bôk êdôḡ yani hathak Anyô Bêḡ anêḡ loḡôndê ba intu kapô lôklokwanḡ ek êdôḡ avômalô esak auk thêthôḡ êḡ. Ma hanaḡ abô thêthôḡ hathak Yisu anêḡ bôk lo loḡ vi. Ma donḡtom hayala ḡaḡ atu ba Jon hathik avômalô hathak iyom. 26 Yani hi avômalô Islael iniḡ unyak yeḡ ma hanaḡ abô hathak Yisu ma miḡ hakô ami. Ba Plisila lo Akwila elañô anêḡ abô ma elam yani ba hi iniḡ unyak ma ewa Wapômbêḡ anêḡ abô atu ba miḡ hayala ami sa hadêḡ yani.

27 Vêḡ ma Apolo lahaviḡ ni plovinḡ Akaia, ma avômalô êvhaviḡ anêḡ Epesus evatho yani anêḡ auk loḡ ek indum aêḡ. Ba eto kapyā hadêḡ avômalô êvhaviḡ anêḡ Akaia ek neja yani thô. Hi hayô Akaia, êḡ ma hêv avômalô takatu ba êvhaviḡ Wapômbêḡ hathak anêḡ wapôm sa bêḡ anôḡ. 28 \*Yani hamiḡ lôklokwanḡ ba hanaḡ avômalô Islael iniḡ abô viyaḡ hêk avômalô sapêḡ maleḡniḡ. Ma hawa Wapômbêḡ anêḡ kapyā sa ba hik thô nena Yisu ma Mesia atu ba Wapômbêḡ bôk havak abô yôv ek nêḡ êlêḡ.

## 19

### *Pol hi Epesus hathak loḡbô*

1 \*Apolo hamô Kolin denaḡ ma Pol hi havenḡ plovinḡ Galesia lo Plijia kapô ba havenḡ aleba hayô Epesus. Loḡ êḡ ma hapôm avômalô êvhaviḡ doho

---

\* 18:28: Ap 9:22 \* 19:1: 1Ko 3:6

2 \*ma hanañ hik thêlô liñ, “Bôk ôêvhaviñ ba owa Lovak Matheñ e?”

Ma thêlô enañ, “Mi, yêlô miñ bôk alaño abô te hathak Lovak Matheñ ami.”

3 Êñ ma Pol hanañ, “Ñañ malê intu bôk môlô uthik?” Ma enañ, “Jon anêñ ñañ.”

4 \*Ma Pol hanañ, “Jon bôk hathik avômalô hathak ñañ nede kapôlôñiñ liliñ ma hanañ ek avômalô nêñemimbiñ ôpatu ba haveñ yani yam. Ôpêñ ma Yisu.” 5 Thêlô elañô abô êñ, ma ithik ñañ hathak Anyô Bêñ Yisu anêñ athêñ. 6 \*Ma Pol hatak bañ hayô hêk thêlô, êñ ma Lovak Matheñ hayô hamô thêlô ba enañ abô masôm lôk abô plopet. 7 Nê takêñ ma hatôm laumiñ ba lahavuju la.

8 Êñ ma Pol hi hamô Epesus hatôm ayôñ lô. Ma hathak hi avômalô Israêl iniñ unyak yeñ ma hanañ abô hathak Wapômbêñ anêñ loñ lôklinyak ek thêlô nêñemimbiñ ma miñ hakô ami. 9 Ma doñtom thêlô doho evaloñ kapôlôñiñ loñ ba miñ êvhaviñ ami ma enañ abôma hathak Anyô Bêñ anêñ loñôndê bêñ ek avômalô sapêñ nedaño. Aêñ ba Pol hatak thêlô ma hawa ñê êvhaviñ ba i Tailanus anêñ kapo ekaksa halôk. Ma wak nômbêñ intu ma thêlô enañ abô hamô loñ êñ. 10 Pol hadum aêñ hatôm sondabêñ ju. Aêñ ba intu avômalô Israêl lôk avômalô Glik takatu ba êmô plovins Esia elañô Anyô Bêñ anêñ abô.

### *Skeva nali*

11 \*Wapômbêñ hêv lôklokwañ hadêñ Pol ba hadum nômbithi yañda lomalama. 12 \*Ba intu

\* 19:2: Ap 8:16 \* 19:4: Mat 3:11 \* 19:6: Ap 8:17; 10:44,46

\* 19:11: Ap 14:3 \* 19:12: Ap 5:15



sôp selenj lo sôp danj takatu ba Pol hasôm, ewa ba i ethav hathak avômalô lôk lijij ba ibitak mavi ma ngôk etak i ba i.

<sup>13</sup> Ma avômalô Israeël doho idum ku nênenêm ngôk vê ba ethak i lomalak lomalak. Ma thêlô doho idum ku ênj, ma elam Anyô Bênj Yisu anênj athênj hayô nê lôk ngôk takênj vov ba enanj, “Hathak Yisu atu ba Pol hananj abô hathak anênj athênj, yahananj nena otak ôpêntêk ba nu.” <sup>14</sup> Ma Israeël iniñj nê bêñbêñj êbôk da te anênj athênj nena Skeva namalô bahenji ba lahavuju idum aênj havinj. <sup>15</sup> Ma wak te ma ngôk hawê iniñj abô vijanj ba hananj, “Yahayala Yisu, ma yahayala Pol, ma môlô ma opalê?” <sup>16</sup> Ênj ma ôpatu ba ngôk havalonj lonj hasôv kisi hayô hêk i ba hik i mayav bomanj aleba thêlô sapênj ewa thalalenj ba êsôv lenjinpopam ele unyak vijainj ba i.

<sup>17</sup> \*Ma avômalô Israeël lo Glik anênj Epesus elanjô abô ênj, ma êkô kambom ba êv athênj bêñ hadênj Anyô Bênj Yisu. <sup>18</sup> Ma avômalô êvhavinj bêñ anôñj êlêm ma enanj iniñj kambom lomalama bêñ. <sup>19</sup> Thêlô vi êbôk siniñj ma vi idum aloyak, aênj ba isup iniñj kapy aloyak sapênj hathak donjom ma êbôk hathak atum hêk avômalô malenjinj. Ekatonj kapy takênj ba anênj vuli hatôm 50,000 seleva. <sup>20</sup> Hathak kobom ênj ma Anyô Bênj anênj abô halanjvinj ba hi mayaliv ma anênj lôklokwanj halumbak bêñ.

<sup>21</sup> \*Nôm takênj habitak vêm ma Pol lahabi ni Jelusalem ba halom hêk lonjondê yanj atu hi plovins Masedonia lo Akaia. Ma hananj, “Yaha Jelusalem

---

\* **19:17:** Ap 5:11    \* **19:21:** Ap 23:11; Lom 1:13

vêm ma tem yana Lom imbiņ.” <sup>22</sup> Ma yani hêv Timoti lo Elastus, anyô ju atu ba idum ku havinġ yani, ba i Masedonia. Ma yanida hamô plovins Esia dokte vêmam.

*Ngalakŋgalak bêġ habitak Epesus*

<sup>23</sup> \*Wak êġ ma avômalô ethaġ i hathak Yisu anêġ loġôndê ba ŋgalakŋgalak bêġ habitak. <sup>24</sup> Anyô atu ba hadum ba nôġ êġ habitak anêġ athêġ nena Demitlius. Ôpêġ ma anyô hapesaġ nôġkama hathak seleva. Ba hathak hapesaġ ŋgôkba avi Atemis anêġ malakba anêġ dahô ek avômalô nêndô êmô iniġ unyak kapô. Yani lôk anyô doho ethak êvôv valu bêġ hathak iniġ ku êġ. <sup>25</sup> Wak te ma ôpêġ halam ŋê ku êġ sapêġ ethak doġtom ba hanaġ, “Aiyaġ thêlô, odaġô. Môlô oyala nena alalô avôv valu bêġ hathak alalôaniġ ku êntêk. <sup>26</sup> Ma doġtom lêk ôyé lo olaġô abô hathak nôġ atu ba Pol hadum. Ôpêġ hathak hanaġ nena ŋgôk takatu ba anyô epe-saġ hathak baheġiġ, êġ ma miġ wapômbêġ anôġ ami. Yani hanaġ aêġ ba avômalô bêġ anôġ êvhavinġ anêġ abô ba etak alalôaniġ ŋgôkba Atemis. Yani hadum aêġ hamô Epesus ma bidonġ oyaġ ma tem anêġ abô êġ endanġviġ embeġ plovins Esia sapêġ. <sup>27</sup> Nôġ êġ tem indum ba avômalô nêġê alalôaniġ ku êtôm nôġ kambom. Lôk nêġê ŋgôk lôk athêġ bêġ ŋgôkba avi Atemis anêġ malakba êtôm nôġ oyaġ. Ma ŋgôk avi êġ atu ba avômalô plovins Esia lôk avômalô pik bêġ êntêk sapêġ ethak êv yeġ hathak, yanida anêġ athêġ tem nêġ yak.”

<sup>28</sup> Thêlô elanġô abô êġ ma leġiġmaniġ kambom ba elam kaêk lôklala nena, “Atemis anêġ Epesus

---

\* **19:23:** 2Ko 1:8

ma ngôkba lôkmanjij anôj!”<sup>29</sup> \*Bidonj oyanj ma ngalakngalak bêj êj havenj Epesus sapêj. Ma avômalô evalonj Gaius lo Alistakas, thai ma nê Masedonia ju atu ba ethak evenj havij Pol, ma elanjvij hathak donjom ba i inij lonj evalonj sa bêjbêj halôk.<sup>30</sup> Ma Pol lahavij ni lonj êj kapô ek enanj abô êndêj avômalô nômbêj êj, ma donjom nê êvhavij imij yani lonj sij.<sup>31</sup> Ma nê bêjbêj doho anêj plovins Esia takatu ba êmô Epesus, thêlô ma Pol anêj nê môlô ba êv abô hadêj Pol ba enanj nena, “Minj ôyô kapô ami. Tem nijik o vônô ba dô.”

<sup>32</sup> Ma avômalô nômbêj atu ba êmô lonj êj kapô inij auk hêv yak ba elam kaêk lomaloma. Ma bêj anôj mij eyala inij ethak donjom êj anêj ôdôj ami.<sup>33</sup> Ma avômalô Israêl isisunj inij anyô te anêj athêj nena Aleksanda ek ni imij avômalô nômbêj atu malenjij ek enanj abô esak malainj êj. Êj ma Aleksanda hêv banj hathak lej ek avômalô bônôj ek enanj abô.<sup>34</sup> Ma donjom avômalô nômbêj êj êyê nena yani ma anyô Israêl te, êj ma thêlô êvôlô venjibôlêk hathak donjom ba elam lôklala nena, “Atemis anêj Epesus ma ngôkba lôkmanjij anôj!” Elam aêj halôk ba halôk hatôm wakma lokwanju.

<sup>35</sup> Vêma ma Epesus inij anyô bêj hapesanj kapya hananj ek avômalô lôkthô bônôj. Êj ma hananj, “Avômalô Epesus, avômalô pik sapêj eyala nena Epesus ma malak bêj atu ba hayabij ngôkba lôkmanjij Atemis anêj malakba lôk anêj valu mathenj atu ba hêv yak halôk lej ba habup.<sup>36</sup> Auk êj ma hêk yainj ba avômalô pik sapêj eyala. Ba intu môlô bônôj ma noyabij am ek mij nundum

\* **19:29:** Ap 20:4; 27:2; Kol 4:10; Plm 24

nômplate mayaliv ami. <sup>37</sup> Môlô ovalonj anyô ju êntêk ba owa ba ôlêm, ma donjom miñ enañ abôma hathak alalôaniñ ngôkba avi mena ewa malakba anêñ nômlla vani ami. Mi. <sup>38</sup> Ma alalôaniñ unyak nedañô abô lôk anêñ nê bêñbêñ nindum abô esak i intu êmô. Aêñ ba Demitlius lôk nê takatu ba epesañ nôm kama hathak seleva iniñ malaiñ la hêk, êñ ma neja ba ini ek nê idum abô hathak. <sup>39</sup> Aêñ ba abô yañ hamiñ denañ, êñ ma waklavônj atu nê idum abô hathak ethak donjom, ma nê m êndêñ i. <sup>40</sup> Noyabiñ am mavi. Nê bêñ Lom idum abô ek alalô hathak nôm ngalakngalak takatu ba lêk habitak, êñ ma tem alalô abô mi ek malê nena nôm ngalakngalak êñ anêñ ôdônj mi.” <sup>41</sup> Yani hanañ abô êñ yôv ma hêv avômalô ba i iniñ lonj mayaliv.

## 20

### *Pol hadum ku hamô plovins Masedonia lo Glis*

<sup>1</sup> Ngalakngalak bêñ êñ lêk yôv, ma Pol dalam avômalô êvhaviñ ethak donjom. Ma hanañ abô doho ek embatho thêlô lonj. Vê m ma hanañ waklêvônj hadêñ i ma hatak Epesus ba hi Masedonia. <sup>2</sup> Yani haveñ lonj êñ anêñ lomalak nenanena ma hanañ abô bêñ anônj ek embatho i lonj aleba hayô Glis. <sup>3</sup> Êñ ma hamô lonj êñ ayônj lô. Ma hadum ek enja yeñ ba ni Silia, ma donjom halanô nena avômalô Israe l ibutiñ abô nena hathak yeñ ma thêlô nesak imbiñ ek nijik yani vônô. Aêñ ba Pol lahabi nena êmbônj endom plovins Masedonia esak lonjbô. <sup>4</sup> Êntêk ma nê takatu ba ethak evenj haviñ Pol iniñ athêñ: Sopata anêñ Belia, yani ma Pailas anêñ nakaduñ, ma Alistakas lo Sekandas

anêᶇ Tesalonaika, ma Gaius anêᶇ Debi, ma Tikikus lo Tlopinas anêᶇ plovins Esia, ma Timoti. <sup>5</sup> Nê takêntêk êmônᶇ ba i eyabiᶇ yêlô êmô Tloas. <sup>6</sup> Ma yêlô a amô Pilipai aleba avômalô Israêl iniᶇ waklavônᶇ Eyaᶇ Polom Yis Mi hale ba hi. Êᶇ ma yêlô atak Pilipai ma athak yeᶇ ba aveᶇ hatôm wak bahenᶇvi ma yêlô athak Tloas ma apôm thêlô. Ma yêlô amô Tloas hatôm sonda te.

### *Pol hik Yutikas liᶇ*

<sup>7-9</sup> Sonda te anêᶇ wak môᶇ ma yêlô lôk ᶇê êvhaviᶇ athak donᶇtom ek nanᶇgaᶇ Anyô Bêᶇ anêᶇ polom mathenᶇ. Yêlô athak unyak daim te ba amô kapô bôlô te lô atu hêk vuliᶇ ma avômalô êtôm atum lam bêᶇ anônᶇ ba êthôkwênᶇ haveᶇ. Pol lahabi etak thêlô êndênᶇ lôkbôk ba intu hanaᶇ abô daim aleba bôlôvônᶇ biᶇ. Ma anyô muk te anêᶇ athênᶇ nena Yutikas hamô unyak abôlêk lovak ma halaᶇô Pol anêᶇ abô aleba ma hayaᶇ ma hêk sôm. Êᶇ ma hêv yak ba hi tamu pik. Ma thêlô i ek neja yani, ma donᶇtom lêk hama yôv. <sup>10</sup> Ma Pol halôk ba hi ma hayô hêk ôpênᶇ ma havalonᶇ yani ma hanaᶇ, “Môlô miᶇ noboloba ami. Yani hêk lôkmala.” <sup>11</sup> Vêᶇ ma Pol thêlô êvôi unyak vuliᶇ hathak lonᶇbô ma eyaᶇ Anyô Bêᶇ anêᶇ polom mathenᶇ. Êᶇ ma Pol hanaᶇ abô bêᶇ anônᶇ hathak lonᶇbô aleba hayaᶇ wak bêᶇ ma hi. <sup>12</sup> Ma anyô muk atu ba Pol hik liᶇ anêᶇ avômalô ewa yani ba i unyak lôk lenᶇᶇmavi anônᶇ.

### *Pol hatak Tloas ma hi Miletus*

<sup>13</sup> Pol lahaviᶇ embenᶇ pik ba ni Asos ma hanaᶇ ek yêlô nasak yeᶇ ba ana napôm yani êndôk lonᶇ êᶇ. <sup>14</sup> Pol hapôm yêlô halôk Asos ma yêlô awa yani

hathak yeŋ ba a Mitilini. <sup>15</sup> Ma haviyô hayaŋ ma atak Mitilini ma yêlô a ŋgavithôm Kios ma doŋtom miŋ athak liŋ ami. Ma hayaŋ hathak loŋbô ma yêlô a ayô apôm ŋgavithôm Samos. Ma hayaŋ te ma yêlô ayô Miletus. <sup>16</sup> Pol lahaŋ ênjê waklavôŋ Pentikos êndôk Jelusalem ba intu lahaŋ ni ketheŋ. Aêŋ ba hadô ni Epesus ek malê nena hi loŋ êŋ ma tem êmô plovins Esia sawa daim.

*Pol hanaŋ waklêvôŋ hadêŋ ŋê bêŋbêŋ anêŋ Epesus*

<sup>17</sup> \*Pol hamô Miletus ma hêv abô hadêŋ Epesus nena avômalô êvhaviŋ iniŋ avaka sapêŋ ini êndêŋ yani. <sup>18</sup> \*Thêlô êyô ma yani hanaŋ, “Môlô oyala ku takatu ba yahayô Esia môŋ anôŋ ma yahamô haviŋ môlô ba yahadum aleba lêk. <sup>19</sup> Avômalô Israeŋ ethak êv malaiŋ lomaloma hadêŋ ya lôk ibutiŋ abô ek nimbuliŋ ya lôbôlôŋ. Ma doŋtom yahatauviŋ ya aleba yaôna ma yahadum Anyô Bêŋ anêŋ ku lôk yamaleŋ thôk. <sup>20</sup> Ma oyala nena abô alêla takatu ba hêv môlô sa, êŋ ma yahaŋ abô takêŋ bêŋ lôk yaleŋvidonŋ iyom. Ma yahadôŋ môlô hamô loŋ yaiŋ lôk haveŋ môlônim unyak nenanena haviŋ. <sup>21</sup> Ma yahaŋ abô doŋtom êntêk hadêŋ avômalô Israeŋ lôk avômalô loŋ buyaŋ nena nede kapôlôŋiŋ liliŋ êndêŋ Wapômbêŋ ba nênmimbiŋ alalôaniŋ Anyô Bêŋ Yisu.

<sup>22</sup> “Ma lêk Lovak Matherŋ hakak ya ek yana Jelusalem. Ma miŋ yahayala nena malê intu tem êpôm ya anêŋ loŋ êŋ ami. <sup>23</sup> \*Nôm doŋtom intu yahayala ma aêntêk. Malak nômbêŋ atu ba yahayô

\* **20:17:** Ap 18:21      \* **20:18:** Ap 18:19–19:41      \* **20:23:** Ap 9:16; 21:11

ma Lovak Mathenḡ hanaḡ hadêḡ ya nena, “Tem malaiḡ lomaloma êpôm o lôk ômô koladônḡ.” <sup>24</sup>\*Ma miḡ yalenḡ hik ya hathak nôḡm takêḡ ami. Lôk miḡ yahayê yalenḡvinḡkupik hatôm nôḡmbêḡ ek ya ami. Mi, yenaḡ auk bêḡ ma yamiḡ lôklokwaḡ ba yandum ku takatu ba Anyô Bêḡ Yisu hêḡv hadêḡ ya endeba êyô anêḡ daḡ am. Ku êḡ ma aêntêk: yanaḡ Abô Mavi bêḡ esak Anyô Bêḡ anêḡ wapôm.

<sup>25</sup> “Ma môlô takatu ba bôk yahamô haviḡ ba yahanaḡ abô hathak Wapômbêḡ anêḡ loḡ lôklinḡyak, ondaḡônô. Lêk yahayala nena môlô te tem miḡ ênjê yamalenḡ esak loḡbô ami. <sup>26</sup> Aêḡ ba yahanaḡ bêḡ hadêḡ môlô nena anyôla hadô Wapômbêḡ anêḡ abô ba hapôm malaiḡ, êḡ ma miḡ yenaḡ kambom ami. <sup>27</sup> Ek malê nena yahanaḡ Wapômbêḡ anêḡ loḡônôdê sapêḡ bêḡ hadêḡ môlô ma miḡ yahakô ami. <sup>28</sup> \*Noyabiḡ am lôk avômalô takatu ba bôk Lovak Mathenḡ hêḡv hadêḡ môlô ek noyabiḡ i. Ma noyabiḡ Wapômbêḡ anêḡ avômalô êvhaviḡ takatu ba yani bôk hêḡv i vuli hathak yanida anêḡ thalalenḡ. <sup>29</sup> \*Yahayala nena yahatak môlô ba yaha, êḡ ma kêdônḡwaga abôyaḡ tem nêlêḡm êtôm avuḡ yatap ek nimbuliḡ boksipsip. <sup>30</sup> Ma môlôda doho tem nonaḡ abôyaḡ ba nunduviḡ abô avanônḡ ek nôbôv ḡê êvhaviḡ vi ek nesopa i. <sup>31</sup> \*Aêḡ ba noyabiḡ am ma lemimimbi nena hatôm sondabêḡ lô anêḡ wak lo bôlôvônḡ ma yahanaḡ abô hadêḡ môlô lôk yamalenḡ thôk ek yambatho môlô lôḡ.

<sup>32</sup> “Ma lêk yahatak môlô halôk Wapômbêḡ baḡ lôk anêḡ abô hathak anêḡ wapôm. Abô êḡ ma

\* **20:24:** Ap21:13; 2Ti4:7 \* **20:28:** 1Ti4:16; 1Pi5:2-4 \* **20:29:**

Mat 7:15; Jon 10:12 \* **20:31:** 1Te 2:11

hatôm embatho môlô loŋ ba nêŋ loŋ ênjêk malak leŋ ek môlô imbiŋ nê mathen takatu ba bôk êmô yôv. <sup>33</sup> \*Ma miŋ yamalenkilik hathak anyôla anêŋ seleva lo gol ma sôp ami. <sup>34</sup> \*Ma môlôda oyala nena yada yahadum ku hathak yabahen ek yahêv yada sa lôk nê takatu ba idum ku iviŋ ya. <sup>35</sup> Ku takatu ba yahadum hik thô hadêŋ môlô nena mavi ek alalô nandum ku bêŋ ek nanêm avômalô siv sa. Ma lemimimbi abô takatu ba Anyô Bêŋ Yisu bôk hanaŋ nena, ‘Anyô yaŋ hêv nômlate ek hêv o sa, ma tem lemmavi. Ma donjom hôêv nômlate ek nêŋ anyô yaŋ sa, êŋ ma tem lemmavi anôŋ.’ ”

<sup>36</sup> Pol hanaŋ abô takêŋ yôv, ma halek vadôŋ lêlô ma hateŋ mek haviŋ thêlô. <sup>37</sup> Ma thêlô sapêŋ evaloŋ yani ba iliŋu ma elaŋ bêŋ hathak yani. <sup>38</sup> Êŋ ma thêlô ewa yani ba i etak hathak yeŋ. Thêlô leŋiŋ malaiŋ kambom hathak abô takatu ba bôk hanaŋ nena tem miŋ nêgê yani ma esak loŋbô ami.

## 21

### *Pol hi Jelusalem*

<sup>1</sup> Yêlô atak thêlô lôk kapôlôŋiŋ malaiŋ, ma yeŋ hatak ngwêk dan anêŋ Miletus ba hi nôŋnôŋ hadêŋ ngavithôm Kos. Haviyô hayaŋ ma yêlô ayô ngavithôm Lodes vêm ma a Patala. <sup>2</sup> Ma yêlô atak yeŋ êŋ ma apôm yeŋ yaŋ atu ba tem ni Pinisia, êŋ ma yêlô athak yeŋ êŋ ba a. <sup>3</sup> Ma yêlô a aleba ayê ngavithôm Saiplus hamô vituvulu bahenvi keŋ ma yêlô alom bahenvi anôŋ aleba ayô Taia hêk plovins Silia. Loŋ êŋ ma yeŋ hadum ek etak anêŋ nômkama

\* **20:33:** 1Ko 9:11-12      \* **20:34:** Ap 18:3; 1Te 2:9



êndôk biñ. <sup>4</sup> \*Êñ ma yêlô apôm nê êvhaviñ anêñ loñ êñ ba amô haviñ thêlô hatôm sonda daluk te. Ma hathak Lovak Mathenñ ma thêlô enañ lôklokwan hadêñ Pol nena miñ ni Jelusalem ami. <sup>5</sup> Ma donjom sonda daluk êñ anêñ dañ, ma yêlô a ek nasak yeñ esak loñbô. Ma nê êvhaviñ lôk vênji lôk nali elom yêlô ibup ñgwêk dañ. Ma ñgwêk dañ ma yêlô alek veññ lêlô ma atenñ mek. <sup>6</sup> Vêm ma ekam yêlô ma yêlô athak yeñ ba a ma thêlô êvôi iniñ loñ hathak loñbô.

<sup>7</sup> Ma yeñ hatak Taia ma hi aleba hayô Tolemes. Ma anêñ Tolemes ma yêlô a ek nagê nê êvhaviñ ba namô imbiñ thêlô êtôm wak te. <sup>8</sup> \*Haviyô hayañ ma yêlô athak yeñ ba a ayô Sisalia. Ma yêlô amô Pilip anêñ unyak. Yani ma anyô hanañ Anyô Bêñ anêñ abô bêñ. Bôk etak nê bahenñvi ba lahavuju ek nêñem aposel sa ba Pilip ma nê êñ te. <sup>9</sup> Yani anêñ nali avi muk ayova êmô. Thêlô ethak enañ abô hatôm plopet.

<sup>10</sup> \*Yêlô amô wak doho ma plopet te anêñ athên nena Agabas hatak Judia ma halôk ba halêm Sisalia. <sup>11</sup> \*Yani halêm hayô ek yêlô ma hawa Pol anêñ bokñgôp ba hakak yanida bañ lo va loñ hathak ma hanañ, “Lovak Mathenñ hanañ nena, ‘Avômalô Israeñ anêñ Jelusalem tem nekak bokñgôp êntêk anêñ alañ aên iyom ba nêñem yani êndôk avômalô loñ buyañ bahenñ.’ ”

<sup>12</sup> Yêlô alañ abô êñ, ma yêlô lôk avômalô loñ êñ alañ ba anañ hadêñ Pol nena miñ ni Jelusalem ami. <sup>13</sup> \*Êñ ma Pol hanañ nena, “Môlô olañ ba

\* **21:4:** Ap 20:23      \* **21:8:** Ap 6:5; 8:40      \* **21:10:** Ap 11:28

\* **21:11:** Ap 20:23; 21:33      \* **21:13:** Ap 20:24

ômô yabinjaluk lu eka? Ya lêk yahapesañ ya yôv ek yamô koladôn mena ik ya vônô halôk Jerusalem hathak Anyô Bêñ Yisu anêñ athêñ la. Êñ ma hatôm.”  
 14 Yêlô ayê nena yani miñ hatôm endañô yêlôaniñ abô ami ba intu yêlô atak auk êñ ma anañ, “Anyô Bêñ anêñ lahaviniñ injik anôn.”

### *Pol hayô Jerusalem*

15 Vêm ma yêlô apesañ i ek ana Jerusalem. 16 Ma nê êvhaviniñ doho anêñ Sisalia elom yêlô ba i Neson anêñ unyak ek namô. Yani ma anyô Saipulus te atu ba bôk êvhaviniñ môn anôn.

17 Yêlô ayô Jerusalem ma nê êvhaviniñ ewa yêlô thô lôk leniñmavi anôn. 18 Haviyô hayañ ma yêlô lôk Pol a ek nagê Jems ma avômalô êvhaviniñ iniñ avaka sapêñ êmô haviniñ. 19 \*Ma Pol hakam thêlô ma hanañ hathak nôm takatu ba Wapômbên hadum hathak yani hêk avômalô lon buyañ malêvôn.

20 \*Thêlô elañô abô êñ, ma êbô Wapômbên. Ba enañ hadên Pol, “Aiyañ, onañô. Avômalô Israel lubunlubun bôk êvhaviniñ Yisu yôv ba thêlô lôklokwañ ek nesopa Mose anêñ balabuñ. 21 Ma thêlô bôk elañô yôv nena hôdôn avômalô Israel takatu ba êmô nê lon buyañ malêvôn nena netak Mose anêñ balabuñ lôk miñ nengothe nali iniñ kupik vê ami lôk miñ nebalon yêlôaniñ kobom ami. 22 Tem nedañô nena lêk hôlêm ba alalô nandum malê? 23 \*Osopa yêlôaniñ auk êntêk. Yêlôaniñ anyô ayova êmô ba bôk ibutiñ abô haviniñ Wapômbên ek nindum nômlate ek nimbitak mathen. 24 Onja nê takêntêk

---

\* 21:19: Ap 15:12    \* 21:20: Ap 15:1,5    \* 21:23: Nam 6:1-20; Ap 18:18

ba nu unyak mathen ma umbin thêlô esak lojôndê atu ba esopa ek indum thêlô nimbitak mabun ênjêk Wapômbên ma. Ma nêma valu ek thêlô nênem êtôm iniñ da vêm ma nengulu lenj kadôk ñaun sapên vê. Undum aên ma tem avômalô sapên neyala nena abô takatu ba elanô ma abôyan. Ma oda hôwê balabun vibin havin. <sup>25</sup> \*Ma hathak avômalô loj buyan takatu ba êvhavin, yêlô bôk ato kapy hadên thêlô yôv ek nenan abô takatu ba alalô bôk abutin nena thêlô miñ nejan alim takatu ba êv hatôm da hadên ngôk dahô ami, lôk miñ ninum thalalen ami, ma miñ nejan alim takatu ba ekak lenselo sin ami, ma netak sek walilin.”

<sup>26</sup> \*Haviyô hayan ma Pol lôk nê ayova atu i unyak mathen ba esopa lojôndê atu ba indum thêlô nimbitak mabun ênjêk Wapômbên ma. Vêm ma hi unyak mathen kapô ma hanan hadên nê êbôk da nena wak bahenvi ba lahavuju hale ba hi, ma tem iniñ waklavôn nêmo mabun anên dan ba intu tem nêlêm esak lojbô ek nêmbôk thêlôda tomtom iniñ da.

### *Evalon Pol*

<sup>27</sup> Wak bahenvi ba lahavuju atu habobo anên dan ma avômalô Israel anên plovins Esia êyê Pol hamin unyak mathen. Êñ ma ibi avômalô nômbên atu lenj ba evalon Pol. <sup>28</sup> Ma elam kaêk aêntêk, “Môlô nê Israel, nônem yêlô sa! Anyô êntêk ma ôpatu ba hathak hanan abô kambom hathak alalô lôk abô balabun ma unyak mathen êntêk haven lo-malak nenanena ba hadôn avômalô sapên hathak

---

\* **21:25:** Ap 15:29      \* **21:26:** 1Ko 9:20

auk êḡ. Ma nômla yaḡ haviḡ aêntêk. Yani halom ḡê loḡ buyaḡ doho ba ibitak êyô unyak mathenḡ êntêk kapô ba idum loḡ mathenḡ habitak lelaik.”

<sup>29</sup>\*Thêlô enaḡ aêḡ ek malê nena bôk êyê Tloḡimas anêḡ Epesus hamô Jelusalem haviḡ Pol ba esonḡ nena bôk Pol halom yani ba hi unyak mathenḡ kapô.

<sup>30</sup> Êḡ ma avômalô Jelusalem sapêḡ leḡiḡḡaḡ kambom ba elañviḡ ethak doḡtom ma evaloḡ Pol ba êvôv hale unyak mathenḡ viyaiḡ ba hi. Ma kethenḡ oyaḡ ma ik unyak mathenḡ anêḡ badêḡ abôlêk siḡ ek miḡ ini kapô esak loḡbô ami. <sup>31</sup> Thêlô idum ek nijik yani vônô havenḡ denaḡ, ma abô halañviḡ hi hayô Lom iniḡ anyô vovak laik môḡ nena avômalô Jelusalem sapêḡ idum pôk lili bêḡ anôḡ. <sup>32</sup> Êḡ ma yani hawa ḡê vovak lôk ḡê vovak laik doho ba elañviḡ ba i hadêḡ avômalô nômbêḡ atu. Avômalô êyê anyô vovak laik môḡ lôk anêḡ ḡê vovak êlêm, êḡ ma etak Pol ba miḡ ik yani hathak loḡbô ami. <sup>33</sup> Anyô vovak laik môḡ hayô ma havalonḡ Pol ma hanaḡ hadêḡ ḡê vovak nena nekak Pol loḡ esak seḡ ju. Ma hanaḡ hik avômalô liḡ nena, “Yani ma opalê ba hadum malê te?”

<sup>34</sup> Ma avômalô vi elam abô te ma vi elam abô yaḡ. Pôk lili bêḡ habitak ba anyô vovak laik môḡ miḡ hatôm êpôm malaiḡ êḡ anêḡ ôdôḡ ami. Ba intu hanaḡ hadêḡ ḡê vovak ek neja Pol imbitak êyô iniḡ loḡ êmô. <sup>35</sup> Thêlô ewa Pol êyô loḡ êḡ anêḡ alêlê ma avômalô leḡiḡḡaḡ kambom ek nijik yani vônô ba intu ḡê vovak êv Pol liḡ hathak leḡ ek miḡ hatôm nijik yani ami. <sup>36</sup>\*Ma avômalô nômbêḡ atu ba even

\* **21:29:** Ap 20:4      \* **21:36:** Luk 23:18

yam elam mathalalen nena, “Ungwik yani vônô! Ungwik yani vônô!”

<sup>37</sup> Ma nê vovak ebobo iniņ loņ êmô, êņ ma Pol hanaņ hathak abô Glik hadêņ anyô vovak laik môn nena, “Hatôm yanaņ abô te êndêņ o e?” Ma anyô vovak laik môn hasoņ ba hanaņ, “Hoyala abô Glik, e? <sup>38</sup> \*Yahasoņ nena o anyô Ijip sêbôk ba huik vovak hadêņ Lom ba howa nê kambom takatu ba ik anyô vônô hatôm 4,000 ba hu loņ thiliv la.”

<sup>39</sup> Ma Pol hanaņ, “Mi. Ya anyô Israeļ te ba yenaņ loņ ma Tasus hêk plovin Silisia. Yenaņ loņ ma loņ lôk athêņ. Hatôm yanaņ abô dokte êndêņ avômalô takêntêk e?”

<sup>40</sup> Ma anyô vovak laik môn halôk, ma Pol hamiņ alêlê ma hêv baņ hathak leņ ek avômalô bônôn. Thêlô bônôn, êņ ma Pol hanaņ abô hadêņ thêlô hathak abô Hiblu.

## 22

<sup>1</sup> Ba hanaņ nena, “Aiyaņ thêlô lo wakamik thêlô, nodanô. Tem yanaņ nôm êņ bêņ êndêņ môlô.” <sup>2</sup> Ma elanô Pol hanaņ abô hathak abô Hiblu, êņ ma thêlô imiņ tiņiņ.

Êņ ma Pol hanaņ, <sup>3</sup> \* “Ya anyô Israeļ. Wakatik havathu ya hêk Tasus anêņ plovin Silisia, ma doņtom yahalumbak bêņ hamô loņ êntêk. Ma Gameliel bôk hadôn ya dedaui mavi hathak bumalô iniņ balabuņ. Ma ya bôk lôklokwaņ bomaņ ek yasopa Wapômbêņ hatôm môlô êntêk lêk udum.

<sup>4</sup> \*Bôk yahêv vovaņ hadêņ nê takatu ba esopa Yisu anêņ loņondê ba yahatak anyô lo avi halôk

---

\* **21:38:** Ap 5:36-37    \* **22:3:** Ap 5:34    \* **22:4:** Ap 8:3

koladôn lôn yahanan ek nijik thêlô vônô. <sup>5</sup> Anyô bêñ habôk da lôn Israêl iniñ nê bêñbêñ eyala nôñ takêntêk. Thêlô eto kapya te hadêñ iniñ iviyañ anêñ Damaskas ek nijik ku takatu tem yandum thô êndêñ thêlô. Ku êñ ma yambalon nê takatu ba esopa Yisu anêñ lonônê ba yanja i ba yalêm Jelusalem ek nêñem vovañ êndêñ i.

<sup>6</sup> “Yaha ek yandum ku êñ ba hatôm waktêvôn biñ ma yahabobo Damaskas. Ma kethen oyañ ma deda bêñ te anêñ leñ habi hayô hêk ya. <sup>7</sup> Ma yahêv yak halôk pik ma yahalanô abô te hanañ hadêñ ya, ‘Sol, Sol, aisê ka hubulin ya?’

<sup>8</sup> “Ma yahanan viyañ, ‘Anyô Bêñ, o ma opalê?’

“Ma hanañ nena, ‘Ya Yisu anêñ Nasalet, ôpatu ba hôêv vovañ hadêñ.’ <sup>9</sup> Nê takatu ba iviñ ya êyê deda êñ, ma doñtom miñ elañô ôpatu anêñ abô atu ba hanañ hadêñ ya ami.

<sup>10</sup> “Ma yahanan, ‘Anyô Bêñ, yandum malê?’

“Ma Anyô Bêñ hanañ nena, ‘Umbiyô ba nu Damaskas ma anyô te tem enañ êndêñ o esak ku takatu ba bôk yahatak yôn ek undum.’ <sup>11</sup> Deda bêñ êñ habi yamalen siñ ba miñ hatôm yangê lon ami. Aêñ ba nê takatu iviñ ya evalon yabaheñ ba edadi ya hi Damaskas.

<sup>12</sup> “Ma anyô te anêñ athêñ nena Ananias hamô lon êñ ba halêm ek ênjê ya. Yani hathak hasopa abô balabun dedaun mavi, ma avômalô Israêl takatu ba êmô Damaskas ethak elam yani nena anyô mavi. <sup>13</sup> Yani hamiñ habobo ya ma hanañ, ‘Aiyañ Sol, nôñgô tak esak lonbô!’ Ma kethen oyañ ma yahayê yani.

14 “Ma hanaŋ, ‘Bumalô thêlô iniŋ Wapômbêŋ hatak o ek oyala anêŋ lahaviŋ lôk nôŋgô anêŋ Anyô Thêthônŋ Yisu lôk ondanô laselo. 15 Tem umbitak êtôm anêŋ anyô onan anêŋ abô bêŋ êndêŋ avômalô sapêŋ esak nôŋ takatu ba hôyê lo holanô. 16 Lêk aisê, hoyabiŋ malê? Umbiyô ma usik o êndôk ŋan lôk ondam anêŋ athêŋ ek êmbôkwiŋ anêm kambom sapêŋ vê.’

17 “Vêm ma yahaleha Jelusalem ma wak te ma yahatenŋ mek hamô unyak mathenŋ kapô ma yahatulak ba yahayê wêŋ te. 18 \*Ma yahayê Anyô Bêŋ hanaŋ abô hadêŋ ya ba hanaŋ, ‘O kethenŋ, otak Jelusalem ba nu. Ek malê nena avômalô loŋ êntêk tem miŋ nedaŋô anêm abô takatu ba honan hathak ya ami.’

19 \* “Ma yahananŋ, ‘Anyô Bêŋ, thêlô eyala nena bôk yahavenŋ avômalô Israeŋ iniŋ unyak yeŋ nena-nena takatu ba hamô lomalak ek yanja avômalô takatu ba êvhasiŋ o ek yambali thêlô ba yatak i êndôk koladônŋ. 20 \*Ma ik Stiven anêm anyô atu ba hanaŋ anêm abô bêŋ vônô ma lêk yahamiŋ loŋ êŋ haviŋ ba intu yahalôk hathak auk êŋ ba yahayabiŋ nê ik yani vônô iniŋ sôp.’

21 \* “Êŋ ma Wapômbêŋ hanaŋ hadêŋ ya, ‘Nu, tem yanêm o êndêŋ avômalô loŋ buyanŋ takatu ba êmô daimbô.’ ”

22 Avômalô Israeŋ elanô Pol anêŋ abô aleba hanaŋ bute nena, “Wapômbêŋ hêv yani ba hi ek nê loŋ buyanŋ”, êŋ ma thêlô elam lôklala nena, “Uŋgwik yani vônô! Miŋ notak yani ek êmô lôkmala ami.”

\* 22:18: Ap 9:29-30 \* 22:19: Ap 8:3; 26:9-11 \* 22:20: Ap

8:1 \* 22:21: Ap 9:15

<sup>23</sup> Ma thêlô elam lôklala ba ibi iniñ kwêv daim thô ma ibi vonḡovañ hathak leñ ek injik thô nena leñmaninñ hathak abô takatu ba Pol hanañ. <sup>24</sup> Êñ ma anyô vovak laik môñ hanañ ek ñê vovak neja Pol ba ini iniñ loñ. Ma hanañ nena nebali yani esak yak wabeñ lôk nenañ injik yani liñ ek neyala nena avômalô leñinñaña hathak malê ba elam kaêk lôklala. <sup>25</sup> \*Thêlô eto Pol va lo bañ thêthônñ ma ekak loñ ek nebali yani, êñ ma Pol hanañ hadêñ anyô vovak laik atu ba haminñ habobo yani nena, “Lom iniñ balabuñ hanañ aisê hathak avômalô Lom da? Hatôm nobali anyô Lom te atu ba miñ hadum abô ba êpôm anêñ kambom ami denañ e?”

<sup>26</sup> Anyô vovak laik halañô abô êñ ma hi hanañ hadêñ anyô vovak laik môñ nena, “Hudum malê? Ôpêntêk ma anyô Lom te.”

<sup>27</sup> Ma anyô vovak laik môñ hi hadêñ Pol ma hanañ hik yani liñ, “O ma anyô Lom te e?” Ma Pol hanañ, “Intu êñ.”

<sup>28</sup> Ma anyô vovak laik môñ hanañ, “Bôk yahêv valuselenñ bêñ anônñ hadêñ Lom ek yambitak anyô Lom te.” Ma Pol hanañ, “Ya mi, wakamik ma anyô Lom ba intu yahabitak anyô Lom havinñ.”

<sup>29</sup> \*Êñ ma ñê takatu ba idum ek nenañ injik yani liñ, etak yani ba i ketheñ. Ma anyô vovak laik môñ hasoñ kambom ek malê nena hakak Pol anyô Lom te bañ lo va lusu hathak señ.

*Pol haminñ kaunsil malêvônñ*

<sup>30</sup> Ma anyô vovak laik môñ lahavinñ eyala katô nena avômalô Israeñ enañ Pol bêñ hathak malê.

---

\* **22:25:** Ap 16:37      \* **22:29:** Ap 16:38



Aên ba haviyô hayaŋ ma hapole seŋ vê hêk Pol ma hêv abô hadêŋ nê bêŋbêŋ êbôk da lôk Sanhedlin ek nesak doŋtom. Êŋ ma hawa Pol ba hi hadô hamiŋ thêlô malenŋ.

## 23

<sup>1</sup> Pol hatitiŋ Sanhedlin ma hanaŋ, “Aiyaŋ thêlô, yahadum Wapômbêŋ anêŋ ku dedauŋ mavi hêk Wapômbêŋ ma ba yakapôlôŋ miŋ hanaŋ ya bêŋ hathak nômlate ami aleba lêk.” <sup>2</sup> \*Êŋ ma anyô bêŋ habôk da Ananias hanaŋ hadêŋ nê takatu ba imiŋ habobo yani ek nepetav yani abôlêk. <sup>3</sup> \*Ma Pol hanaŋ, “Lemvimkupik ma thêthê mavi, ma doŋtom kapôlôm ma lôŋgôlôŋ ba Wapômbêŋ tem epetav o. Hômo loŋ êntêk ek onaŋ ya bêŋ esak balabuŋ, ma doŋtom oda huik balabuŋ pesa ba honaŋ nena nepetav ya.”

<sup>4</sup> Ma nê takatu ba imiŋ habobo yani enaŋ, “Honaŋ abô kambom hathak Wapômbêŋ anêŋ anyô bêŋ habôk da eka?”

<sup>5</sup> \*Ma Pol hanaŋ, “Aiyaŋ thêlô, miŋ yahayala nena yani ma anyô bêŋ habôk da ami. Hatôm bôk eto nena, ‘Miŋ nonaŋ abô kambom esak anyô bêŋ atu ba hayabiŋ anêm avômalô ami.’ ”

<sup>6</sup> \*Ma Pol hayala nena avômalô Sanhedlin vi ma Sadyusi ma vi ma Palisi. Ba intu yani halam hadêŋ thêlô nena, “Aiyaŋ thêlô, wakamik ma anyô Palisi ma ya aên iyom. Ba yahêvhaviŋ nena nê takatu ba bôk ema tem nimbiyô esak loŋbô, ma hathak abô êŋ ma lêk udum abô ek ya.” <sup>7</sup> Yani hanaŋ abô êŋ ma

\* **23:2:** Jon 18:22-23      \* **23:3:** Wkp 19:15; Mat 23:27      \* **23:5:**

Kis 22:28      \* **23:6:** Ap 26:5

Palisi lôk Sadyusi enaŋ i aleba evak i vose hi ôdônju. <sup>8</sup>\*Evak i vose ek malê nena nê Sadyusi iniŋ auk nena nê ŋama tem miŋ nimbiyô esak loŋbô ami, lôk enaŋ nena aŋela lôk ŋgôk miŋ êmô ami. Ma donjom Palisi êvhaviŋ nena nô m takêŋ ma avanôn.

<sup>9</sup>Êŋ ma pôk lili bêŋ habitak ma nê lôk auk hathak abô balabuŋ doho atu ba Palisi, iviyô imiŋ ma enaŋ lôklala nena, “Yêlô miŋ lêk apôm ôpêntêk anêŋ kambom la ami. Betha ŋgôk mena aŋela te hanan abô êŋ hadêŋ yani la.” <sup>10</sup>Ma leŋiŋ maniŋ halumbak hi bêŋ ba anyô vovak laik môŋ hakô nena tem nêbôv Pol endeba itip ni lovian. Ba intu hanan hadêŋ nê vovak nena nêbôv Pol vê ênjêk i ba neja ba ini iniŋ loŋ.

<sup>11</sup>\*Wak êŋ anêŋ bôlôvôn ma Anyô Bêŋ hamiŋ habobo Pol ma hanan, “Umiŋ lôklokwan ma miŋ ôkô ami! Bôk honan abô hathak ya bêŋ hamiŋ Jelusalem ma tem onaŋ imiŋ Lom aêŋ iyom.”

*Avômalô Israe l evak abô ek nijik Pol vônô*

<sup>12</sup>Haviyô hayaŋ ma avômalô Israe l doho ethak donjom ma evak abô hathak Wapômbêŋ anêŋ athêŋ nena, “Alalô miŋ hatôm nanŋan nô m lo nanum ŋan ami endeba nanŋik Pol vônô am.” <sup>13</sup>Nê takatu ba evak abô êŋ, ma hatôm 40 ba havôhi. <sup>14</sup>Ma thêlô i êyô nê bêŋbêŋ êbôk da lôk nê bêŋbêŋ Israe l ma enaŋ, “Yêlô avak abô hathak Wapômbêŋ anêŋ athêŋ nena miŋ hatôm anŋan nô m lo nanum ŋan ami endeba nanŋik Pol vônô am. <sup>15</sup>\*Aêŋ ba môlô lôk Sanhedlin nô nê m abô êndêŋ anyô vovak laik môŋ ba nosau yani nena neja Pol êlê m êndêŋ

\* 23:8: Mat 22:23

\* 23:11: Ap 27:24; 28:16,23

\* 23:15: Ap 25:3

môlô ek nonaᅇ injik yani liᅇ ek enaᅇ anêᅇ abô doho anêᅇ ôdôᅇ bêᅇ. Ek malê nena yêlô lêk apesaᅇ i yôv ek naᅇgik yani vônô êndôk loᅇôndê.”

<sup>16</sup> Ma donᅇtom Pol livavi anêᅇ namalô halaᅇô abô takatu ba thêlô ibutiᅇ. Ma hi ᅇê vovak iniᅇ loᅇ kapô ma hanaᅇ hadêᅇ Pol. <sup>17</sup> Pol halaᅇô anêᅇ abô, êᅇ ma halam anyô vovak laik te halêm ma hanaᅇ, “Ondom anyô muk êntêk ni anyô vovak laik môᅇ ek enaᅇ anêᅇ abô te êndêᅇ yani.” <sup>18</sup> Êᅇ ma anyô vovak laik êᅇ hawa yani ba hi hadêᅇ anyô vovak laik môᅇ ma hanaᅇ, “Pol anyô koladôᅇ halam ya ek yanja anyô muk êntêk êlêm êndêᅇ o. Ek malê nena anêᅇ abô te hêk ek enaᅇ imbiᅇ o.”

<sup>19</sup> Êᅇ ma anyô vovak laik môᅇ havalonᅇ anyô muk atu baᅇ ba halom yani hi daim dokte ma hanaᅇ hik yani liᅇ, “Hudum ek onaᅇ malê êndêᅇ ya?” <sup>20</sup> Ma ôpatu hanaᅇ, “Avômalô Israeᅇl lêk evak abô ek nenaᅇ injik o liᅇ nena yamuᅇ ma nêm Pol êndêᅇ Sanhedlin. Thêlô esau nena tem nenaᅇ injik Pol liᅇ esak anêᅇ abô doho anêᅇ ôdôᅇ. <sup>21</sup> Ma miᅇ ondanô iniᅇ abô ami. Thêlô ma hatôm 40 ba havôhi evak abô majaᅇ hathak Wapômbêᅇ anêᅇ athêᅇ nena miᅇ hatôm nejaᅇ nôᅇ lo ninum ᅇaᅇ ami endeba nijik Pol vônô am. Ma lêk epesaᅇ i yôv ba êmô loᅇôndê ek nijik yani vônô, ma donᅇtom eyabiᅇ o ek ôndôk esak iniᅇ abô am.”

<sup>22</sup> Ma anyô vovak laik môᅇ hatak anyô muk atu ba hi ma hanaᅇ lôklokwaᅇ nena, “Miᅇ onaᅇ êndêᅇ anyôla nena honaᅇ abô êntêk hadêᅇ ya ami.”

*Anyô vovak laik môᅇ hêv Pol hadêᅇ Peliks*

<sup>23</sup> Êñ ma anyô vovak laik môñ halam nê vovak laik ju ma hanañ, “Nusup nê vovak êtôm 200 takatu ba even pik lôk 70 takatu ba êyô êmô bokhos ma 200 takatu ba ik vovak hathak kôm janak ek nêpôpêk i ek dokte bôlôvôñ êtôm 9 kilok ma ini Sisalia. <sup>24</sup> Ma nopesañ bokhos doho ek Pol ek noja yani dedaun mavi endeba notak êndôk Peliks anyô bêñ atu ba hayabiñ Judia bañ.” <sup>25</sup> Lôk hato kapya te aêntêk:

<sup>26</sup> Ya Klodias Lisias, yahato kapya êntêk hadêñ o Peliks,

O ma anyô bêñ mavi atu ba hoyabiñ Judia. Wاكلêvôñ mavi o!

<sup>27</sup> \*Nê Israeal evaloñ anyô êntêk ba idum ek nijik yani vônô, ma donjom bôk yahalañô yôv nena yani ma anyô Lom te. Ba intu ya lôk yenañ nê vovak ayô aêv yani sa. <sup>28</sup> \*Ma yalenhaviñ yandañô nena avômalô Israeal lenjndañ ba enañ ôpêntêk bêñ hathak malê. Ba intu yahawa yani hi hadêñ iniñ Sanhedlin. <sup>29</sup> Ma iniñ abô takatu ba enañ hathak yani ma hathak Israeal da iniñ balabun, ma miñ yahapôm abôla hatôm nanjik yani vônô mena nandô yani êmô koladôñ ami.

<sup>30</sup> \*Ma yahalañô nena nê Israeal doho evak abô ek nijik yani vônô, ba intu yahêv yani kethen oyañ ba hathôk ek o. Ma yahanañ hadêñ nê takatu ba enañ yani bêñ nena thêlôda nenañ abô êñ bêñ êndêñ o.

<sup>31</sup> Hato kapya êñ yôv, ma hêv hadêñ anêñ nê vovak. Ma thêlô esopa anêñ abô takêñ ma ewa Pol

---

\* **23:27:** Ap 21:30-33; 22:25-27    \* **23:28:** Ap 22:30    \* **23:30:** Ap 23:16-23; 24:1-9

ba i malak Antipatlis hadêḡ bôlôvônḡ. <sup>32</sup> Ma haviyô hayaḡ ma ḡê êyô êmô bokhos iyom ewa Pol ba i Sisalia. Ma ḡê vovak vi êvôi iniḡ loḡ hathak loḡbô. <sup>33</sup> Ma ḡê bokhos êyô Sisalia, êḡ ma êv kapyā atu lôk Pol hadêḡ anyô bêḡ hayabiḡ Judia. <sup>34</sup> Ma hasam kapyā êḡ ma hanaḡ hik Pol liḡ, “O anêḡ plovins alê?” Ma Pol hanaḡ, “Ya anêḡ Silisia.” <sup>35</sup> Ma ôpêḡ hanaḡ, “Nê takatu ba idum abô ek o êyô, ma tem yandaḡô anêḡ abô.” Ma hanaḡ ek ḡê vovak doho neyabiḡ Pol êmô unyak bêḡ atu ba Helot bôk halav bô.

## 24

### *Nê bêḡbêḡ anêḡ Israeḡ idum abô ek Pol*

<sup>1</sup> Wak bahenḡvi hale ba hi, ma Ananias anyô bêḡ habôk da lôk Israeḡ iniḡ ḡê bêḡbêḡ doho ma Tetulus ôpatu ba ewa hatôm iniḡ anyô indum abô, thêlô sapêḡ êlôk ba i Sisalia. Ma enaḡ Pol bêḡ hadêḡ Peliks anyô bêḡ atu ba hayabiḡ avômalô Judia. <sup>2-3</sup> Ewa Pol ba êyô loḡ nedaḡô abô. Êḡ ma Tetulus hanaḡ Pol anêḡ kambom bêḡ ba hanaḡ nena, “Anyô bêḡ Peliks, o anyô mavi anôḡ. Hoyabiḡ yêlô mavi anôḡ ba intu yêlô amô labali mavi. Ma hathak anêḡ auk mavi hopesaḡ nôḡ takatu ba bôk hêv malaiḡ hadêḡ yêlô ba lêk habitak mavi hathak loḡbô. Aêḡ ba yêlô lôk avômalô lomalak nena-nena sapêḡ anaḡ leniḡmavi anôḡ hathak nôḡ takêḡ hatôm wak nôḡbêḡ intu sapêḡ. <sup>4</sup> Ma kambom ek yambaloḡ o loḡ bêḡ anôḡ lôk nanêḡ malaiḡ êndêḡ o ba intu lem ek yêlô ba ondaḡô yêlôaniḡ abô bidonḡna êntêk.

5 \* “Ôpêntêk hêv malaiņ bêt anôt hadêt yêlô ba hik avômalô Israeġ kapôlôņiņ liņ havenņ pik sapêt. Yani ma anyô bêt ek ôdôt lukmuk te atu ba esopa anyô Nasalet atu anêt abô kambom. 6-8 \* Ma yani hadum ek imbuliņ yêlôaniņ unyak mathen ba imbitak lelaik ênjêk Wapômbêt ma. Ba intu yêlô avaloņ yani.\* Oda onañ injik ôpêt liņ ma tem oyala nena abô takatu ba yêlô anañ hathak yani ma avanôt.”

9 Tetulus hanaņ abô takêt yôv ma avômalô Israeġ takatu ba iviņ yani ik Tetulus anêt abô loņ haviņ ba enañ nena abô takatu ba hanaņ ma avanôt.

10 Ma anyô bêt atu habi baņ hadêt Pol nena enañ anêt abô. Êņ ma Pol hanaņ viyaņ, “Yahayala nena hoyabiņ avômalô Judia sondabêt bêt anôt ba holaņô iniņ abô ba hopesaņ thêthôt. Ba intu yalenmavi ek yanaņ yenaņ abô bêt êndêt o ek ope-saņ. 11 Ma onañ injik anyô doho liņ ma tem ôpôm nena wak laumiņ ba lahavuju iyom intu hale ba hi ma yaha Jelusalem ek yanêm yeņ. 12 Ma wak êņ ma nêt Israeġ takatu ba enañ ya bêt miņ êyê yahanañ abô lôk vovak hadêt anyôla hamô unyak mathen ami, lôk miņ yahabi avômalô leņiņ hamô malak yeņ la mena loņ la hamô malak bêt Jelusalem haviņ ami. Mi. 13 Abô kambom takatu ba enañ hathak ya, abôla miņ hêk ek injik thô nena iniņ

---

\* 24:5: Ap 17:6 \* 24:6-8: Ap 21:28-30 \* 24:6-8: Nê lôkauk vi enañ nena abô doho atu ba Luk hato ma hêk denañ. Abô êņ ma aêntêk: Ma leņiņhaviņ nanaņ yani bêt esak yêlôaniņ abô balabuņ. Ma doņtom anyô vovak laik môņ Lisias halêm ma havôv yani vê hêk yêlô. Ma hanaņ nena nêt takatu ba idum ek nenaņ yani bêt, nêlêm nindum abô esak o.

abô ma avanôḡ ami. <sup>14</sup> Ma doḡtom abô êntêk ma abô avanôḡ: Yahêv yeḡ hadêḡ bumalô thêlô iniḡ Wapômbêḡ ba yahasopa Yisu anêḡ loḡôndê atu ba elam nena loḡôndê lokbaḡ. Ma yahêvhaviḡ Mose anêḡ balabuḡ lôk plopet iniḡ abô takatu ba bôk eto. <sup>15</sup>\*Ma ya hatôm ḡê takêntêk ba yahêv yamaleḡ ek Wapômbêḡ injik avômalô taksêbôk ba bôk ema yôv liḡ, avômalô thêthôḡ lôk avômalô kambom. <sup>16</sup>Aêḡ ba wak nômbêḡ intu sapêḡ ma ya lôklokwaḡ ek yakapôlôḡ êḡjêk mabuḡ ma kambom mi êḡjêk Wapômbêḡ lo avômalô maleḡiḡ.

<sup>17</sup> “Bôk yahatak Jelusalem sondabêḡ doho ma lêk yahavôhalêm ek yanêm wapôm êndêḡ yenaḡ avômalô Israeḡ takatu ba êv i sêkêya lôk yambôk da êndêḡ Wapômbêḡ. <sup>18</sup>\*Yaha unyak mathenḡ anêḡ piklêvôḡ ma yahadum nôm êḡ lôk yahasopa kobom yambitak mabuḡ êḡjêk Wapômbêḡ ma. Êḡ ma thêlô êpôm ya. Avômalô bêḡ anôḡ miḡ êmô haviḡ ya ami lôk miḡ yahadum thôthô bêḡ ami. Mi. <sup>19</sup>Avômalô Israeḡ doho anêḡ plovinḡ Esia iniḡ abôla hamiḡ ek nenaḡ ya bêḡ, êḡ ma mavi ek thêlô nêlêm nimiḡ malem ma nenaḡ ya bêḡ. Ma doḡtom ḡê êḡ la miḡ halêm ami. <sup>20</sup>Ba intu onaḡ ek ḡê takatu ba lêk êmô nenaḡ yenaḡ kambom takatu ba bôk êpôm hadêḡ waklavôḡ atu ba idum abô ek ya hamiḡ Sanhedlin maleḡiḡ bêḡ. <sup>21</sup>\*Betha thêlô êpôm yenaḡ kambom doḡtom iyom la. Kambom êḡ ma bôk yahalam hamiḡ thêlô maleḡiḡ nena, ‘Yahêvhaviḡ nena Wapômbêḡ tem injik avômalô ḡama liḡ esak loḡbô. Ma hathak nôm êḡ iyom intu

---

\* **24:15:** Jon 5:28-29    \* **24:18:** Ap 21:17-28    \* **24:21:** Ap 23:6

lêk môlô udum abô ek ya.' ” Pol hanaŋ aêŋ.

<sup>22</sup> \*Peliks bôk halaŋô abô bêŋ anôŋ hathak avômalô takatu ba esopa Yisu anêŋ loŋôndê. Ba intu hakak abô daŋ siŋ ba hanaŋ nena, “Anyô vovak laik môŋ Lisias halêm hayô ma tem yanaŋ yenaŋ auk bêŋ esak anêm abô.” <sup>23</sup> Ma hanaŋ hadêŋ sôp bidon nena etak yani êndôk koladôŋ, ma donjom nepole yak sêŋ vê ênjêk yani baŋ ek êmô oyaŋ ma anêŋ nê môlô êyô ma netak i ek nênem yani sa.

### *Eyabiŋ Pol hamô Sisalia*

<sup>24</sup> Wak doho hale ba hi ma Peliks lôk yanavi Dlusila, yani ma avi Israel te, i êyô iniŋ loŋ ekaksa halôk. Ma Peliks dalam Pol halêm ma halaŋô Pol hanaŋ abô hathak anêŋ hêvhaviŋ Yisu Kilisi. <sup>25</sup> Ma hanaŋ abô hathak loŋôndê thêthôn lôk bôk lo loŋ nipuk i loŋ lôk waklavôn Wapômbêŋ tem indum abô, êŋ ma Peliks hakô ba hanaŋ, “Lêk hatôm, ma nu. Ma wakla ya ku mi, ma tem yanêm abô ek ôlêm esak loŋbô.” <sup>26</sup> Peliks lahavi nena Pol tem nêm valu doho êndêŋ yani ek indum yani lamavi ek nêm Pol sa. Ba intu dalam Pol lôbôlôn ek thai nenaŋ abô.

<sup>27</sup> Sondabêŋ ju hale ba hi ma Posias Pestas hawa Peliks anêŋ ku. Ma Peliks lahaviŋ indum avômalô Israel lenjŋmavi ba intu hadô Pol hamô koladôn denaŋ.

## 25

### *Idum abô ek Pol hamiŋ Pestas ma*

---

\* **24:22:** Ap 23:26



1 Pestas hawa ku eyabin Judia ba hamô Sisalia hatôm wak lô. Vêm ma hi Jelusalem. 2 \*Êḡ ma ḡê bêḡbêḡ êbôk da lôk ḡê bêḡbêḡ Israeḡ i hadêḡ yani ma enaḡ Pol bêḡ. 3 \*Ba enaḡ nena, “Lemmavi hathak yêlô, êḡ ma nêḡm ôpêntêk ba êlêḡm Jelusalem ek indum abô.” Ma doḡtom inin auk loḡ kapô ma bôk evak abô ek netak anyô doho ek nekopak êḡmô loḡôndê ek nijik Pol vônô. 4 Ma Pestas hanaḡ inin abô viyaḡ nena, “Pol ma eyabin hamô Sisalia. Ma tem yana Sisalia esak loḡbô. 5 Ba intu nônêḡm unim ḡê bêḡbêḡ doho nêlêḡm imbiḡ ya ek nenaḡ kambom takatu ba onaḡ nena bôk hadum bêḡ êḡndôk loḡ êḡ.”

6 Pestas hamô haviḡ thêlô hatôm wak bahenḡvi ba lahavulô mena laumiḡ la vêm ma halôk ba hi Sisalia hathak loḡbô. Ma haviyô hayaḡ ma hi loḡ idum abô ma hanaḡ ek neja Pol ba ini loḡ êḡ. 7 \*Pol hayô, êḡ ma ḡê Israeḡ takatu ba êlêḡm anêḡ Jelusalem ekalabu yani siḡ ma enaḡ yani bêḡ hathak abô malaiḡ lomaloma, ma doḡtom inin abô miḡ hatôm injik nôḡla thô nena inin abô ma avanôḡ ami. 8 Êḡ ma Pol hanaḡ inin abô viyaḡ nena, “Miḡ yahadum kambom la hathak Israeḡ inin balabuḡ lôk inin unyak mathenḡ ma Sisa anêḡ abô majaḡ ami. Milôk.”

9 Ma doḡtom Pestas lahaviḡ indum avômalô Israeḡ leḡiḡmavi ba hanaḡ hadêḡ Pol, “Lemmavi ek nu Jelusalem ek yandaḡô anêḡm abô takêntêk êḡndôk loḡ êḡ e?”

10 Ma Pol hanaḡ, “Unyak êntêk lêk yahamiḡ, êḡ ma Sisa anêḡ unyak idum abô halôk. Ya ma anyô

---

\* 25:2: Ap 24:1    \* 25:3: Ap 23:15    \* 25:7: Ap 24:5-6

Lom ba intu loŋ êntêk ma thêthôn ek yandum abô êndôk. Ma oda hoyala nena miŋ yahadam nômla kambom hadêŋ avômalô Israeal ami. <sup>11</sup> Ma yahadam nômla kambom ba abô majan hanaŋ nena yama, êŋ ma mavi ek nijik ya vônô. Ma donjom abô takêntêk ba thêlô enaŋ hathak ya miŋ avanôn ami, êŋ ma miŋ mavi ek otak ya êndôk thêlô bahenŋ ami. Ba intu yalenhaviŋ Sisa da endanô yenaŋ abô êndôk Lom.”

<sup>12</sup> Pestas halaŋô abô êŋ ma hanaŋ abô haviŋ anêŋ nê lôkauk vêm ma hanaŋ bêŋ nena, “Holam Sisa ek endanô anêm abô ba intu tem nu ek Sisa endanô.”

*Pestas hanaŋ abô haviŋ Kiŋ Aglipa hathak Pol*

<sup>13</sup> Wak doho hale ba hi ma Kiŋ Aglipa lo livavi Benaisi êlêm Sisalia ek nênmê lenŋmavi êndêŋ Pestas. <sup>14</sup> \*Thai êmô loŋ êŋ wak bêŋ anôn ma wak te ma Pestas hanaŋ abô hathak Pol hadêŋ kiŋ ba hanaŋ nena, “Anyô te hamô loŋ êntêk ba Peliks bôk hatak yani halôk koladôn. <sup>15</sup> Wak atu ba yaha Jelusalem ma nê bêŋbêŋ êbôk da lôk Israeal iniŋ nê bêŋbêŋ enaŋ ôpêntêk anêŋ kambom bêŋ, ba enaŋ ek yandum abô ba yanaŋ nena hadum kambom ek batu nijik yani vônô. <sup>16</sup> Ma yahanan hadêŋ i nena, ‘Yêlô Lom iniŋ abô majan hanaŋ aêntêk, yêlô miŋ hatôm nanjik anyô te vônô oyaŋ ami. Mi, môŋ ma imiŋ nê takatu ba idum abô hathak yani maleŋiŋ ek endanô iniŋ abô. Vêm ma enaŋ iniŋ abô viyaŋ.’ <sup>17</sup> Thêlô iviŋ ya ba êlêm, êŋ ma miŋ yahayabiŋ wak doho ami. Mi, haviyô hayaŋ ma yaha loŋ idum abô ba yahanan ek neja Pol ba nêlêm.

---

\* **25:14:** Ap 24:27

18 Ma nê takatu ba idum abô ek yani iviyô imin ma yahason nena tem nenan yani anêñ kambom anôñ la bêñ, ma doñtom mi. 19 Thêlô enañ hathak loñôndê takatu ba nesopa inin Wapômbên ba enañ nena Pol min hasopa loñôndê êñ thêthôn ami. Lôk enañ hathak anyô ñama te anêñ athên nena Yisu atu ba Pol hanañ nena hamô lôkmala. 20 Min yahapôm loñôndê la hatôm yapesañ malain êñ ami. Ba intu yahanañ hik yani lin nena, ‘Lemhavin nu Jelusalem ek yandañô anêm abô êñ êndôk loñ êñ e?’ 21 Ma doñtom yani hanañ nena yani lahavin Sisa endañô anêñ abô êndôk Lom. Ba intu yahanañ hadên yenañ nê vovak nena neyabin yani endeba yanêm yani ni Lom ek ênjê Sisa.”

22 Êñ ma Aglipa hanañ hadên Pestas, “Yalenhavin yandañô ôpên da anêñ abô.” Ma Pestas hanañ viyan, “Mavi, biyamôn ma tem ondañô.”

### *Pol hamin Aglipa ma*

23 Haviyô hayañ ma Aglipa lo Benaisi ik inin nômkama kêkêlô ba i malak bêñ atu ethak elañô abô halôk. Ma nê vovak laik môñ lôk nê bêñbêñ malak êñ êlêm haviñ thai. Ma Pestas hanañ ba ewa Pol halêm.

24 Ma Pestas hanañ, “Kin Aglipa lôk môlô avômalô takatu ba lêk ômô haviñ yêlô. Ôpêntêk ma avômalô Israel sapên anêñ Jelusalem lôk loñ êntêk bôk elam lôklala hadên ya ek yandôk esak inin abô ba yanañ ek nijik ôpêntêk vônô. 25 Ma doñtom min yahapôm ôpêntêk anêñ kambomlate hatôm yanañ ek nijik yani vônô ami. Ma yanida lahavin ni ek Sisa endañô anêñ abô ba intu tem yanêm yani ni ek ênjê Sisa. 26 Ma doñtom yato malê esak yani êndôk

kapya êntêk êndêᶇ anyô bêᶇ Sisa? Ba intu yahawa yani halêm ek o, Kiᶇ Aglipa, lôk mômô sapêᶇ ek alalô nadaᶇô anêᶇ abô katô ek apôm ôpêᶇ anêᶇ malaiᶇ anêᶇ ôdôᶇ bêᶇ, êᶇ ma tem yato êndôk kapya êntêk. <sup>27</sup> Yanêm anyô koladôᶇ te oyaᶇ ni êndêᶇ Sisa ma miᶇ yahato abô atu ba enaᶇ yani bêᶇ hathak halôk kapya ami, êᶇ ma kambom.”

## 26

### *Pol hamiᶇ Kiᶇ Aglipa ma*

<sup>1</sup> Êᶇ ma Aglipa hanaᶇ hadêᶇ Pol, “Yahêv thalek ek onaᶇ anêm abô.”

Ma Pol hêv baᶇ liᶇ ma hanaᶇ anêᶇ abô nena, <sup>2</sup> “Kiᶇ Aglipa, tem yaᶇgik thô nena ᶇê Israeᶇ iniᶇ abô takatu ba enaᶇ hathak ya ma miᶇ abô avanôᶇ ami. Yalenᶇmavi anôᶇ ek yanaᶇ abô êᶇ imiᶇ malem <sup>3</sup> ek malê nena o ma anyô lôkauk bêᶇ hathak yêlô Israeᶇ iniᶇ kobom sapêᶇ. Ma hoyala abô takatu ba yêlô avak i vose hathak. Aêᶇ ba yahalaᶇ hadêᶇ o nena ondanô yenaᶇ abô vêmam.

<sup>4</sup> “Avômalô Israeᶇ sapêᶇ bôk eyala yenaᶇ bôk lo loᶇ takatu ba yahasopa hadêᶇ sêbôk atu ba ya yaôna ba yahamô yenaᶇ loᶇ aleba lêk. Lôk eyala loᶇôndê takatu ba yahasopa hamô Jelusalem haviᶇ. <sup>5</sup> \*Thêlô bôk eyala ya bô ba hatôm nenaᶇ nena ya ma Palisi te. Palisi ethak esopa Wapômbêᶇ lôk anêᶇ balabuᶇ lôklokwaᶇ ba êmôᶇ ek Israeᶇ iniᶇ ôdôᶇ vi. <sup>6</sup> \*Ma yahathak yahêv yamaleᶇ ek malêla takatu ba Wapômbêᶇ bôk havak abô haviᶇ bumalô thêlô ek nêm. Ma hathak ôdôᶇ êᶇ, ma lêk idum

---

\* **26:5:** Plp 3:5-6      \* **26:6:** Ap 23:6; 28:20

abô ek ya. <sup>7</sup> Yêlô ma lodô<sub>η</sub>lodô<sub>η</sub> hatôm laumin ba lahavuju, ma wak lo bôlôvô<sub>η</sub> ma athak aêv ye<sub>η</sub> lôklokwa<sub>η</sub> hadê<sub>η</sub> Wapômbê<sub>η</sub> lôk aêv male<sub>η</sub> ek nô<sub>m</sub> takatu ba yani bôk havak ek nê<sub>m</sub> injik anê<sub>η</sub> anô<sub>η</sub>. Ki<sub>η</sub>, yahê<sub>v</sub> yamale<sub>η</sub> ek nô<sub>m</sub> takê<sub>η</sub> ba intu lêk avômalô Israe<sub>l</sub> ena<sub>η</sub> ya bê<sub>η</sub>. <sup>8</sup> Aisê ka môlô doho lemimhabi nena Wapômbê<sub>η</sub> mi<sub>η</sub> hatôm injik nê<sub>η</sub> nama li<sub>η</sub> esak lo<sub>η</sub>bô ami e?

<sup>9</sup> \*<sup>9</sup>“Sêbôk ma yena<sub>η</sub> auk thekthe<sub>k</sub> ek yandum nô<sub>m</sub>kama bê<sub>η</sub> anô<sub>η</sub> ek yami<sub>η</sub> avômalô takatu ba esopa Yisu anê<sub>η</sub> Nasalet lo<sub>η</sub> si<sub>η</sub> ek mi<sub>η</sub> nesopa ami. <sup>10</sup> Ma bôk yahadum aê<sub>η</sub> have<sub>η</sub> Jelusale<sub>m</sub>. Nê bê<sub>η</sub>bê<sub>η</sub> êbôk da anê<sub>η</sub> lo<sub>η</sub> ê<sub>η</sub> bôk ê<sub>v</sub> athê<sub>η</sub> hadê<sub>η</sub> ya ba intu yahavalon<sub>η</sub> avômalô mathen<sub>η</sub> bê<sub>η</sub> anô<sub>η</sub> ba yahadô i hamô koladô<sub>η</sub>. Ma ik i vônô ma yahalôk hathak ini<sub>η</sub> auk ê<sub>η</sub> havi<sub>η</sub>. <sup>11</sup> Ma wak bê<sub>η</sub> anô<sub>η</sub> ma yaha unyak ye<sub>η</sub> nenanena ek yanê<sub>m</sub> vova<sub>η</sub> êndê<sub>η</sub> i. Lôk yahabi thêlô le<sub>η</sub>i<sub>η</sub> li<sub>η</sub> ek nena<sub>η</sub> abôma esak Yisu. Yalen<sub>η</sub>mani<sub>η</sub> kambom anô<sub>η</sub> hathak thêlô ba intu yaha malak lô<sub>η</sub> takatu ba ê<sub>m</sub>ô lo<sub>η</sub> buya<sub>η</sub> ek yanê<sub>m</sub> malai<sub>η</sub> êndê<sub>η</sub> i imbi<sub>η</sub>.

<sup>12</sup> “Wak te ma yaha Damaskas ek yambuli<sub>η</sub> nê ê<sub>v</sub>havi<sub>η</sub> ma nê bê<sub>η</sub>bê<sub>η</sub> êbôk da ê<sub>v</sub> athê<sub>η</sub> lôk lôklokwa<sub>η</sub> hadê<sub>η</sub> ya ek yandum ku ê<sub>η</sub>. <sup>13</sup> Ki<sub>η</sub>, hatôm wakiê<sub>v</sub>ô<sub>η</sub> bi<sub>η</sub> ma yahabup hathak lo<sub>η</sub>ôndê dena<sub>η</sub> ma deda lôkma<sub>η</sub>gi<sub>η</sub> anô<sub>η</sub> te anê<sub>η</sub> le<sub>η</sub> habi hayô hêk ya lôk nê takatu ba even<sub>η</sub> havi<sub>η</sub> ya. Wak anê<sub>η</sub> deda ma yaôna lôk ek deda ê<sub>η</sub> anê<sub>η</sub>. <sup>14</sup> Ma yêlô lôkthô ê<sub>v</sub> yak halôk pik ma yahala<sub>η</sub>ô abô te halê<sub>m</sub> hadê<sub>η</sub> ya hathak abô Hiblu nena, ‘Sol, Sol, hubuli<sub>η</sub> ya eka? O hatôm bokma<sub>η</sub>kao atu ba habô<sub>i</sub> ba mi<sub>η</sub> hasopa

---

\* 26:9: Ap 8:3

anêḡ alanḡ anêḡ lahaviḡ ami ba hapam i velevele hathak kôm damoma ba hawa vovaḡ.’

15 “Ma yahananḡ, ‘Anyô Bêḡ, o opalê?’

“Ma Anyô Bêḡ hanaḡ, ‘Ya ma Yisu atu ba hubulinḡ. 16 Umbiyô umiḡ. Yahik ya thô hadêḡ o ek yatak o ek umbitak yenaḡ anyô ku. Ma tem onaḡ abô esak nôḡ takatu ba lêk hôyê lôk nôḡ takatu ba tem yaḡgik thô êndêḡ o embenḡ yam bêḡ êndêḡ avômalô. 17 Ma tem yanêḡ o bulubiḡ ênjêk anêḡ avômalô lôk avômalô loḡ buyaḡ baheḡiḡ. Ma yanêḡ o êndêḡ thêlô 18 \*ek okyav thêlô maleḡiḡ lôk nuḡgwik i liliḡ ênjêk momaḡiniḡ ni êndêḡ deda. Ma nuḡgwik thêlô liliḡ ênjêk Sadaḡ anêḡ lôklokwaḡ ni êndêḡ Wapômbêḡ anêḡ lôklokwaḡ ek yanêḡ iniḡ kambom vê lôk neja loḡ imbiḡ avômalô takatu ba bôk ibitak mathenḡ hathak iniḡ êvhaviḡ ya.’

19 “Aêḡ ba, Kiḡ Aglipa, wêḡ atu ba yahayê anêḡ leḡ ma yahawê anêḡ abô vibinḡ. 20 Ma yahananḡ Abô Mavi hadêḡ avômalô ek nede kapôlôḡiḡ liliḡ êndêḡ Wapômbêḡ ma nindum kobom thêthôḡ ek injik thô nena avanôḡ lêk ele kapôlôḡiḡ liliḡ yôv. Môḡ ma yahananḡ abô êḡ halôk Damaskas vêḡ ma Jelusalem lôk Judia sapêḡ aleba yahananḡ abô êḡ hadêḡ ḡê loḡ buyaḡ haviḡ. 21 Aêḡ ba intu avômalô Israeḡ evaloḡ ya hêk unyak mathenḡ anêḡ piklêvôḡ ma idum ek nijik ya vônô. 22 Ma donḡtom Wapômbêḡ hêv ya sa aleba lêk. Ba intu yahamiḡ loḡ êntêk ba yahananḡ abô hadêḡ ḡê athêḡ mi lôk ḡê athêḡ bêḡ haviḡ. Ma abô takatu ba yahananḡ ma miḡ abô yaḡda ami. Mi, abô êḡ iyom intu plopet

---

\* **26:18:** Ais 42:16; Ep 2:2; Kol 1:13

lo Mose bôk enañ nena tem imbitak. <sup>23</sup> \*Ba enañ Mesia tem enja vovañ ba ema, ma tem imbiyô môn ek avômalô nana sapên ba enañ abô esak deda êndên anên avômalô Israël lôk avômalô loñ buyañ imbiñ.”

<sup>24</sup> Pol hanañ abô denañ ma Pestas dalam lôklala nena, “Pol, anêm auk lêk hêv yak! Auk bêt takatu ba howa ma lêk hadum o hubitak anyô molo.”

<sup>25</sup> Ma Pol hanañ, “Anyô bêt Pestas, abô takatu ba yahanañ ma thêthôn ma avanôn biñ. Ma miñ ya molo ami. <sup>26</sup> Ma nôm takên ma hêk loñ yain ma miñ hêk loñ kapô ami. Ba intu Kiñ Aglipa miñ hatôm êsôn ami. Mi, yani bôk hayala nôm takên yôv ba intu yahanañ abô takên bêt hadên yani. <sup>27</sup> Kiñ Aglipa, hôêvhaviñ plopet iniñ abô takatu ba bôk eto bô mena mi e? Yahayala nena hôêvhaviñ.”

<sup>28</sup> Ma Aglipa hanañ hadên Pol, “Hoson nena sawa bidon êntêk hatôm undum ba yambitak Kilisi anên anyô te e?”

<sup>29</sup> Ma Pol hanañ, “Sawa bidon mena sawa daim, ma donjom yalenhabi nôm donjom iyom ba intu yahaten mek hadên Wapômbên nena o lôk avômalô takatu ba lêk elañ yenañ abô, môlô lôkthô numbitak êtôm ya. Ma donjom yahadô señ embalon môlô loñ êtôm êntêk lêk havalon ya loñ.”

<sup>30</sup> Pol hanañ abô ên, ma Kiñ Aglipa lôk anyô bêt hayabiñ Judia ma Benaisi lôk nê takatu ba êmô haviñ thêlô, lôkthô iviyô imiñ <sup>31</sup> ma etak loñ ên ba i. Ma thêlôda enañ hadên i nena, “Anyô êntêk miñ hadum nômlate kambom ek nijik yani vônô mena nêndô êmô koladôn ami. Mi.” <sup>32</sup> Ma Aglipa hanañ

\* **26:23:** Luk 24:44-47; 1Ko 15:20

hadêᶇ Pestas nena, “Ôpêntêk bôk halam Sisa yôv ek endañô anêᶇ abô. Ma mi, ma tem nanêm yani vê ba ni.”

## 27

### *Nê vovak ewa Pol ba i Lom*

<sup>1</sup> Havenᶇ yam ma thêlô epesaᶇ abô ek Pol lôk nê koladôᶇ doho neja yeᶇ ba ini pik bêᶇ Itali. Ma etak thêlô halôk anyô vovak laik te baᶇ, yani anêᶇ athêᶇ nena Julias. Yani hayabiᶇ Sisa anêᶇ nê vovak ôdôᶇ takatu ba lôkmaᶇgiᶇ anôᶇ. <sup>2</sup>\*Thêlô ethak yeᶇ te ma yai lôk anyô Tesalonaika te anêᶇ athêᶇ nena Alistakas athak yeᶇ êᶇ haviᶇ ba yêlô a. Tesalonaika ma hamô plovins Masedonia kapô. Yeᶇ êᶇ halêm anêᶇ loᶇ Adlamitiam ma hadum ek ni lomalak nenanena takatu ba hamô plovins Esia kapô.

<sup>3</sup> Haviyô hayaᶇ ma yêlô athak Saidon ma Julias hadum mavi hadêᶇ Pol ba hatak yani ek ni ênjê anêᶇ avômalô môlô ek nêᶇnêm yani sa esak nômkama takatu ba yani mi. <sup>4</sup>Yêlô atak Saidon ba a ma lovak bêᶇ te hayuv yêlô vôkê ba intu yêlô asopa Ngavithôm Saipulus vidôm. <sup>5</sup> Ma yeᶇ halom hêk ᶇgwêk malêvôᶇ biᶇ hêk plovins Silisia lo Pampilia aleba athak Maila anêᶇ plovins Lisia. <sup>6</sup> Loᶇ êᶇ ma anyô vovak laik atu hayê yeᶇ te halêm anêᶇ Aleksandlia ba hadum ek ni Itali. Ba hawa yêlô hathak yeᶇ êᶇ. <sup>7</sup> Ma lovak hayuv kambom ba intu yeᶇ hi yaôyaô hatôm wak bêᶇ anôᶇ ba hêv malaiᶇ bêᶇ ek yeᶇ ni esak Naidas. Hayô habobo Naidas, êᶇ ma lovak bêᶇ hayuv ba yeᶇ miᶇ hatôm esopa

---

\* 27:2: Ap 19:29



yeŋ anêŋ loŋ atu ba hathak halom ba hi Itali ami. Ba intu yeŋ hik i liliŋ ba halom hêk Ngavithôm Klit anêŋ viyaiŋ ba hi habobo loŋ te anêŋ athêŋ nena Salmoni. <sup>8</sup> Yeŋ anêŋ ñê ku idum ku bêŋ ba yêlô asopa ñgwêk daŋ iyom aleba ayô loŋ atu elam nena Loŋ Mavi Ek Yeŋ Êmô. Loŋ êŋ hamô habobo malak Lasia.

<sup>9</sup> Wak bêŋ anôŋ bôk hale ba hi yôv lôk Islael iniŋ waklavôŋ Evak Balabuŋ Ek Nôm bôk hale ba hi haviŋ ba intu lêk ma waklavôŋ kambom ek yeŋ embenŋ ñgwêk. Êŋ ma Pol hanaŋ hadêŋ thêlô, <sup>10</sup> “Aiyariŋ thêlô, yahayala nena alalô a ma malaiŋ bêŋ tem êpôm alalô ba imbuliŋ yeŋ lôk nômkama takatu ba hamô yeŋ ma alalô bêŋ anôŋ tem nama imbiŋ.” <sup>11</sup> Ma doŋtom anyô vovak laik hasopa anyô hawa yeŋ lôk yeŋ anêŋ alaŋ iniŋ abô, ma miŋ hasopa Pol anêŋ abô ami. <sup>12</sup> Loŋ Mavi Ek Yeŋ Êmô êŋ ma miŋ mavi ek yeŋ êmô êndêŋ waklavôŋ ñgwêk beleŋ lokwaŋ hik ami. Ba intu avômalô bêŋ anôŋ leŋiŋhabi nena yêlô natak loŋ êŋ ma ana Piniks ek namô loŋ êŋ endebe ñgwêk beleŋ lokwaŋ ende êndôk am. Piniks ma Ngavithôm Klit anêŋ loŋ te atu ba havova hêk ñgwêk malêvôŋ ba intu loŋ mavi ek yeŋ êmô êndêŋ waklavôŋ ôthôm beleŋ lokwaŋ.

### *Lovak bêŋ hayuv*

<sup>13</sup> Yêlô amô aleba lovak yaônate hayuv ma thêlô esonŋ nena hatôm yêlô ana mavi. Êŋ ma êvôv aŋga hathak ma idum ek nesopa Klit anêŋ ñgwêk daŋ ba ini Piniks. <sup>14</sup> Ma miŋ yêlô a daim ami ma lovak lôklokwaŋ bêŋ te hayuv yêlô vôle hêk liŋdaŋ ba yeŋ hi ñgwêk malêvôŋ biŋ. <sup>15</sup> Lovak hayuv

lôklokwan boman̄ ba yeŋ miŋ hatôm imbup êndôk  
 ŋgwêk dan̄ ami. Ba intu yêlô atak ma yeŋ hasopa  
 lovak anêŋ lahaviŋ. <sup>16</sup> Lovak hayuv yêlô vôkê  
 aleba ayô ŋgavithôm yaônate atu elam nena Kauda  
 vidôm. Ma Kauda hêk lovak loŋ siŋ dokte. Ba intu  
 yêlô avôv yêlôaniŋ yeŋ yaôna hathak ba halêm. Ma  
 doŋtom yêlô avôv mathalaleŋ kambom ek malê  
 nena lovak bêŋ hayuv denaŋ. <sup>17</sup> Thêlô êvôv yeŋ  
 yaô ba etak halôk yeŋ bêŋ kapô ma ibutiŋ yeŋ  
 lokwan̄ loŋ hathak yak balawa doho ek embalon̄  
 yeŋ loŋ. Thêlô êkô kambom nena lovak tem iyuv  
 thêlô endebe nesak thathe atu ba hamô ŋgwêk  
 malêvôŋ habobo Siltis anêŋ Aplika. Ba intu ibi  
 an̄ga halôk ŋgwêk ek embalon̄ yeŋ loŋ ek ni yaôyaô  
 dokte. <sup>18</sup> Haviyô hayaŋ ma lovak lôk ŋgwêk hik  
 yêlô kambom, ba ibi nômkama takatu ba yeŋ hawa  
 doho halôk ŋgwêk ba hi. <sup>19</sup> Ma wak te lô ma evalon̄  
 yeŋ anêŋ alokwan̄ havalon̄ sôp loŋ lôk anêŋ yak ba  
 ibi halôk ŋgwêk ba hi. <sup>20</sup> Wak bêŋ anôŋ ma yêlô  
 miŋ ayê wak lo vuliŋ ami ek malê nena lovak lôk  
 ôthôm bêŋ hayuv denaŋ ba hadum ba yêlô sapêŋ  
 akô kambom nena tem nama.

<sup>21</sup> Wak bêŋ anôŋ ma yêlô sapêŋ miŋ an̄ nôm  
 ami, êŋ ma Pol dalam thêlô hathak doŋtom ma  
 hanaŋ, “Aiyaŋ thêlô, bôk yahanan̄ nena miŋ alalô  
 natak Klit ami, ma namô vêmam. Êŋ ma tem miŋ  
 napôm malaiŋ êntêk lôk miŋ hatôm nômkama la  
 nêŋ yak ami. <sup>22</sup> Ma doŋtom lêk ma yanan̄ êndêŋ  
 môlô nena numiŋ lôklokwan̄ ma miŋ nôkô ami ek  
 malê nena anyôla tem miŋ ema ami. Mi, yeŋ  
 iyom intu tem kambom. <sup>23</sup> Bôkam ma yenaŋ alaŋ  
 Wapômbêŋ atu ba yahadum anêŋ ku anêŋ an̄jela

hamiņ habobo ya ma hanaņ, <sup>24</sup>\* ‘Pol, miņ ôkô ami. Tem umiņ Sisa ma ek undum abô. Aêņ ba ondaņô. Wapômbêņ lêk halaņô anêm mek ba ñê takatu ba êmô yeņ haviņ o, sapêņ tem nêmô lôkmala.’ <sup>25</sup> Aêņ ba numiņ lôklokwaņ ma miņ nôkô ami! Yahêvhaviņ Wapômbêņ nena tem indum ba nômkama sapêņ tem imbitak êtôm atu ba anêņ aņela hanaņ hadêņ ya. <sup>26</sup>\*Yeņ tem esak ñgavithôm te anêņ liņdaņ ma alalô sapêņ tem namô lôkmala.”

*Yeņ hathak liņdaņ*

<sup>27</sup> Ma wak te laumiņ ba lahavuva anêņ bôlôvônġ ma lovak hayuv yêlô lôklokwaņ denaņ ba yêlô amô Ngwêk Adliatik.\* Ma habobo bôlôvônġ biņ ma ñê ku yeņ elañô nena yeņ lêk habobo ñgwêk daņ. <sup>28</sup> Aêņ ba thêlô ililu yeņ anêņ lavônġiņ ma êyê nena ñgwêk anêņ daim ma lêk hatôm 37 mita. Ma yêlô a dokte ma ililu hathak loņbô ma êyê nena lêk hatôm 27 mita. <sup>29</sup> Êņ ma thêlô êkô kambom nena tem yêlô nasak valu ba ibi yeņ anêņ aņga ayova halôk yeņ layuk ma eteņ mek ek eyaņ wak bêņ kethenġ. <sup>30</sup> Ma yeņ anêņ ñê ku idum ek nêsôv ba ini. Ba intu etak yeņ yaô atu halôk ñgwêk ma esau nena imbi aņga doho halôk yeņ anêņ thohav. <sup>31</sup> Ma doņtom Pol hanaņ hadêņ anyô vovak laik lôk anêņ ñê vovak nena, “Ñê takêntêk etak yeņ ba i, ma tem mólô sapêņ noma.” <sup>32</sup> Êņ ma ñê vovak edabêņ yeņ yaô anêņ yak kisi ba hêv yak halôk ñgwêk.

<sup>33</sup> Habobo eyaņ wak bêņ ma Pol hasoņ thêlô lokwaņ ba hanaņ ek thêlô sapêņ nejaņ nôm. Ma

---

\* **27:24:** Ap 23:11 \* **27:26:** Ap 28:1 \* **27:27:** Ngwêk Adliatik hamô Meditelenian kapô habobo Itali.

hanan̄ nena, “Wak laumin̄ ba lahavuva bôk hale ba hi yôv ma môlô ômô lôk kapôlômim daluk ba min̄ oan̄ nô m ami. <sup>34</sup> Ma lêk yahanan̄ hadên̄ môlô nena tem min̄ malain̄ la êpôm môlô ami. Mi. Ba intu yahason̄ môlô lokwan̄ nena on̄gwan̄ nô m dokte ek embatho môlô lon̄ ek nô m mavi.” <sup>35</sup> Yani hanan̄ aên̄ vêm ma hawa polom ba hêv lamavi hadên̄ Wapômbên̄ hamin̄ thêlô malen̄in̄. Ma han̄gôli polom atu ba hayan̄. <sup>36</sup> Ên̄ ma anyô sapên̄ len̄in̄ halôk bin̄ ma ewa nô m ba eyan̄. <sup>37</sup> Yêlô sapên̄ atu ba amô yen̄ ma hatôm 276. <sup>38</sup> Eyan̄ nô m takatu ba len̄in̄havin̄ yôv, ma ibi wit halôk ngwêk ek yen̄ vumvum.

<sup>39</sup> Lu hayan̄ wak bên̄ hayô, ma thêlô êyê lin̄dan̄, ma don̄tom êthôn̄ lon̄ ên̄ palin̄. Ma êyê lon̄ mavi te hêk ek yen̄ êmô ba lon̄ ên̄ ma lon̄ thathe mavi. Ba intu len̄in̄habi nena nimbusin̄ yen̄ ba ni nô n nôn̄ êndên̄ lon̄ ên̄. <sup>40</sup> Ên̄ ma thêlô edabên̄ yen̄ anên̄ an̄ga takatu ba havalon̄ yen̄ lon̄ kisi ba êv yak halôk ngwêk kapô. Ma epole yak balawa takatu ba havalon̄ yen̄ anên̄ nô m nimbusin̄ vê. Ma thêlô êthôkwên̄ yen̄ anên̄ sôp lovak hathak ma lovak hayuv yen̄ hi ek esak lin̄dan̄. <sup>41</sup> Ma don̄tom yen̄ halan̄vin̄ ba hi hathak thathe atu ba hamô ngwêk malêvôn̄ ba havalon̄ yen̄ lon̄ lôklokwan̄. Ma ngwêk budum bên̄ hik yen̄ layuk aleba hapup nenanena.

<sup>42</sup> Ma nê vovak len̄in̄habi nena nijik nê koladôn̄ sapên̄ vônô ek min̄ neyam ba nêsôv ami. <sup>43</sup> Ma don̄tom anyô vovak laik lahavin̄ nê m Pol sa ba intu hêk thêlô lon̄ sin̄. Ma hanan̄ hadên̄ nê takatu ba eyala neyam nena nêsôv kisi êndôk ngwêk êmôn̄ ba neyam ba ini lin̄. <sup>44</sup> Ma takatu ba êthôn̄ neyam,

êḡ ma vi nêyô nêjêk aselenḡ ma vi neja yeḡ anêḡ nômka ma takatu hapup loselenḡ loselenḡ ba nêyô nêjêk selenḡ tomtom ba neyam ba ini liḡdaḡ. Thêlô idum aêḡ ma sapêḡ ethak liḡ mavi.

## 28

### *Pol hamô ḡgavithôm Molta*

<sup>1</sup> Yêlô sapêḡ athak liḡ mavi vêm ma ayala nena ḡgavithôm êḡ ma elam nena Molta. <sup>2</sup>\*Ma avômalô ḡgavithôm êḡ ewa yêlô thô ba idum kobom mavi anôḡ hadêḡ yêlô. Ôthôm hik ba loḡ lêk thilibuḡ kambom ba intu thêlô ebaḡ atum ek yêlô nabuḡu. <sup>3</sup>Ma Pol hasup ayôk doho ba habaḡ hathak atum ma umya kambom te hêk ayôk kapô ba atum halinḡ ba vovaḡ. Êḡ ma hale yaḡ ma hathaḡ Pol baḡ. <sup>4</sup>Ma avômalô loḡ êḡ êyê umya hakêlô hamiḡ Pol baḡ ma enaḡ hadêḡ thêlôda nena, “Avanôḡ biḡ, ôpêntêk ma anyô hik anyô vônô la. Ma doḡtom ḡḡwêk miḡ halok yani vônô ami ba intu umya hadum ek injik loḡondê thêthôḡ thô.” <sup>5</sup>\*Ma doḡtom Pol havalḡ baḡ ma umya êḡ hêv yak hayô hêk atum ma miḡ nômla hapôm yani ami. <sup>6</sup>\*Avômalô loḡ êḡ leḡḡhabḡ nena Pol liḡkupik tem isiḡ bêḡ mena nêḡ yak ba ema la. Ma doḡtom thêlô eyabiḡ aleba lêk sawa daim ma miḡ nômlate hapôm yani ami. Êḡ ma thêlô ik iniḡ auk liliḡ ma enaḡ, “Yani ma ḡḡok te la.”

<sup>7</sup>Anyô loḡ êḡ te anêḡ athêḡ nena Publias ma yani ma ḡgavithôm êḡ iniḡ anyô bêḡ. Ma anêḡ loḡ hamô habobo loḡ atu ba yeḡ hathak. Ôpêḡ

---

\* 28:2: 2Ko 11:27 \* 28:5: Mak 16:18 \* 28:6: Ap 14:11

hawa yêlô ba hi anêᶇ unyak ma hayabinᶇ yêlô mavi anôᶇ hatôm wak lô. <sup>8</sup> Ôpêᶇ anêᶇ lambô bôk hapôm lijᶇ lijkupik vovaᶇ lôk habopakla ba hêk iyom. Ma Pol hi ek êᶇjê yani. Hayô ma hateᶇ mek vêm ma hatak baᶇ hayô hêk yani ma hadum ôpêᶇ habitak mavi hathak loᶇbô. <sup>9</sup> Avômalô ᶇgavithôm êyê nôᶇm êᶇ, ma iniᶇ avômalô lôk lijᶇ sapêᶇ i hadêᶇ Pol ma yani hadum ba thêlô sapêᶇ ibitak mavi. <sup>10</sup> Thêlô êv athêᶇ bêᶇ hadêᶇ yêlô hathak kobom mavi lomalama. Aêᶇ ba yêlô apôpêk i ek ana ma êv yêlô sa hathak nôᶇmkama takatu ba yêlô mi.

### *Pol hi Lom*

<sup>11</sup> Yêlô amô ᶇgavithôm êᶇ hatôm ayôᶇ lô, êᶇ ma yêlô athak yeᶇ te atu ba bôk hamô loᶇ êᶇ hadêᶇ waklavôᶇ ᶇgwêk beᶇeᶇ lokwaᶇ. Yeᶇ êᶇ halêm anêᶇ malak Aleksandlia. Ma yeᶇ thohav ma etak ᶇgôkba lopopek dahô hamô, ᶇgôkba yaᶇ anêᶇ athêᶇ nena Kasto ma yaᶇ ma Polaks. Êᶇ ma yêlô athak yeᶇ êᶇ ba a. <sup>12</sup> Yêlô a aleba athak malak Silakius ma amô loᶇ êᶇ hatôm wak lô. <sup>13</sup> Ma yêlô atak loᶇ êᶇ ma a aleba athak malak Legiam. Ma haviyô hayaᶇ ma yêlô a, ma lovak mavi hayuv ba wak yaᶇ ma yêlô athak malak Puteoli. <sup>14</sup> Ma loᶇ êᶇ ma yêlô apôm ᶇê êvhaviᶇ doho ba ewa yêlô thô ma enaᶇ ek yêlô namô imbiᶇ i êtôm sonda te. Vêm ma yêlô atak i ma avenᶇ pik ba a Lom. <sup>15</sup> Ma avômalô êvhaviᶇ anêᶇ Lom elañô nena yêlô avenᶇ loᶇôndê ek nayô Lom, êᶇ ma etak Lom ba i ek nêpôm yêlô êndôk loᶇôndê. Doho i malak te anêᶇ athêᶇ nena “Apias Anêᶇ Loᶇ Êv Vuli Nôᶇmkama”, ma doho i malak yaᶇ ba anêᶇ athêᶇ nena “Unyak Lô Ek Vathi”. Pol hayê thêlô ma hêv lamavi hadêᶇ Wapômbêᶇ ma kapô

halôk biñ. <sup>16</sup> Yêlô ayô Lom ma enañ nena Pol ênjêk unyak te êtôm yani da anêñ lahavij. Ma anyô vovak te eyabinj yani.

*Pol hanañ Abô Mavi bêñ hamô Lom*

<sup>17</sup> Wak lô hale ba hi ma Pol dalam Israeël iniñ nê bêñbêñ takatu ba êmô Lom ethak donjom ma hanañ, “Aiyañ thêlô, miñ yahadum nômla kambom hadêñ alalôaniñ avômalô mena yahabulinj bumalô thêlô iniñ kobom ami. Ma donjom anêñ Jelusalem ma evalonj ya ba etak ya halôk Lom baheñij. <sup>18</sup> \*Ma avômalô Lom elañô yenañ abô ma enañ nena miñ yahadum nômlate kambom ek nijik ya vônô ami. Ba intu thêlô lenjinhavinj nêñêm ya vê ênjêk koladôn. <sup>19</sup> \*Ma donjom avômalô Israeël êdô ba imiñ lôklokwanj aleba ya lonjondê mi ba intu yahalam ek Sisa endañô yenañ abô. Miñ yahadum aêñ ek yanañ thêlô bêñ êndêñ Sisa esak kambom takatu ba idum hadêñ ya ami. Mi. <sup>20</sup> \*Ba intu yahalam môlô ek nôlêm ek yangê môlô lôk yanañ abô imbiñ môlô. Miñ yahadum kambom la ami, ma donjom señ havalonj ya lonj. Ek malê nena yahêv yamaleñ hathak nôm donjom atu ba avômalô Israeël ethak êv maleñij hathak. Nôm êñ ma Mesia.”

<sup>21</sup> Ma enañ viyanj, “Miñ anyô Judia la hatu kapya hadêñ yêlô ba hanañ abôla hathak o mena nê Israeël takatu ba êlêm lonj êntêk, miñ enañ abô kambom la hathak o ami. Mi. <sup>22</sup> \*Ma donjom yêlô ayala nena lonj nômbêñ intu sapêñ ma avômalô enañ abô kambom hathak lonjondê nêñêmimbiñ Yisu. Ba

\* **28:18:** Ap 26:31      \* **28:19:** Ap 25:11      \* **28:20:** Ap 26:6-7

\* **28:22:** Ap 24:14

intu yêlô leñiñhaviñ nadañô anêm auk nena honañ  
aisê hathak loñôndê êñ.” <sup>23</sup> Êñ ma etak wak yañ ek  
nesak doñtom imbiñ yani.

Wak êñ hayô ma avômalô Israeël bêt anôñ êyô  
unyak atu ba Pol hamô. Lôkbôk hi aleba bôlôvôn  
ma Pol hanañ abô hadêñ thêlô. Ma hik Wapômbêt  
anêñ loñ lôkliñyak anêñ ôdôn thô hadêñ i. Ma hik  
iniñ auk liñ hathak Mose anêñ balabuñ lôk plopet  
iniñ abô ek thêlô nêñêñimbiñ nena Yisu ma Mesia  
atu. <sup>24</sup> Ma thêlô doho êvhaviñ abô takatu ba hanañ  
ma doho ma mi. <sup>25</sup> Ma thêlôda enañ abô lôk vovak  
ba evak i vose hi ôdôn ju. Ba idum ek ini ma Pol  
hanañ abô te haven yam nena, “Lovak Mathen  
bôk hanañ abô avanôn hadêñ libumi halôk plopet  
Aisaia ba hanañ aêntêk,

<sup>26</sup> “ ‘Nu êndên avômalô takêntêk ba onañ êndên i  
nena,

“Wak nômbêt intu ma tem nodañô abô,  
ma doñtom tem miñ hatôm noyala anêñ ôdôn  
ami;

Ma wak nômbêt intu ma tem ôngô nômlate,  
ma doñtom miñ hatôm nôpôm anêñ ôdôn ami.”

<sup>27</sup> Ek malê nena avômalô takên iniñ auk ma thek-  
thek,

ma ibi leñiñôndôn siñ,  
lôk ivuliv maleniñ siñ.

Ma mi, ma tem nêgê tak esak maleniñ,  
lôk nedañô êndôk leñiñôndôn,  
lôk neja êñjêk iniñ auk

ma tem nede kapôlônñ liliñ ek yandum thêlô ba  
nimbitak mavi.’ *Aisaia 6:9-10*

<sup>28</sup> “Aên ba noyala katô nena Wapômbêt hêv  
anêñ abô hathak anêñ bulubiñ hadêñ avômalô loñ



buyan ba tem thêlô neja thô.”<sup>29</sup> [Pol hanaŋ abô êŋ yôv, êŋ ma avômalô Islael etak yani ba i. Ma êkôki hathak anêŋ abô takatu.]\*

<sup>30</sup> Hatôm sondabêŋ ju ma Pol hamô unyak atu ba yanida hêv vuli ma hawa avômalô takatu ba êlêm ek nêgê yani thô lôk lamavi. <sup>31</sup> Ma yani hamiŋ lôklokwan ma kô mi ma hanaŋ abô hathak Wapômbêŋ anêŋ loŋ lôkliŋyak ma hadôŋ avômalô hathak Anyô Bêŋ Yisu Kilisi. Ma anyôla miŋ hamiŋ yani loŋ siŋ ami.

---

\* **28:29:** Nê lôkauk vi leŋiŋhabi nena abô 28:29, ma Luk da miŋ hato ami, ma anyôla hato havenŋ yam.

**Wapômbêŋ Anêŋ Abô Mathen**  
**The New Testament in the Malei-Hote Language of**  
**Papua New Guinea**  
**Nupela Testamen long tokples Maei-Hote long Niugini**  
copyright © 2010 Wycliffe Bible Translators, Inc. and The Malê people

Language: Hotê-Malê (Malei-Hote)

Translation by: Wycliffe Bible Translators

Contributor: The Malê people

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-02

---

PDF generated using Haiola and XeLaTeX on 21 Feb 2024 from source files dated 31 Aug 2023

c8e90bc3-6cab-57b1-9a48-04f5f30fe59a